

quam finitur? Tunc maligni spiritus, egrediente anima, sua opera requirunt, tunc mala quæ suaserunt replicant, ut sociam ad tormenta trahant. Sed cur hoc de perversa solummodo anima dicimus, cum ad electos quosque egredientes veniant, et suum in illis si prævaleant aliquid requirant. Unus enim in omnibus exstitit, qui ante passionem suam libera voce dixit: « Jam non multa loquar vobiscum. Venit enim princeps mundi hujus, et in me non habet quidquam (*Joan. xiv.*, 30). » Quia enim hunc mortalem hominem vidit, suum in illo mundi princeps aliquid invenire posse se credit. Sed sine ullo peccato a mundi corruptione exiit, qui sine peccato in mundum venit. Hoc de se contra mundi principem nec Petrus dicere præsumpsit, qui audire meruit: « Quæcunque ligaveris super terram, ligata erunt et in cœlis: et quodcumque solveris super terram, erit solutum et in cœlis (*Matth. xvi.*, 19). » Hoc nec Paulus dicere præsumpsit, qui priusquam mortis debitum solveret, ad cœli tertii secreta pervenit; hoc nec Joannes dicere ausus est, qui pro amore præcipuo in redemptoris sui pectore in coena recubuit. Nam cum Propheta dicat: « Ecce enim in iniuritatibus conceptus sum, et in delictis peperit me mater mea (*Psal. l.*, 7), » sine culpa in mundo esse non potuit, qui in mundum cum culpa venit. Hinc namque idem Propheta ait: « Non enim justificabitur in conspectu tuo omnis vivens (*Psal. cxlii.*, 2). » Hinc Salomon ait: « Non est homo in terra qui faciat bonum et non peccet. » Hinc Joannes dicit: « Si dixerimus quia peccatum non habemus, ipsi nos seducimus et veritas in nobis non est (*I Joan. i.*, 8). » Hinc Jacobus ait: « In multis enim offendimus omnes (*Jac. iii.*, 2). » Constat enim nec negare possumus, sed

A veraciter fatemur, quia princeps hujus mundi habet in nobis multa. Sed tamen mortis nostræ tempore jam nos rapere non valet, quia ejus membra sumus in quo non habet quidquam. Sed quid prodest quod eidem redemptori nostro per fidem jungimur: si ab eo moribus disjungamur? Ipse etenim dicit: « Non enim qui dicit mihi in illa die, Domine, Domine, intrabit in regnum cœlorum (*Matth. vii.*, 21). » Recta ergo opera fidei recte jungenda sunt. Mala quæ fecimus per quotidiana lamenta desleamus, transactas nostras nequitias surgentia ab amore Dei et proximi recta opera superent, nulla quæ possuntus fratribus impendere bona recusemus. Neque enim aliter redemptoris nostri membra efficiuntur, nisi inhærendo Deo, et compatiendo proximo. Ille nimur aptus est regno cœlorum, qui dilectionem Dei in custodia mandatorum ejus ante omnia usque ad finem vitæ habere satagit, et dilectionem proximi, in necessitatibus ejus quantum prævaleret constando, manifeste per opera ostendit. Hæc ergo considerantes bonum certamen certemus, cursum agonis nostri consummare studeamus, fidem servare euremus. Nullus nostrum de justitia sua præsummat: sed ea quæ retro sunt obliviscens in anteriora se semper extendat, sequens supernæ vocationis præmium, quoadusque illud consequatur. Nemo ergo scit quid de se in occultis Dei judiciis agitur, quia multi vocati, pauci vero electi. Quia igitur nulli de se certum est electum se esse, restat ut omnes trepidant, omnes de sua actione formident, omnes in sola divina misericordia gaudent, nullus de stis viribus præsummat. Est qui perficiat fiduciam nostram: ille scilicet qui in se dignatus est asse mere naturam nostram

BEATI RABANI MAURI

FULDENSIS ABBATIS ET MOGUNTINI ARCHIEPISCOPI,

DE VIDENDO DEUM, DE PURITATE CORDIS ET MODO PÆNITENTIAE

LIBRI TRES,

AD BONOSUM ABBATEM.

LIBER PRIMUS.

DE VIDENDO DEUM.

Apostolica nos admonet sententia (*Rom. xii.*, 3) ut « non plus velimus sapere quam oportet sapere, » sed sapere ad sobrietatem, et secundum rationem fidei; et idemhortatur nos ut quidquid agamus prudenter et secundum rationem facere studeamus, ita dicens: « Omnia vestra honeste et secundum

D ordinem fiant (*I Cor. xiv.*, 40). » Unde miror quod quidam ex nostris, non tempus nec modum observantes, de secretis Dei et celestibus mysteriis in conviviis suis inter pocula disputant, qualiter post hanc vitam electi visuri sunt Dominam in regno cœlesti; quasi idem officium sit cauponis et contemplationis, et quasi poculum vini amatoribus suis hoc una hora possit conferre quod illi antea longe in Scripturis sacris intente nobuerunt meditari? præ-

sertum cum Psalmista illos beatos nuncupet qui « immaculati in via ambulant in lege Domini, et qui scrutantes testimonia ejus, in toto corde exquirunt eum (*Psal. cxviii, 1*). » Et ne subito vel imprudenter quis de invisibili et ineffabili Deo præsumat disputare, idem propheta ex persona Domini dicit : « Vacate et videte quomodo ego sum Deus (*Psal. xlvi, 11*). » Si quidem qui vacare Deo negligit, suo sibi judicio lumen ejus visionis abscondit; qui autem perturbationibus indiscrete se intermiscet, et tumultus rerum temporalium intra mentem suam versari permittit, omnino secreta invisibilis Dei scrutari inhabilis fit, quando qui didicerunt a Domino Deo Jesu Christo mites esse et humiles corde plus cogitando et orando, simpliciique corde illum querendo proficiunt, quam supervacuis sermocinationibus disputando atque decertando. Quod autem sic cautis quæstionibus non sit deservendum, Paulus ad discipulum ita inquiens, scribens, ostendit: « Stultas et sine disciplina quæstiones devita, sciens quia generant lites : servum autem Domini non oportet litigare, sed mansuetum esse ad omnes, docibilem, patientem (*II Tim. ii, 23*). » Proinde decet ut quicunque de mysteriis coelestibus vult scrutari, vel disputare, studeat prius cor a mundanis desideriis et vitiorum sordibus expurgare, et sic demum sperret se per Dei gratiam spiritalia dona posse plane percipere. Unde memoratus apostolus docet dicens : « Renovamini spiritu mentis vestræ et induite novum hominem, qui secundum Deum creatus est in justitia et sanctitate veritatis (*Ephes. iv, 23*). » Et item : « Mortificate, inquit, membra vestra, quæ sunt super terram, fornicationem, immunditiam, libidinem, concupiscentiam malam et avaritiam, quæ est simulariorum servitus, propter quæ venit ira Dei super filios incredulitatis, in quibus et vos ambulastis aliquando cum viveretis in illis. Nunc autem deponite et vos omnia : iram, indignationem, malitiam, blasphemiam, turpem sermonem de ore vestro. Nolite mentiri invicem, expoliantes vos veterem hominem cum actibus ejus, et induentes novum, eum qui renovatur in agnitione secundum imaginem ejus qui creavit eum, ubi non est gentilis et Judæus, circumcisio et præputium, barbarus et Scytha, et servus et liber, sed omnia et in omnibus Christus (*Colos. iii, 5*). » Imago enim Dei qui incorporeus est non est in corpore humano, quod corrupitur et gravatur secundum desideria erroris, sed in spiritu et anima, quia spiritus est Deus qui omnia scrutatur, nec possibile est ut terrenum et fragile aliquid celsitudini ejus atque æternitati comparetur, quia ipse est vita, quæ vivificat omnia, qui solus habet immortalitatem et lucem habitat inaccessibilem. Ipse est enim lux vera « quæ illuminat omnem hominem venientem in hunc mundum », et ideo quisquis illius lucis contemplatione frui desiderat in æterna beatitudine, necesse est ut mundet cor in hujus vita peregrinatione, quia non aliter ad ejus visionem pertingere poterit, de quo ipsa Veritas ait : « Beati mundo corde, quo-

A niam ipsi Deum videbunt (*Math. v, 8*). » Sed quoniam amicis nostris rogantibus et maxime Ludovico rege exhortante, de futura visione Dei aliiquid scribere coactus sum, hoc ipsum non secundum propriam opinionem, sed secundum sanctorum doctorum et catholicorum Patrum traditionem aggredi tentabo, et vel eorum sententias ponendo, sive ipsorum sensum propriis verbis, brevitatibus causa, explicando, quantum sentio, ostendere curabo. Scripsit enim de hoc beatus Augustinus in plerisque locis, et maxime in epistola ad Paulinam de videndo Deo, ubi quid ipse senserit, vel quid cæteri sancti Patres ante eam scripserint, non tacet. Dicit enim in eadem epistola: Sic credimus videre Deum, non quia vidimus vel per oculos corporis, sicut videmus hunc solem, vel mentis obtutu, sicut se quisque interius videt viventem, videt volentem, videt querentem, videt scientem, videt nescientem. Tu itaque ipsa lectis his litteris, solem quidem vidisse te recolis per oculos corporis, potes etiam statim videre, si est id temporis, et eo loci es ubi ex ea parte coelum oculis tuis usque ad solem contuendum patet. Ad illa vero videnda quæ mente conspici dixi, id est, quod vivis, quod videre Deum velis, quod id requiras, quod et vivere et velle et querere scias, quomodo autem Deus videatur nescias; ad hæc, inquam, omnia videnda, non oculos corporis adhibes, nec intervallo loci, per quod intendatur obtutus, ut ad ea cernenda perveniat, sentis aut queraris. Sic vides vitam tuam, voluntatem, inquisitionem, scientiam, ignorantiam, quia nec ipsa est contemnenda visio videre quod nescias; sic, inquam, vides hæc omnia, ut in te video, apud te habeas: ac sine ulla figurarum linamentis, colorumque nitibus, tanto clarius et certius quam simplicius interiusque conspicias. Cum igitur nec oculis corporis, sicut corpora sive celestia, sive terrestria, nec mentis aspectu sicut ea sunt quorum nonnulla commemoravi, quæ apud temetipsam certissime intueris, nunc videamus Deum; cur credamus eum videri, nisi quia Scripturæ accommodamus fidem ubi legitur: « Beati mundo corde, quia ipse Deum videbunt; » et si qua alia in hanc sententiam eadem divina auctoritate conscripta sunt, cui non credere nefas ducimus, credere autem pietatis esse minime dubitamus? Inter videre quoque et credere hoc distare dicamus, quia presentia videantur, creduntur absentia, plane forsitan satis est, si presentia illa hoc loco intelligamus dicta, quæ præsto sunt sensibus, sive animi sive corporis, unde etiam ducit vocabulo presentia nominantur. Sic enim hanc lucem corporis sensu, sic et meam voluntatem plane video, quia præsto est animi mei sensibus, atque intus mihi præsens est. Si quis vero mihi indicat voluntatem suam, cuius os et vox mihi præsens est, tamen quia ipsa voluntas quam mihi indicat, hanc sensum corporis et animi mei, credo, non video, aut si eum mentiri existimo, non credo; et si forte, ut dicit, ita sit. Creduntur ergo illa quæ absentia sensibus nostris, si videtur idoneus qui de eis re-

stimonium perhibet, videntur autem quæ præsto sunt, unde et præsentia nominantur, vel animi vel corporis sensibus. Constat igitur nostra scientia ex visis rebus et creditis, sed in his quæ vidimus vel videmus, nos ipsi testes sumus; in his autem quæ credimus, aliis testibus movemur ad fidem, cum earum rerum quas nec vidisse nos recolimus nec videmus, dantur signa vel in vocibus, vel in litteris, vel in quibusque documentis, quibus visis non visa credantur. Non autem immerito scire nos dicimus non solum ea quæ vidimus aut videmus, verum et illa que idoneis ad quamque rēm commoti testimonii vel testibus credimus: porro si scire non incongruenter dicimur etiam illud quod certissimum credimus, hinc factum est ut etiam recte, et si non adsint sensibus nostris, vide me mente dicamur. Scientia quippe menti tribuitur, sive per corporis sensus, sive per ipsum animum aliquid perceptum cognitumque retineat, et fides ipsa mente itaque videtur, quamvis hoc fide credatur quod non videtur. Unde apostolus Petrus dicit: « In quem modo non videntes creditis (*I Petr. 1, 8*), » et ipse Dominus: « Beati, inquit, qui non viderunt et crediderunt (*Joan. xx, 29*). » Illa enim quæ videt, adsunt sensibus, vel animi vel corporis; quæ autem credit, absunt a sensibus et animi et corporis, quamvis et voluntas ejus a quo audit ut credit non sit præterita, sed maneat in loquente, quam in seipso idem ipse qui loquitur videt. Ille vero qui audit non eam videt, sed credit. Resurrectio autem Christi præterita est, quam nec illi viderunt homines qui tunc fuerunt. Nam qui viderunt viventem Christum, quem viderant mortuentem, ipsam tamen resurrectionem, cum fieret, non viderunt, sed eam certissime crediderunt, videndo, et tangendo vivum quem neverant mortuum. Nos totum credimus, et quod resurrexit, et quod ab hominibus tunc visus et tractatus sit, et quod nunc vivat in cœlis, nec jam moriatur et mors illi ultra non dominetur. Res autem ipsa nec corporis nostri sensibus adest, sicut adest hoc cœlum et terra, nec nostræ mentis obtutibus, sicut adest fides ipsa, qua hoc credimus. Veniamus ad causam. Scimus posse Deum videri, quoniam scriptum est: « Beati mundo corde, quoniam ipsi Deum videbunt (*Matth. v, 8*). » An forte non debui dicere, Scimus, sed, Credimus: quoniam Deum nec corpore aliquando vidimus sicut hanc lucem, nec mente, sicut ipsam in nobis, qua id, credimus, fidem? sed tantum quia scriptum est in ea scriptura cuius fideles sumus, quod verum sit, minime dubitamus? Apostoli tamen Joannes cum tale aliquid diceret: « Scimus, inquit, quia cum apparuerit, similes ei erimus, quoniam videbimus eum sicuti est (*I Joan. iii, 2*). » Ecce scire se dixit, quod nondum factum fuerat, nec videndo, sed credendo cognoverat. Recte itaque diximus, scimus posse Deum videri, quamvis eum non viderimus, sed divinæ auctoritati, quæ sanctis libris continetur, crediderimus: quid est ergo quod eadem dicit auctoritas, Deum nemo vidit unquam? An fortasse respondetur, quod illa testimonia de

A videndo Deo sint, non de viso, Ipsi enim Deum videbunt, dictum est; non, Viderunt; et non, Vidimus, sed, Videbimus eum sicuti est: proinde his sententiis non est contrarium: « Deum nemo vidit unquam (*Joan. i, 18*). » Videbunt enim quem non viderunt, qui mundo corde filii Dei esse voluerunt. Quid est igitur: « Vidi Deum facie ad faciem, et salva facta est anima mea (*Gen. xxxii, 30*)? » An et hoc contrarium illi quod dictum est, « Deum nemo vidit unquam? » Et illud quod de Moyse scriptum est, « quia loquebatur cum Deo facie ad faciem, sicut quis loquitur ad amicum suum (*Exod. xxxiii, 11*); » et illud quod propheta Isaías de seipso loquens ait: « Vidi Dominum Sabaoth sedentem in throno (*Isai. vi, 1*), » et si qua alia solent similia testimonia ex **B** eadem auctoritate proferri, quomodo non sunt contraria sententiæ qua dictum est: « Deum nemo vidit unquam? »

Ipsum quoque Evangelium potest putari sibi esse contrarium; quomodo enim verum est quod in eo dicitur: « Qui me videt, vidi et Patrem (*Joan. xiv, 9*), » si Dominum nemo vidit unquam? Quomodo verum est, « Angeli eorum semper vident faciem Patris mei? » Si Deum nemo vidit unquam? Quia igitur regula intelligentiæ ista veluti contraria et repugnantia, non esse contraria nec repugnare probabimus? Neque enim fieri ullo modo potest ut hæc Scripturarum auctoritas aliqua ex parte men-
tiatur. Si dicimus in eo quod scriptum est: « Deum nemo vidit unquam, » homines tantummodo intelligendos, sicut etiam illud dictum est: « Nemo scit quid agatur in homine, nisi spiritus hominis qui in ipso est (*I Joan. iv, 12*): » nemo utique, sed homi-
num. Neque enim hoc de Deo accipi potest, cum de Christo scriptum sit non opus fuisse ut quisquam illi testimonium perhiberet de homine, quoniam ipse sciebat quid esset de homine. Nam hoc Apostolus planius explicans, « Quem nemo, inquit, hominum vidiit nec videre potest (*I Tim. vi, 16*). » Si ergo ita dictum est, « Deum nemo vidit unquam, » ac si diceretur nemo hominum; hactenus illa quæstio soluta videbitur, ut non sit huic sententiæ contrarium quod Dominus ait: « Angeli eorum semper vident faciem Patris mei (*Matth. xviii, 10*), » ut scilicet angelos Deum videre credamus, quem nemo vidit unquam, subaudiatur, hominum. Quomodo ergo Deum vidiit Abraham, Isaac, et Jacob, Job, Moyses, Micheas, Isaías, et si qui alii sunt, de quibus veracissima Scriptura testatur quod viderint, si Deum nemo unquam hominum vidiit, nec videre potest? Quan-
C quam nonnulli volentes probare etiam impios visuros Deum, a diabolo quoque ipso Deum visum putant, sic accipientes quod scriptum est in libro Job, ve-
nisce cum angelis et diabolum in conspectu Dei, ut jam et illud veniat in quæstionem, quomodo dictum sit: « Beati mundo corde, quia ipsi Deum videbunt (*Matth. v, 8*); » et illud: « Pacem sectamini cum omnibus et sanctificationem, sine qua nemo poterit videre Deum (*Hebr. xii, 14*). » Multum enim miror,

si eo usque progrediuntur, qui existimant impios visuros Deum, et a diabolo visum Deum, ut eos et mundo esse corde, et pacem ac sanctificationem cum omnibus sectari asseverent. Nam quod Dominus ait: « Qui me videt, videt et Patrem (Joan. 1, 9), » potest, paulo attentius consideratum, non videri esse contrarium ei quod dixit: « Deum nemo vidi unquam (Joan. 1, 8). » Neque enim dixit, Quia me vidi distis, vidi distis et Patrem; sed dicendo, « Qui me videt, videt et Patrem, » ostendere voluit unitatem substantiae Patris et Filii, ne in aliquo inter se putarentur esse dissimiles. Ac per hoc quoniam verum dictum est, « Qui me videt, videt et Patrem, » prosectorum quoniam Deum nemo hominum vidi unquam, nec Patrem quisquam putandus est vidiisse, nec Filium, secundum quod Deus est et Filius et cum Patre unus Deus: nam secundum id quod homo est, utique in terra visus est, et cum hominibus conversatus est. Sed magna quaestio est quomodo non sit contrarium quia tot antiqui viderunt Deum, si Deum nemo vidi unquam: quem nemo hominum vidi, nec videre potest? Vides quam difficultem mihi proposueris quaestionem, unde me aliquid prolixo copioseque scribere voluisti, ex occasione brevis epistola mea, quae tibi visa est diligentius et uberior explicanda. Visue ergo attendere quae apud alios interim comperi divinarum Scripturarum egregios tractatores, quid de visione Dei senserint, ne forte sufficienter desiderio tuo, quamvis ea forsitan noveris? Pauca ergo ista attende, si placet. Cum Evangelium exponens beatus Ambrosius Mediolanensis episcopus venisset ad eum locum ubi angelus apparuit in templo Zachariae sacerdoti, ex hac occasione, vide quanta et qualia de Dei etiam visione disseruit. Non immerito, inquit, angelus videtur in templo, quia veri sacerdotis jam nuntiabatur adventus, et coeleste sacrificium parabatur, in quo angeli ministrarent. Et bene apparuisse dicitur ei qui eum repente conspexit. Hoc specialiter aut de angelis aut de Deo Scriptura divina tenere consuevit, ut quod non potest providere, apparere dicitur. Sic enim habes: « Apparuit Deus Abraham ad illicem Mamre (Exod. vi, 3). » Nam quia ante non presentiatur, sed repentina videtur aspectu, apparere memoratur. Non enim similiter sensibilia videntur, et is in cuius voluntate situm est videri, et cuius naturae est non videri, voluntatis videri. Nam si non vult, non videtur; si vult, videtur. Apparuit enim Deus Abraham quia voluit; aliis quia noluit, non apparuit. Visum est etiam Stephano, cum lapidaretur a populo, aperiri cælum; visus est etiam Jesus stans ad dexteram Dei, et non est visus a populo. Vedit Isaías Dominum Sabaoth, sed aliis videri non potuit, quia cui placuit apparuit. Et quid de hominibus loquimur, cum etiam de ipsis coelestibus virtutibus et potestatibus legerimus « quia Dominum nemo vidi unquam (Joan. 1, 8)? » et addit quod ultra coelestes est potestates, unigenitus Filius, qui est in sinu Patris, ipse narravit. Aut acquiescat igitur necesse est, si Deum Patrem nemo vidi unquam, Filium visum esse in Veteri Testamento, et

A desinat haeretici ex virgine ei principium dare, qui antequam nasceretur ex virgine, videbatur, aut certe reselli non potest, vel Patrem vel Filium, vel certe Spiritum sanctum, si tamen est sancti Spiritus visio, ea specie videri quam voluntas elegerit, non natura formaverit, quoniam Spiritum quoque visum accipimus in columba. Et ideo « Deum nemo vidi unquam, » quia eam quae in Deo habitat plenitudinem divinitatis, nemo conspexit, nemo mente aut oculis comprehendit. « Vedit » enim ad utrumque referendum est. Denique cum auditur, « unigenitus Filius ipse enarravit, » mentium magis quam oculorum visio declaratur. Species enim videtur, virtus vero narratur, illa oculis, haec mente comprehenditur. Sed quid de trinitate dicam? Seraphim quando voluit, apparuit, et vocem ejus Isaías solus audivit. Apparuit angelus, et nunc praesto est, sed non videtur. Neque enim in potestate nostra est videre, sed in potestate illius apparere. Tamen etsi potestas non est videndi, est gratia promerendi ut videre possimus, et ideo qui habuit gratiam, meruit copiam. Nos copiam non meremur, quia Deum videndi gratiam non habemus. Et quid mirum si in praesenti saeculo, nisi quando vult Dominus non videtur? In ipsa quoque resurrectione non facile est Deum videre, nisi his qui corde sint mundo; et ideo, « Beati mundo corde, ipsi enim Deum videbunt (Matt. viii, 5). » Quantos beatos jam numeraverat et tamen videndi his Deum non promiserat facultatem! Si ergo hi qui mundo sunt corde Deum videbunt, utique alii non videbunt; neque enim indigni Deum videbunt, neque is qui Deum videre noluerit, potest Deum videre. Nec in loco Deus videtur, sed mundo corde, nec ipse corporalibus oculis queritur, nec circumscribitur visu, nec tactu tenetur, nec audiatur affatu, nec sentitur incessu. Et cum absens potest videtur, et cum praesens est, non videtur. Denique nec apostoli omnes Christum videbant, et ideo ait: « Tanto tempore vobiscum sum et adhuc me non cognovistis (Joan. xiv, 9)! » Qui enim cognovit quem sit longitudo et latitudo, et altitudo et profundum, et supereminentem scientiam charitatem Christi, videt et Christum, videt et Patrem. Nos enim jam secundum carnem non novimus Christum, sed secundum spiritum. Spiritus enim ante faciem nostram Christus Dominus, qui nos in omnem plenitudinem Dei misericordia sua implere dignetur, ut videri possit a nobis. Invisibilis est igitur natura Deus non tantum Pater, sed et ipsa Trinitas, unus Deus, et quia non tantum invisibilis, verum etiam incommutabilis, sic appetet, quibus voluerit, in qua voluerit specie, et apud eum integra maneat ejus invisibilis incommutabilisque natura, desiderium autem veraciter piorum, quo videre Deum cupiunt et inhianter audeant, non, opinor, in eam speciem contuendam fragrat, qua ut vult appetet, quod ipse non est, sed in eam substantiam qua ipse est quod est. Hujus enim desiderii sui flaminam, sanctus Moyses fidelis famulus ejus ostendit, ubi ait Deo, cum quo ut amicis

facie ad faciem loquebatur : « Si inveni gratiam ante te, ostende mihi temetipsum (*Exod. xxxiii, 13*). » Quid ergo? Ille non erat ipse? Si non est et ipse, non ei diceret, « Ostende mihi temetipsum, » sed, Ostende mihi Deum, et tamen si ejus naturam substantiamque consiperet, multo minus diceret, « Ostende mihi temetipsum. » Ipse ergo erat in ea specie qua apparere voluerat. Non autem ipse apparebat in natura propria quam Moyses videre cupiebat, et qua promittitur sanctis in alia vita. Unde quod responsum est Moysi verum est, quia « nemo potest faciem Dei videre, et vivere (*Ibid. v. 20*) ; » id est, nemo potest eum in hac vita vivens videre sicuti est. Nam multi viderunt, sed quod voluntas elegit, non quod natura formavit, et illud quod Joannes ait, si recte intelligitur : « Dilectissimi, filii Dei sumus, et nondum apparuit quod erimus; scimus quia cum apparuerit, similes ei erimus, quoniam videlimus eum sicuti est (*I Joan. iii, 2*), » non sicut eum homines viderunt quando voluit, in specie qua voluit, non in natura, qua in semetipsa etiam cum videretur, latuit, sed sicut est, quod ab eo petebatur, cum ei diceretur, « Ostende mihi temetipsum », ab eo qui cum illo facie ad faciem loquebatur. Non quia Dei plenitudinem quisque non solum oculis corporis, sed vel ipsa mente aliquando comprehendit. Aliud est enim videre, aliud est totum videndo comprehendere, quandoquidem id videtur, quod praesens utrumque sentitur; totum autem comprehendendit videndo, quod ita videtur, ut nihil ejus lateat videntem, aut cuius fines circumspici possunt, sicut te nihil latet presentis voluntatis tuae, circumspici autem potest finis annuli tui. Exempli gratia duo posui, quorum alterum ad mentis obtutum, alterum ad corporales oculos pertinet; visus enim, sicut ille sit, ad utrumque referendum est, id est, ad oculos et ad mentem. Porro, si propterea Deum nemo vidiit unquam, quia, sicut ait disputator cuius verba consideramus, plenitudinem divinitatis ejus nemo comprehesit, nemo mente aut oculis comprehendit. « Videlit enim ad utrumque referendum est. Restat inquirere quemodo angelii Deum videant, propter illud quod ex Evangelio commemoravit : « Angeli eorum semper vident faciem Patris mei (*Matth. xix, 10*). » Si enim et ipsis non sicuti est, sed lateante sua natura in specie qua voluerit, apparet, magis magisque requirendum est quomodo eum nos videbimus sicuti est, et sicut Moyses desideravit cum peteret ut Deus, qui in conspectu ejus erat, ostenderet illi semetipsum (*Exod. xxxiii, 15*). Hoc enim nobis summum praeium in resurrectione promittitur, quod erimus aequales angelis Dei. Ac per hoc si nec ipsis eum vident sicuti est, quomodo nos ita visuri sumus, cum eis aequales in resurrectione facti fuerimus? Sed vide quid consequenter dicat noster Ambrosius. Denique, inquit, cum additur, « unigenitus Filius ipse narrabit, mentium magis quam visio oculorum declaratur. Species enim videtur, virtus vero narratur. Illa eoculis, haec mente comprehenditur. » Qui

A paulo ante dixerat visionem ad utrumque refereundam, nunc eam non menti sed oculis dedit, non, ut opinor, negligenter sua verba respiciens, sed quia usitatius in loquendo solemus oculis attribuere visionem, sicut speciem corpori. Nam et hic mos loquendi crebrius usurpatur in rebus, quae locis continentur, varianturque coloribus. Sed si nulla species esset mente contuenda, non diceretur ille « speciosus forma pre filiis hominum (*Ps. xliv, 3*). » Neque enim hoc secundum carnem dictum est, et non secundum speciem spiritalem. ^{1. 5. 7. 10. 11.} Proinde narrante Unigenito, qui est in sinu Patris, narratione ineffabili, creatura rationalis munda et sancta impletur Dei visione ineffabili, quam tunc consequemur, cum aquales angelis facti fuerimus, quia sicut videntur ista visibilia, corporis sensibus nota, « Deum nemo vidiit unquam. » Quoniam si aliquando eo modo visus est, non sicut ista natura videtur, sed voluntate visus est, specie qua voluit apparet, latente natura atque in se incommutabiliter permanente. Eo autem modo quo videtur sicuti est, nunc fortasse, videtur a quibusdam angelis. A nobis autem non ita videtur [vitebitur], cum eis facti fuerimus aequales. ^{2. 3.} Deinde cum addidisset, « quia nec potestates celorum sicut seraphim, nisi cum volunt et quemadmodum volunt videntur : » ut hinc etiam conjiceretur quanta sit invisibilitas Trinitatis, tamen inquit, « et si potestas non est videndi, est gratia promerendi, » ut videre possimus, et ideo qui habuit gratiam meruit copiam. Nos copiam non meremur, quia Deum videnti gratiam non habemus. His itaque verbis quibus non sua docet, sed Evangelium exponit, non hoc voluit intelligi quod quidam eorum videbunt Deum, quidam vero non videbunt, quibus credentibus-dedit potestatem filios Dei fieri, cum ad eos omnes pertineat quod dictum est, « videbimus eum sicuti est. » Sed dicendo, Nos copiam non meremur quia Deum videnti gratiam non habemus, de hoc saeculo se loqui significavit, ubi quibusdam Deus licet non in sua natura, sed in qua voluit specie dignatus est apparet, sicut Abraham, sicut Isaiae aliisque similibus. Ceteris vero insuperabilibus, quamvis ad suum populum et hereditatem aeternam pertinentibus, nulla vel tali specie se demonstrat : in futuro autem saeculo, qui regnum accepturi sunt quod eis ab initio preparatum est, omnes eum corde mundo videbunt, nec in illo regno nisi tales erunt. Attende itaque id quod adjungat, jam de illo saeculo dicere incipiens, « et quid mirum, » inquit, « si in praesenti saeculo nisi quando vult Dominus non videtur? » In ipsa quoque resurrectione non facile est Deum videre nisi eis qui corde sint mundo, et ideo, « Beati mundo corde, ipsis enim Deum videbunt, » quantos beatos jam numeraverat et tamen videnti his Deum non promisebat facultatem ; si ergo hi qui mundo sunt corde Deum videbunt, utique alii non videbunt, neque indigni Deum videbunt, neque is qui Deum videre noluerit potest Deum videre. Cernis quod circumspecte loquatur jam de his qui in futuro saeculo

Deum videbunt, neque enim omnes, sed qui digni sunt. Resurgent enim et digni et indigni regno illo ubi videbitur Deus, quoniam omnes qui monumentis sunt audient vocem ejus et procedent, sed cum magna differentia. Nam qui bene fecerunt, in resurrectionem vitæ; qui autem male egerunt, in resurrectionem judicii. Hic judicium poenam æternam significat, sicut etiam illud dictum: « Qui non credit, jam judicatus est (*Joan. iii., 18*). » Quod ergo ait sanctus Ambrosius, « neque is qui Deum videre noluerit potest Deum videre, » quid aliud intelligi voluit, nisi quia is qui mundando cordi curam tanta re dignam non vult impendere, non vult Deum videre, vide proinde quid adjungat, « nec in loco, inquit, Deus videtur, sed mundo corde. » Quid evidentius, quid expressius dici potuit? Ab hac igitur visione diabolus et angeli ejus et omnes cum iis impii, sine ulla nebula dubitationis, exclusi sunt, quoniam mundo corde non sunt, ac per hoc quod scriptum est in libro Job, venisse angelos in conspectu Dei et venisse cum eis diabolus, non ideo diabolus Deum vidisse credendus est. Ipsi enim dicti sunt venisse in conspectu Dei, non Deus in conspectu eorum.] Nec opus est hoc loco immorari, ut pro viribus nostris conemur ostendere quomodo et hoc temporaliter fiat, cum in Dei conspectu semper sint omnia. Nunc enim queritur quomodo videatur Deus; non in ea specie qua et in isto saeculo quibusdam voluit, apparere, quando non solum cum Abraham aliisque justis, verum etiam cum Cain fraticida locutus est; sed quomodo videatur in illo regno ubi filii ejus eum videbunt sicuti est. Tunc quippe satiabitur in bonis desiderium eorum. Quo desiderio flagrabat Moyses, cui loqui ad Deum facie ad faciem non sufficiebat et dicebat: « Ostende mihi temet ipsum manifeste, ut videam te (*Exod. xxxiii., 13*), » tanquam diceret quod in Psalmo ex eodem desiderio canitur: « Satiabor dum manifestabitur gloria tua (*Psal. xvi., 15*). » Quo desiderio ardebat et Philippus, et sic satiari cupiebat dicens: « Ostende nobis Patrem, et sufficit nobis (*Joan. xiv., 8, 9*). » De hac visione ejus loquens etiam ipse amator et desiderator Ambrosius, non in loco, inquit, Deus videtur et sicut ad illicem Mambre, sicut in monte Sina; sed mundo corde, et sequitur, sciens quid desideret, et quid aestuet et quid speret. Nec corporalibus, inquit, oculis Deus queritur, quibus se ostendit Abraham, Isaac, Jacob et aliis in hoc saeculo, nec circumscriptur visu, propter illud quod dictum est, Posteriora mea videbis; nec tactu tenetur, sicut etiam luctatus est cum Jacob, nec auditur affatu, sicut non solum a tot sanctis, verum etiam a diabolo auditus est, nec sentitur incessu, sicut aliquando cum in paradiso deambularet ad vesperam. Vides quemadmodum vir sanctus enitatur mentes nostras ab omnibus carnis sensibus evocare, ut aptas faciat ad videndum Deum, et tamen quid agit talis extrinsecus plantator et rigator, nisi intrinsecus operetur qui dat incrementum Deus: quis enim sine adjutorio spiritus Dei co-

A gitare valeat esse aliquid, magisque esse quam omnia quæ per corpus sentiantur, quod nec in loco videatur, nec querendum sit oculis, nec audiatur affatu nec tactu teneatur, nec sentiatur incessu et videatur tamen, sed corde mundo. Neque enim de hac vita ille loquebatur, cum hoc diceret; quando quidem ab hoc saeculo in quo Deus apparuit, non sicuti est, sed in specie sua voluit, quibus voluit, satis discrevit saeculi futuri vitam discretione aperi-
tissima, ubi alt: Et quid mirum si in praesenti saeculo, nisi quando vult Dominus non videtur. In ipsa quoque resurrectione non facile est Deum videre, nisi his qui corde sint mundo. Et ideo: « Beati mundo corde, ipsi enim Deum videbunt. » Hinc jam de illo saeculo dicere exorsus est ubi Deum videbunt, non omnes qui resurgent, sed qui resurgent ad vitam æternam, non indigni de quibus dictum est: « Tollatur impius, ne videat claritatem Domini; » sed digni, de qualibus dixit ipse Dominus cum præsens non videretur: « Qui diligit me, mandata mea custodit; et : Qui diligit me, diligitor a Patre meo, et ego diligam eum et ostendam meipsum illi (*Joan. xiv., 21*); » nec hi quibus dicetur: « Ite in ignem æternum qui præparatus est diabolo et angelis ejus (*Matt. xxv., 41*), » sed hi quibus dicetur: « Venite, benedicti Patris mei, percipite regnum quod vobis paratum est ab initio mundi (*Ibid. v. 34*). » Illi quippe ibunt in ambustionem æternam, isti autem in vitam æternam: et quæ est vita æterna, nisi quod ipsa Vita alibi dicit: « Hæc est autem vita æterna, ut cognoscant te unum Deum verum, et quem misisti Jesum Christum (*Joan. xvii., 3*)? » sed sic quomodo promisit ostensorum seipsum dilectoribus suis cum Patre unum Deum non quomodo in hoc saeculo in corpore visus est a homi et a malo. In judicio enim futuro quo sic venturas est, quomodo visus est iens in cœlum, hoc est, in eadem forma filii hominis eamdem formam videbunt, quibus dicturus est: « Esurivi, et non dedistis mihi manducare (*Matt. xv., 42*), » quia et Iudei videbunt in quem populerunt, non illam Dei formam in qua non rapinam arbitratus est esse æqualis Deo. In illa Dei forma tunc videbunt eum, qui videbunt sicuti est. Nec ideo videbunt, quia pauperes spiritu in hac vita fuerunt, quia mites, quia ingentes, quia esurientes et sitiientes justitiam, quia misericordes, quia pacifici, quia persecutionem passi propter justitiam, quamvis et hæc omnia idem ipse sint, sed quia mundo sunt corde. Ideo quippe inter illas beatitudines cum omnia faciant qui cor mundum habent, non est tamen alicubi positum: « Deum videbunt, » nisi ubi dictum est: « Beati mundo corde, quoniam mundo corde videbitur (*Matt. v., 8*) qui nec in loco videtur, nec oculis corporalibus queritur, nec circumscriptur visa, nec tactu videtur, nec auditur affatu, nec sentitur incessu. « Deum enim nemo vidit unquam (*Joan. i., 8*), » vel in hac vita, sicuti ipse est, vel etiam in angelorum vita, sicut visibilia ista que corporali visione cernuntur, quia

unigenitus Filius, qui est in sinu Patris, ipse narravit. Unde non ad oculorum corporalium sed ad mentium visionem dictum est pertinere quod narrat. Sed rursus ne desiderium nostrum a corporis sensu ad alium corporis sensum migraret, hoc est ad aures ab oculis, ideo cum dixisset « nec corporalibus oculis Deus queritur, nec circumscribitur visu, nec tactu tenetur, » addidit etiam, « nec auditur affatu, » ut, si possumus, unigenitum Filium qui est in sinu Patris sic intelligamus narrantem quomodo et Verbum est non sonus auribus strepens, sed imago mentibus innotescens, ut illic interna et ineffabili luce clarescat quod dictum est : « Qui me videt, videt et Patrem (Joan. xiv, 9); » quod hic Philippo dicebatur quando videbat et non videbat. Sequitur enim hujus visionis eximius concupitor Ambrosius dicens : « Et cum absens putatur, videtur; et cum praesens est, non videtur. » Non dixit, Cum absens est, sed, Cum absens putatur. Nusquam enim est absens qui cœlum et terram implet, nec spatiis includitur, parvis magnisve diffunditur, sed ubique totus est, et nullo continetur loco. Hoc qui excedens mente intelligit, videt Deum, et cum absens putatur. Qui autem hoc non potest, oret et agat, ut posse mereatur, nec ad hominem disputatorem pulset, ut quod non legit, legat, sed ad Deum Salvatorem, ut quod non valet, valeat. Potest tamen movere quomodo jam ipsa Dei substantia videri potuerit a quibusdam in hac vita positis, propter illud quod dictum est ad Moysen : « Nemo potest faciem meam videre, et vivere (Exod. xxxiii, 20), » nisi quia potest humana mens divinitus rapi ex hac vita ad angelicam vitam, antequam per istam communem mortem carne solvatur, sic enim ruptus est qui audiuit illuc ineffabilia verba quæ non licet homini loqui, ubi usque adeo facta est ab hujus vite sensibus quædam intentionis aversio, ut sive in corpore sive extra corpus fuerit, id est, utrum, sicut solet in vehementiore extasi, mens ab hac vita in illam vitam fuerit alienata manente corporis vinculo, an omnino resolutio facta fuerit, qualis in plena morte contingit, nescire se diceret. Ita sit ut et illud verum sit quod dictum est, « Nemo potest faciem meam videre et vivere, quia necesse est abstrahi ab hac vita mentem, quando in illius ineffabilitatem visionis assumitur; et non sit incredibile quibusdam sanctis nouendum ita defunctis ut sepienda cadavera remanerent, etiam istam excellentiam revelationis fuisse concessam. Porro quod dicit Apostolus scribens ad Ephesios (Ephes. iii, 14) : « Hujus rei gratia flecto genua mea ad Patrem Domini nostri Jesu Christi, ex quo omnis paternitas in cœlis et in terra nominatur, ut det vobis secundum divitias gloriae sue, virtute corroborari per spiritum ejus in interiorum hominem, habitare Christum per fidem in cordibus vestris : in charitate radicati et fundati, ut possitis comprehendere cum omnibus sanctis, quæ sit latitudo et longitudine et sublimitas et profundum; scire etiam supereminentem scientiæ charitatem Christi, ut impleamini in

A omnem plenitudinem Dei. » [Ego haec verba apostoli Pauli sic intelligere soleo. In latitudine bona opera charitatis, in longitudine perseverantiam usque in finem, in altitudine spem celestium premiorum, in profundis inscrutabilis judicia Dei. Unde ista gratia in homines venit, qui nos in omnem plenitudinem Dei misericordia sua implere dignetur, ut vide-ri possit a nobis.] 36 Intra. 37

B Nunc autem quod mihi proposueras et ad explicandum difficile videbatur, utrum explicatum sit, diligenter attende recolendo quæ dicta sunt. Si enim queris utrum possit Deus videri, Respondeo : potest ; si queris unde sciam, respondeo quia in veracissima Scriptura legitur : « Beati mundi corde, quoniam ipsi Deum videbunt (Matth. v, 8), » et cætera talia. Si queris quomodo dictus sit invisibilis si videri potest, respondeo invisibilem esse naturam, videri autem cum vult, plurimis enim visus est : non sicut est, sed quali specie illi placuit apparere ; si queris quomodo eum vidi vel Cain sceleratus, quando de suo scelere ab illo interrogatus et judicatus est, vel etiam ipse diabolus, quando venit cum angelis ut coram illo assisteret, si « beati mundi corde, quoniam ipsi Deum videbunt ; » respondeo non quidem esse consequens ut etiam videant Deum, qui voces ab eo factas aliquando audiunt. Neque enim videbunt eum qui audierunt, quando dixit ad Filium, « Et clarificavi et iterum clarificabo (Joan. xii, 18). » Verumtamen non esse mirandum, etsi aliqui etiam non mundi corde vident Deum in specie quam voluntas ejus fecerit, latente invisibili et apud se incommutabili manente natura. Si queris utrum etiam sicuti est aliquando possit videri, respondeo, filiis hoc esse promissum, de quibus dictum est, « Scimus quia cum apparuerit, similes ei erimus, quoniam videbimus eum sicuti est (I Joan. iii, 2). » Si queris unde eum videbimus, respondeo : unde angeli vident, quibus tunc erimus æquales ; sicut enim videntur ista quæ visibilia nominantur, « Deum nemo vidit unquam (Joan. i, 18), » nec videri potest, « quoniam lucem habitat inaccessibilem, » et est natura invisibilis sicut incorruptibilis quæ contextum Apostolus posuit dicens, « Regi autem sæculorum invisibili, incorruptibili (I Tim. i, 17), » quia sicut nunc incorruptilis nec postea corruptilis, ita non solum nunc, D sed etiam semper invisibilis. Nec in loco enim videntur sed mundo corde ; nec corporalibus oculis queritur, nec auditur affatu, nec sentitur incessu. Unigenitus autem Filius, qui est in sinu Patris, deitatis naturam atque substantiam insonobiliter narrat et ideo dignis idoneisque tanto conspectu, oculis etiam invisibiliter monstrat. Ipsi enim sunt oculi de quibus Apostolus dicit, « Illuminatos oculos cordis vestri (Eph. i, 18) ; » de quibus dicitur ; « Illumina oculos meos ne unquam obdormiam in morte (Psal. xii, 4) : » Dominus enim spiritus est ; unde qui adhaeret Domino, unus spiritus est. Proinde qui potest Deum invisibiliter videre, ipse Deo potest incorporaliter adhærere. Porro si ea quæ in animo nostro sunt corpo-

36 Intra. 37
38 39 40 41 42 43
44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 399 400 401 402 403 404 405 406 407 408 409 409 410 411 412 413 414 415 416 417 418 419 419 420 421 422 423 424 425 426 427 428 429 429 430 431 432 433 434 435 436 437 438 439 439 440 441 442 443 444 445 446 447 448 449 449 450 451 452 453 454 455 456 457 458 459 459 460 461 462 463 464 465 466 467 468 469 469 470 471 472 473 474 475 476 477 478 479 479 480 481 482 483 484 485 486 487 488 489 489 490 491 492 493 494 495 496 497 498 499 499 500 501 502 503 504 505 506 507 508 509 509 510 511 512 513 514 515 516 517 518 519 519 520 521 522 523 524 525 526 527 528 529 529 530 531 532 533 534 535 536 537 538 539 539 540 541 542 543 544 545 546 547 548 549 549 550 551 552 553 554 555 556 557 558 559 559 560 561 562 563 564 565 566 567 568 569 569 570 571 572 573 574 575 576 577 578 579 579 580 581 582 583 584 585 586 587 588 589 589 590 591 592 593 594 595 596 597 598 599 599 600 601 602 603 604 605 606 607 608 609 609 610 611 612 613 614 615 616 617 618 619 619 620 621 622 623 624 625 626 627 628 629 629 630 631 632 633 634 635 636 637 638 639 639 640 641 642 643 644 645 646 647 648 649 649 650 651 652 653 654 655 656 657 658 659 659 660 661 662 663 664 665 666 667 668 669 669 670 671 672 673 674 675 676 677 678 679 679 680 681 682 683 684 685 686 687 688 689 689 690 691 692 693 694 695 696 697 698 699 699 700 701 702 703 704 705 706 707 708 709 709 710 711 712 713 714 715 716 717 718 719 719 720 721 722 723 724 725 726 727 728 729 729 730 731 732 733 734 735 736 737 738 739 739 740 741 742 743 744 745 746 747 748 749 749 750 751 752 753 754 755 756 757 758 759 759 760 761 762 763 764 765 766 767 768 769 769 770 771 772 773 774 775 776 777 778 779 779 780 781 782 783 784 785 786 787 788 789 789 790 791 792 793 794 795 796 797 798 798 799 799 800 801 802 803 804 805 806 807 808 809 809 810 811 812 813 814 815 816 817 818 819 819 820 821 822 823 824 825 826 827 828 829 829 830 831 832 833 834 835 836 837 838 839 839 840 841 842 843 844 845 846 847 848 849 849 850 851 852 853 854 855 856 857 858 859 859 860 861 862 863 864 865 866 867 868 869 869 870 871 872 873 874 875 876 877 878 879 879 880 881 882 883 884 885 886 887 888 889 889 890 891 892 893 894 895 896 897 898 898 899 899 900 901 902 903 904 905 906 907 908 909 909 910 911 912 913 914 915 916 917 918 919 919 920 921 922 923 924 925 926 927 928 929 929 930 931 932 933 934 935 936 937 938 939 939 940 941 942 943 944 945 946 947 948 949 949 950 951 952 953 954 955 956 957 958 959 959 960 961 962 963 964 965 966 967 968 969 969 970 971 972 973 974 975 976 977 978 979 979 980 981 982 983 984 985 986 987 988 989 989 990 991 992 993 994 995 996 997 998 998 999 999 1000 1000 1001 1002 1003 1004 1005 1006 1007 1008 1009 1009 1010 1011 1012 1013 1014 1015 1016 1017 1018 1019 1019 1020 1021 1022 1023 1024 1025 1026 1027 1028 1029 1029 1030 1031 1032 1033 1034 1035 1036 1037 1038 1039 1039 1040 1041 1042 1043 1044 1045 1046 1047 1048 1049 1049 1050 1051 1052 1053 1054 1055 1056 1057 1058 1059 1059 1060 1061 1062 1063 1064 1065 1066 1067 1068 1069 1069 1070 1071 1072 1073 1074 1075 1076 1077 1078 1079 1079 1080 1081 1082 1083 1084 1085 1086 1087 1088 1089 1089 1090 1091 1092 1093 1094 1095 1096 1097 1098 1098 1099 1099 1100 1101 1102 1103 1104 1105 1106 1107 1108 1109 1109 1110 1111 1112 1113 1114 1115 1116 1117 1118 1119 1119 1120 1121 1122 1123 1124 1125 1126 1127 1128 1129 1129 1130 1131 1132 1133 1134 1135 1136 1137 1138 1139 1139 1140 1141 1142 1143 1144 1145 1146 1147 1148 1149 1149 1150 1151 1152 1153 1154 1155 1156 1157 1158 1159 1159 1160 1161 1162 1163 1164 1165 1166 1167 1168 1169 1169 1170 1171 1172 1173 1174 1175 1176 1177 1178 1178 1179 1179 1180 1181 1182 1183 1184 1185 1186 1187 1188 1189 1189 1190 1191 1192 1193 1194 1195 1196 1197 1197 1198 1198 1199 1199 1200 1201 1202 1203 1204 1205 1206 1207 1208 1209 1209 1210 1211 1212 1213 1214 1215 1215 1216 1216 1217 1218 1219 1219 1220 1221 1222 1223 1224 1225 1226 1227 1228 1229 1229 1230 1231 1232 1233 1234 1235 1236 1237 1238 1239 1239 1240 1241 1242 1243 1244 1245 1246 1247 1248 1249 1249 1250 1251 1252 1253 1254 1255 1256 1257 1258 1259 1259 1260 1261 1262 1263 1264 1265 1266 1267 1268 1269 1269 1270 1271 1272 1273 1274 1275 1276 1277 1278 1278 1279 1279 1280 1281 1282 1283 1284 1285 1286 1287 1288 1289 1289 1290 1291 1292 1293 1294 1295 1296 1297 1297 1298 1298 1299 1299 1300 1301 1302 1303 1304 1305 1306 1307 1308 1309 1309 1310 1311 1312 1313 1314 1315 1315 1316 1316 1317 1318 1319 1319 1320 1321 1322 1323 1324 1325 1326 1327 1328 1328 1329 1329 1330 1331 1332 1333 1334 1335 1336 1337 1338 1338 1339 1339 1340 1341 1342 1343 1344 1345 1346 1347 1348 1348 1349 1349 1350 1351 1352 1353 1354 1355 1356 1357 1358 1358 1359 1359 1360 1361 1362 1363 1364 1365 1366 1367 1368 1368 1369 1369 1370 1371 1372 1373 1374 1375 1376 1377 1378 1378 1379 1379 1380 1381 1382 1383 1384 1385 1386 1387 1388 1388 1389 1389 1390 1391 1392 1393 1394 1395 1396 1397 1397 1398 1398 1399 1399 1400 1401 1402 1403 1404 1405 1406 1407 1408 1409 1409 1410 1411 1412 1413 1414 1415 1415 1416 1416 1417 1418 1419 1419 1420 1421 1422 1423 1424 1425 1425 1426 1426 1427 1428 1429 1429 1430 1431 1432 1433 1434 1435 1435 1436 1436 1437 1438 1439 1439 1440 1441 1442 1443 1444 1445 1445 1446 1446 1447 1448 1449 1449 1450 1451 1452 1453 1454 1454 1455 1455 1456 1457 1458 1458 1459 1459 1460 1461 1462 1463 1464 1464 1465 1465 1466 1467 1468 1468 1469 1469 1470 1471 1472 1473 1474 1474 1475 1475 1476 1477 1478 1478 1479 1479 1480 1481 1482 1483 1484 1484 1485 1485 1486 1487 1488 1488 1489 1489 1490 1491 1492 1493 1494 1494 1495 1495 1496 1497 1498 1498 1499 1499 1500 1501 1502 1503 1504 1504 1505 1505 1506 1507 1508 1509 1509 1510 1511 1512 1513 1514 1514 1515 1515 1516 1517 1518 1518 1519 1519 1520 1521 1522 1523 1524 1524 1525 1525 1526 1527 1528 1528 1529 1529 1530 1531 1532 1533 1534 1534 1535 1535 1536 1537 1538 1538 1539 1539 1540 1541 1542 1543 1544 1544 1545 1545 1546 1547 1548 1548 1549 1549 1550 1551 1552 1553 1554 1554 1555 1555 1556 1557 1558 1558 1559 1559 1560 1561 1562 1563 1564 1564 1565 1565 1566 1567 1568 1568 1569 1569 1570 1571 1572 1573 1574 1574 1575 1575 1576 1577 1578 1578 1579 1579 1580 1581 1582 1583 1584 1584 1585 1585 1586 1587 1588 1588 1589 1589 1590 1591 1592 1593 1594 1594 1595 1595 1596 1597 1598 1598 1599 1599 1600 1601 1602 1603 1604 1604 1605 1605 1606 1607 1608 1608 1609 1609 1610 1611 1612 1613 1614 1614 1615 1615 1616 1617 1618 1618 1619 1619 1620 1621 1622 1623 1624 1624 1625 1625 1626 1627 1628 1628 1629 1629 1630 1631 1632 1633 1634 1634 1635 1635 1636 1637 1638 1638 1639 1639 1640 1641 1642 1643 1644 1644 1645 1645 1646 1647 1648 1648 1649 1649 1650 1651 1652 1653 1654 1654 1655 1655 1656 1657 1658 1658 1659 1659 1660 1661 1662 1663 1664 1664 1665 1665 1666 1667 1668 1668 1669 1669 1670 1671 1672 1673 1674 1674 1675 1675 1676 1677 1678 1678 1679 1679 1680 1681 1682 1683 1684 1684 1685 1685 1686 1687 1688 1688 1689 1689 1690 1691 1692 1693 1694 1694 1695 1695 1696 1697 1698 1698 1699 1699 1700 1701 1702 1703 1704 1704 1705 1705 1706 1707 1708 1708 1709 1709 1710 1711 1712 1713 1714 1714 1715 1715 1716 1717 1718 1718 1719 1719 1720 1721 1722 1723 1724 1724 1725 1725 1726 1727 1728 1728 1729 1729 1730 1731 1732 1733 1734 1734 1735 1735 1736 1737 1738 1738 1739 1739 1740 1741 1742 1743 1744 1744 1745 1745 1746 1747 1748 1748 1749 1749 1750 1751 1752 1753 1754 1754 1755 1755 1756 1757 1758 1758 1759 1759 1760 1761 1762 1763 1764 1764 1765 1765 1766 1767 1768 1768 1769 1769 1770 1771 1772 1773 1774 1774 1775 1775 1776 1777 1778 1778 1779 1779 1780 1781 1782 1783 1784 1784 1785 1785 1786 1787 1788 1788 1789 1789 1790 1791 1792 1793 1794 1794 1795 1795 1796 1797 1798 1798 1799 1799 1800 1801 1802 1803 1804 1804 1805 1805 1806 1807 1808 1808 1809 1809 1810 1811 1812 1813 1814 1814 1815 1815 1816 1817 1818 1818 1819 1819 1820 1821 1822 1823 1824 1824 1825 1825 1826 1827 1828 1828 1829 1829 1830 1831 1832 1833 1834 1834 1835 1835 1836 1837 1838 1838 1839 1839 1840 1841 1842 1843 1844 1844 1845 1845 1846 1847 1848 1848 1849 1849 1850 1851 1852 1853 1854 1854 1855 1855 1856 1857 1858 1858 1859 1859 1860 1861 1862 1863 1864 1864 1865 1865 1866 1867 1868 1868 1869 1869 1870 1871 1872 1873 1874 1874 1875 1875 1876 1877 1878 1878 1879 1879 1880 1881 1882 1883 1884 1884 1885 1885 1886 1887 1888 1888 1889 1889 1890 1891 1892 1893 1894 1894 1895 1895 1896 1897 1898 1898 1899 1899 1900 1901 1902 1903 1904 1904 1905 1905 1906 1907 1908 1908 1909 1909 1910 1911 1912 1913 1914 1914 1915 1915 1916 1917 1918 1918 1919 1919 1920 1921 1922 1923 1924 1924 1925 1925 1926 1927 1928 1928 1929 1929 1930 1931 1932 1933 1934 1934 1935 1935 1936 1937 1938 1938 1939 1939 1940 1941 1942 1943 1944 1944 1945 1945 1946 1947 1948 1948 1949 1949 1950 1951 1952 1953 1954 195

ralibusque locis simillima, non tamen locorum spatii ac finibus continentur, nec intervallis localibus in nostra memoria reponuntur, quanto magis illa, quæ nullam gerunt similitudinem corporum, charitas, gaudium, pax, longanimitas, benignitas, bonitas, fides, mansuetudo, continentia, nulla locorum spatia tenent, nulla intercapidine separantur, aut aliqua oculi cordis, quo radios suos mittant et ea videant, intervalla conquerunt! Nonne omnia in uno sunt sine angustia, et suis terminis nota sunt, sine circuitu regionum? Aut dic in quo loco videoas charitatem; quæ tamen in tantum tibi cognita est, in quantum eam potes mentis acie contueri. Quam non ideo magnam nosti, quia ingentem aliquam molem conspiciendo lustrasti; nec cum tibi intus loquitur, ut secundum eam vivas, ullis perstrepit sonis, nec ut eam cernas corporalium lumen erigis oculorum; nec ut eam fortiter teneas, corporalium vires preparas lacertorum; nec cum tibi venit in mentem, sentis ejus incessum! Ecce etiam charitas quantulacunque in nostra voluntate consistit, nobisque conspicua est, nec in loco videtur, nec corporalibus oculis queritur, nec circumscrribitur visu, nec tactu tenetur, nec auditur affatu, nec sentitur incessu: quanto magis Deus ipse cuius hoc pignus in nobis est! Nam si interior homo noster, quantulacunque imago ejus, non de illo genita, sed ab illo creata, quamvis adhuc renovetur de die in diem, jam tamen in tali luce habitat, quo nullus oculorum corporalium sensus accedit, si ea quæ in illa luce cordis oculis intuemur, et discernuntur intra se, et nullis locorum spatiis separantur: quanto magis C Deus, qui lucem habitat inaccessibilem corporis sensibus, quo nec ipsis nisi mundi potest esse cordis accessus! Cum igitur lucem istam omni corporali luci non solum judicio rationis, sed amoris quoque appetitu proposuerimus; quanto id magis videbimus, tanto melius valebimus, donec sanctentur omnes lamguores animæ nostræ ab illo qui propitius sit omnibus iniquitatibus nostris. Arbitror jam te concedere, his omnibus consideratis, recte dictum esse quod Deus nec in loco videtur, sed mundo corde, nec corporalibus oculis queritur, nec circumscrribitur visu, nec tactu tenetur, nec auditur affatu, nec sentitur incessu, et si quid in his minus intelligimus vel aliter sapimus, id quoque nobis Deus revelabit, si in quod pervenimus in eo ambulemus. Pervenimus autem ut credamus Deum non corpus esse, sed spiritum: pervenimus etiam ut credamus quod Deum nemo vidi unquam, et quod Deus lux est, et tenebrae in eo non sunt ullæ; et quod apud eum non est commutatio, nec momenti obumbratio; et quod lucem habitat inaccessibilem, quem nemo hominum vidi, nec videare potest; et quod Pater et Filius et Spiritus sanctus unus Deus est, sine ulla diversitate et separatione naturæ; et quod mundi corde eum videbunt, et quod similes ei erimus, quoniam videbimus eum sicuti est; et quod Deus charitas est, et qui manet in charitate, in Deo manet et Deus in illo manet; et quod pacem ac sanctificationem sectari debemus, sine qua

A nemo poterit videre Deum; et quod corruptibile hoc mortale corpus nostrum in resurrectione commutatur et inducit incorruptionem atque immortalitatem, et quia seminatur corpus animale, surget corpus spirituale, transfigurante Domino corpus humilitatis nostræ ut conforme faciat corpori gloriæ suæ; et quod Deus fecit hominem ad imaginem suam; et quod spiritu mentis nostræ renovamur in agnitione Dei, secundum imaginem ejus qui creavit nos. In his atque hujusmodi Scripturarum sanctorum auctoritatibus per fidem ambulantes, qui dato vel adjuto divinitus intellectu spiritualiter profecerunt, et spiritualia spiritualibus comparare potuerunt, viderunt melius videri mente quam corpore, et ea videri mente quæ non continerentur locis, nec in terrenis locorum intervallis separarentur, B nec minora essent in parte quam in toto. Unde quia et invisibilis in Scripturis sanctis ejus substantia commendatur, et visus esse a plurimis per corpus et corporalibus locis in iisdem auctoritatibus invenitur, aut spiritu, quo corporales cernuntur imagines, per aliquam licet incorpoream, tamen similitudinem corporis, sicut in somnis vel in extasi, secrevit ille vir sanctus, Dei naturam ab hujusmodi visionibus, easque dixit esse quas Dei voluntas elegisset, non quas natura formasset. Facit enim ista Deus quibus vult, ut vult, cui vult, quando vult, ut appareat sua latente atque in se incommutabiliter manente substantia. Si enim voluntas nostra apud se manens et latens, sine ulla sui commutatione, per quas se utcunq; ostendat, exprimit voces: quanto facilius Deus omnipotens, sua latente atque incommutabiliter manente natura, in qua voluerit specie potest, cui voluerit, apparere, qui ex nihilo creavit omnia atque in se manens innovat omnia. Ad eam vero visionem, qua videbimus, Deus sicut est, mundanda corda commonuit. Quia enim corpora consuetudine loquendi visibilia nominantur, propterea Deus invisibilis dicitur, ne corpus esse credatur, non quia corda munda suæ substantiæ contemplatione fraudavit; cum haec magna et summa merces Deum colentibus et diligentibus promittatur, dicente ipso Domino quando corporalibus oculis visibiliter apparebat, et invisibiliem se constitendum mundis cordibus promittebat: Qui diligit me, diligetur a Patre meo, et ego diligam eum et ostendam me ipsum illi (Joan. xiv, 21). Hæc quippe natura ejus æqualiter cum Patre invisibilis, sicut æqualiter incorruptibilis est; quæ, sicut supra dictum est, continuatim Apostolus posuit divinam substantiam, qua potuit hominibus prædicatione commendans. Quam si oculi corporales in resurrectione metata corporum qualitate consipient, viderint qui hoc possunt astruere: me plus movet illius sententia, qui nec in ipsa resurrectione hoc corporalibus oculis, sed mundis cordibus tribuit. Et de spiritualis quidem corporis qualitate quod resurrectoris promittitur, vel discere aliquid adhuc, vel querere non recesso; si tamen de hac re disputantes illis vitiis carere possimus, quæ plerumque studiis humanis et coactionibus excitantur dum supra quæ scriptum est:

¶ Unus pro altero infletur aduersus alterum (*I Cor. iv.*, 6); ne dam altercando querimus vestigare quomodo possit videri Deus, ipsam pacem sanctificationemque perdamus, sine qua nemo poterit videre Deum. Quod ipse avertat a cordibus nostris, ut ea sua contemplationi munda reddat atque custodiat. Illud tamen quia non dubito, non requiro quod Dei natura nunquam videatur in loco. Jam utrum possit hujus corporis oculis videri aliquid quod in loco non videtur, ab eis qui hoc valent disserendo monstrare, cum pace dilectionis audire paratus sum, et quod me movet in commune conferre.] Postremo quia id quod ego in illa epistola mea dixi de ipsis nostræ carnis oculis, quia neque nunc possunt, neque tunc poterunt Deum videre, etiam sic verum est. Non enim dictum est, nisi de oculis corporalibus, quod tunc non erunt si corpus ipsum spiritus erit, ac per hoc corporei oculi nunquam Deum videbunt, quia cum videbitur spiritus, eum videbit non corpus.] Tota igitur quæstio jam remansit de corpore spirituali, quamvis indicat incorruptionem et immortalitatem hoc corruptibile atque mortale, et quamvis ex animali in spirituale mutetur. Quæ diligentius sollicitiusque tractanda est, maxime propter corpus ipsius Domini, qui transfigurat corpus humilitatis nostræ conforme corpori gloriæ suæ, ut possit sibi subhicere omnia. Cum enim et Deus Pater videat Filium et Filius Patrem, prouidubio non sunt audiendi qui visionem nolunt tribuere nisi corporalibus. Neque enim dici fas est quod Filiū Pater non videat; aut, et ut ipse videat, corpore indutus est, si non nisi ad corpus pertinet visus. Quid est quod in ipso mundi exordio, antequam a Filio esset ulla forma servi suscepta, « Vedit Deus lucem, quia bona est, et firmamentum et mare et aridam et omne fenum atque omne lignum, solem, lunam, stellas, repulsa animarum vivarum, volatilia cœli, animam vivam. Postremo etiam vedit Deus omnia quæ fecit, et ecce bona valde (*Gen. i*, 4).】 Quapropter donec diligenti inquisitione, si Dominus adjuverit, reperiatur quid secundum Scripturas de spirituali corpore, quod in resurrectione promittitur, probabiliter sentendum sit, interim nobis sufficiat, quod unigenitus Filius idemque mediator Dei et hominum homo Christus Jesus ita vides Patrem sicut videtur a Patre. Nos autem ad illam visionem Dei, quæ nobis in resurrectione promittitur, non ex hoc mundo istam concupiscentiam oculorum transferre conemur, sed in undanis cordibus pio studeamus affectu; nec corporalem faciem cogitemus, cum dicat Apostolus: « Videmus nunc per speculum in enigmate, tunc autem facie ad faciem (*I Cor. xiii*, 12); » præsertim quia Apostolus expressius dixit: « Nunc scio ex parte, tunc autem cognoscam sicut et cognitus sum (*Ibid.*); » si ergo tunc corporali Deum facie cognoscamus, corporali nunc ejus facie cogniti sumus, « tunc enim cognoscam, » inquit, « sicut et cognitus sum. » Unde quis eum non intelligat eo loco etiam nostram faciem illam significare voluisse de qua dicit alio loco: « Nos autem revelata facie gloriam

A Domini speculantes, in eamdem imaginem transformamur de gloria in gloriam, tanquam a Domini Spiritu (*II Cor. iii*, 18): » de gloria, scilicet fidei in gloriam contemplationis æternae.] Ut enim non tantum quod B. Ambrosius, verum etiam, quod S. Hieronymus sensit dicam, non solum Patris divinitatis, sed nec Fili quideam nec Spiritus sancti, quia una in Trinitate natura est, possunt oculi carnis aspicere, sed oculi mentis, de quibus ipse Salvator ait: « Beati mundo corde, quia ipsi Deum videbunt (*Matth. v*, 8). » Namque, sicut alibi idem Hieronymus breviter ac veraciter definivit, res incorporalis corporalibus oculis non videtur.) Has sententias de re tanta, virorum tantorum, non ob hoc interponere volui ut cuiusquam hominis sensum tanquam Scripturae canonice auctoritatem, sequendum arbitris, sed ut illi qui aliter sapiant conentur mente videre quod verum est, et in simplicitate cordis quærere Dominum, ne tam doctos divinorum eloquiorum tractatores temere reprehendant. Nec te moveat quod a quibusdam minus considerate dicitur: « Quod tunc videbunt oculi corporales, si Dominum non videbunt? An forte caeci erunt, vel sine causa erunt. » Neque enim attendunt qui hæc loquuntur, quia si non erunt corpora, perfecto illi oculi non erunt corporales; si autem erunt corpora, erit quod videre possint oculi corporales.] Hæc de illa epistola quam B. Augustinus ad Paulinam scripsit de videndo Deo assumptissimus: nunc autem ex ejusdem doctoris epistola quam ad Italicam conscripsit de corpore Mediatoris si corporis oculis videat substantiam Dei, pauca subnectere ceperimus. Lux vero ipsa, qua illuminabuntur hæc omnia, quæ modo in cordibus reconduntur, qualis aut quanta sit quis lingua proferat, quis saltem humana mente contingat? Profecto lux illa ipsa est Deus, quoniam Deus « lux est, et tenebræ in eo non sunt ullæ (*Joan. i*, 4); » sed lux mentium purgatarum, non istorum corporis oculorum. Erit ergo tunc idonea mens in eo quo illam lucem videat quod nunc non dicerem [forte, quod nunc non dicitur esse]. Hoc autem oculus corporis, neque nunc potest neque tunc videre poterit. Omne quippe quod oculo corporis conspici potest, in loco aliquo sit necesse est, nec ubique sit totum, sed minore sui parte minorum locum occupet, et majore maiorem. Non ita est Deus invisibilis et incorruptibilis, qui solus habet immortalitatem et lucem habitat inaccessiblem, quem nemo hominum vedit nec videre potest. Per hoc enim videri ab homine non potest, per quod videt homo corpore corpora. Nam si et mentibus priorum esset inaccessiblem non diceretur, « accedite ad eum et illuminabimini (*Psal. xxxiii*, 6); » et si mentibus priorum esset invisibilis, non diceretur, « videbimus eum sicuti est. » Nam perspice totam ipsam in Epistola Joannis sententiam: « Dilectissimi, inquit, filii Dei sumus, et nondum apparuit quod erimus; scimus quia cum apparuerit, similes illi erimus, quoniam videbimus eum sicuti est (*Joan. iii*, 2). » In tantum ergo videbimus, in quantum si-

miles erimus, quia et nunc in tantum non videmus in quantum dissimiles sumus. Inde igitur videbimus, unde similes erimus. Quis autem dementissimus dixerit corpore nos vel esse vel futuros esse similes Deo? In interiore itaque homine ista similitudo est; qui renovatur in agnitione Dei, secundum imaginem ejus qui creavit eum, et tanto efficimur similiores illi, quanto magis in ejus cognitione et charitate proficiimus, quia etsi exterior homo noster corrompitur, sed interior renovatur de die in diem. Ita sane ut in hac vita quantuscunque profectus sit, longe absit ab illa perfectione similitudinis quæ idonea erit ad vindendum Deum, sicut dicit Apostolus; « Facie ad faciem (I Cor. 1, 12). » In quibus certe verbis si corporalem faciem voluerimus accipere, consequens erit ut etiam Deus talem habeat faciem ut sit aliquod intervallum inter nostram et ipsius, cum eum videbimus facie ad faciem: et si intervallum, utique finis et membrorum habitus et terminus, etc., absurdum dictuque et cogitatū impia, quibus animalis homo non percipiens quæ sunt Spiritus Dei, fallacissimis vanitatibus illuditur. ¶ Dicunt enim quidam eorum, qui talia garriunt, sicut ad me potuit pervenire, nos Deum videre, nunc mente tunc corpore. Ita ut etiam impios cum pari modo asseverent esse visuros. Vide quantum pejus profecerunt dum sine limite timoris vel pudoris hac atque hac vagabunda fertur impunita loquacitas. Antea dicebant carni suæ tantum hoc præstisset Christum ut corporeis oculis videret Deum, deinde addiderunt etiam omnes sanctos, receptis in resurrectione corporibus, eodem modo Deum esse visuros. Nunc jam istam possibilitatem etiam impiis donaverunt. Donent sane quantum volunt, et quibus volunt. Nam quis audeat contradicere hominibus de suo donantibus? qui enim loquitur mendacium de suo loquitur: tu autem cum his qui sanam doctrinam tenent, nihil istorum audeas usurpare de tuo. Sed cum legis: « Beati mundo corde, quoniam ipsi Deum videbunt (Matth. v, 8), » intellige impios non visuros, neque enim beati mundo corde sunt impii. Item cum legis: « Videbimus nunc per speculum in ænigmate, tunc autem facie ad faciem (I Cor. XIII, 12), » unde nunc videamus per speculum in ænigmate, inde tunc videbimus facie ad faciem. Hoc autem utrumque interioris hominis munus est, sive cum in ista peregrinatione adhuc per fidem ambulatur, in qua utitur speculo et ænigmate, sive in illa patria cum per speciem contemplabitur, pro qua visione positum est, « facie ad faciem. » ¶ Audiat caro carnalibus cogitationibus ebria: Spiritus est Deus, et ideo qui adorant Deum in spiritu et veritate adorare oportet. Si adorare oportet, quanto magis videre? Quis enim audeat affirmare Dei substantiam corporaliter videri, cum eam corporaliter noluit adorari? Sed argute sibi videntur dicere et quasi interrogando premere: Potuit præstare Christus carni suæ ut oculis corporeis videret Patrem, an non potuit? ut si non potuisse responderimus, omnipotentia Dei nos derogasse proclament; si autem potuisse

A consenserimus, argumentationem suam ex nostra responsione concludant. Quanto jam tolerabilis desipiunt qui carnem asserunt emersuram in substantiam Dei, et hoc futuram esse quod Deus est, ut sic eam saltem videndo faciant idoneam, nunc tanta diversitate dissimilem. Quam vanitatem credo istos habere a fide sua, fortasse et ab auribus. Et tamen si interrogatione de hoc similiter urgeantur, possit hoc Deus an non possit efficere; utrum ejus potestati detrahent, si non posse responderint, an hoc futurum fatebuntur, si posse consenserint? Quomodo ergo exirent de hoc laqueo alieno, sic exeant de suo. Deinde cur solis oculis corporis Christi hoc donum attributum esse contendunt, non etiam ceteris sensibus? Sonus ergo erit Deus, ut possit etiam auribus percipi? et halitus erit, ut possit olfactu sentiri? et liquor aliquis erit, ut possit et bibi? et moles erit, ut possit et tangi? Non, inquietum. Quid ergo? An illud potest Deus, et hoc non potest? Si non posse dixerint, cur derogant omnipotenti Dei? Si posse et nolle responderint, cur solis oculis facient, invident autem ceteris sensibus corporis Christi? ¶ Hæc de opusculis S. Augustini, Ambrosii, atque Hieronymi excerptissimus. Nunc quid de visione Dei futura B. Gregorius senserit consequenter possumus, qui in expositione beati Job libro octavo decimo, dum de visione divina essentiae tractaret illam sententiam de libro Exodi quam Dominus Moysi petenti ut ei manifestaret semetipsum, manifeste protulit in medium dicens. Huic Dominicæ sententia quæ ad Moysen dicitur: « Non enim videbit me homo et vivet (Exod. xxxiii, 20), » Joannem audi concordantem, qui ait: « Deum nemo vidit unquam (Joan. 1, 8). » Sed cum Testamenti Veteris patres intueor, multos horum, testu, ipsa sacra lectionis historia, Deum vidi cognosco. Vedit quippe Jacob Dominum, qui ait: « Vidi Dominum facie ad faciem, et salva facta est anima mea (Gen. xxxii, 30). » Vedit Moyses Dominum, de quo scriptum est: « Loquebatur Dominus ad Moysen facie ad faciem, sicut loqui solet homo ad amicum suum (Exod. xxxiii, 11). » Vedit Job Dominum, qui ait: « Auditu auris audite, nunc autem oculus meus videt te (Job. xlvi, 5). » Vedit Isaías Dominum, qui ait: « In anno quo ineratus est rex Ozias vidi Dominum sedentem super solium excelsum et elevatum (Isa. vi, 1). » Vedit Michæas Dominum, qui ait: « Vidi Dominum sedentem super solium suum et omnem exercitum cœli assistentem ei a dextris et a sinistris (II. Par. xviii, 18). » Quid est ergo quod tot Testimenti Veteris Patres Deum se vidiisse testati sunt et tamen ipse ait: « Non enim videbit me homo et vivet (Exod. xxxiii, 20); » et Iohannes ait. « Deum nemo vidit unquam (Joan. 1, 8)? » nisi hoc quod patenter datur intelligi, quia quandiu hic mortaliter vivitur videri per quasdam imagines Deus potest, sed per ipsam naturæ suæ speciem non potest, ut anima gratia Spiritus afflata per figuræ quasdam Deum videat, sed ad ipsam vim ejus essentiae non pertingat.

Hinc est enim quod Jacob, qui Deum se vidisse testatur, hunc non nisi in angelo vidit: hinc est quod Moyses, qui cum Deo facie ad faciem loquitur, sicut loqui solet homo cum amico suo, ad ipsum verba sua locutionis convertens dicit: « Si inveni gratiam in conspectu tuo, ostende mihi temetipsum manifeste, ut videam te (*Exod. xxxiii, 15*). » Certe enim si Deus non erat, cum quo loquebatur, Ostende mihi Deum diceret, et non, Ostende temetipsum; si autem Deus erat cum quo facie ad faciem loquebatur, cur se petebat posse videre, quem videbat? Sed in hac ejus petitione colligitur, quia eum sitiebat per incircumscriptionem naturae suae claritatem cernere, quem jam cooperat per quasdam imagines videre, ut sic superna essentia mentis ejus oculis adesset quatenus ei ad aeternitatis visionem nulla imago creata temporaliter interesset. Et viderunt ergo Patres Testamenti Veteris Dominum, et juxta Joannis vocem « Nemo vidit unquam, » et iuxta ejusdem Domini vocem [« Nemo Deum vidit et vixit, »] quia in hac mortali carne consistentibus et videri non potuit per incircumscriptionem lumen aeternitatis.) Sin vero quibusdam potest in hac adhuc corruptibili carne viventibus, sed inestimabili virtute crescentibus, quodam contemplationis acumine aeterna Dei claritas videri, hoc quoque ab ejusdem virtutis sententiam non abhorret, qua dicitur. « Non enim videbit me homo, et vivet (*Exod. xxxiii, 20*), quoniam quisquis sapientiam, quae Deus est, videt, huic vita funditus moritur, ne jam ejus amore teneatur. Nullus quippe eam videt qui adhuc carnaliter vivit, quia nemo potest amplecti Deum et saeculum. Qui enim Deum videt eo ipso moritur, quod vel intentione cordis vel effectu operis ab hujus vitae delectationibus tota mente separatur. « Nemo ergo Deum vidit et vixit, » ac si aperte diceretur: Nullus unquam Deum spiritualiter vidit et mundo carnaliter vixit. Videbimus igitur Deum, si per coelestem conversationem supra homines esse mereamur, nec tamen ita videbimus, sicut videt ipse seipsum. Longe quippe dispariliter videt Creator se quam videt creatura Creatorem: quantum pertinet ad immensitatem Dei, quidam nobis modus figitur contemplationis, qua eo ipso pondere circumscribitur quo creatura sumus: sed profecto non ita conspicimus Deum sicut ipse conspicit se, sicut non ita requiescimus in Deo D quemadmodum ipse requiescit in se. Nam visio nostra vel requies erit utcunque similis visioni requiecie illius; sed aequalis non erit. / Perfecta requies est quia Deus cernitur, et tamen nostra requies aequanda non est requieci illius, quia non a se in alium transit, ut quiescat. Est itaque requies, ut ita dicam, similis atque dissimilis, quia quod illius requiescere est, hoc nostra requies imitatur, / visio Dei nunc fide inchoatur, sed tunc in specie perficitur, quando coeternam Deo sapientiam, quam modo per opera praeedicantium quasi per decurrentia flumina sumimus, ipso fonte biberimus.

^{q.c} Scendum vero est quod fuerunt nonnulli qui

A Deum dicerent etiam in illa regione beatitudinis in caritate quidem sua conspici, sed in natura minime videri. Quos nimirum minor inquisitionis subtilitas fecerit, neque enim simplici et incommutabili essentiae aliud est claritas, aliud natura, sed ipsa natura sua claritas, et ipsa claritas sua natura est: quia et enim suis dilectoribus, haec Dei sapientia se quandoque ostendit, in se pollicetur dicens: « Qui diligit me diligitur a Patre meo, et ego diligam eum et manifestabo me ipsum illi (*Joan. xiv, 21*); » ac si patenter dicat: Qui in vestra me cernitis, restat ut in mea me natura videatis. Hinc rursum ait: « Beati mundo corde, quoniam ipsi Deum videbunt (*Matth. v, 8*). » Hinc Paulus dicit: « Nunc videmus in speculo per anigmata, tunc autem facie ad faciem; nunc cognoscemus ex parte, tunc cognoscemus sicut et cognitus sum (*I Cor. xiii, 12*). » Sed quia de Deo primum per praedicatorem Ecclesiae dicitur: « In quem desiderant angeli prospicere (*I. Petr. 1, 12*), sunt nonnulli qui nequaquam Deum videbunt vel angelos suspicantur, et tamen dictum per Veritatis sententiam scimus: « Angeli eorum in celis semper vident faciem Patris mei, qui in celis est. » Nunquid ergo aliud veritas, aliud praedicator sonat veritatis? Sed si sententia ultraque confertur, quia sibi nequaquam discordet agnoscutur. Deum quippe angeli et vident et videre desiderant, et intueri sitiunt, et intuentur. Si enim sic videre desiderant, ut effectus sui desiderio minime perfruantur, desiderium sine fructu anxietatem habet, et anxietas poena. Beati vero angeli ab omni poena anxietatis longe sunt, quia nunquam simul poena et beatitudo convenient. Rursum cum eos dicimus Dei visione satiari, quia et Psalmista ait: « Satiabor dum manifestabitur gloria tua (*Psalm. xvi, 15*), » considerandum nobis est quia satietatem solet fastidium subsequi. Ut ergo recte sibi ultraque convenient, dicat Veritas quia semper vident, dicat praedicator egregius quia videre semper desiderant, ne enim sit in desiderio anxietas, desiderantes satiantur. Ne autem sit in satietate fastidium satiati desiderant, quia ultraelecti homines per hanc vitam satiantur visione divina et desiderant; igitur hoc sine labore est, quia desiderium satietas comitatur, et satiantur sine fastidio, quia ipsa satietas ex desiderio semper accenditur. Sic quoque et nos erimus, quando ad ipsum fontem vitae venerimus. Erit enim nobis delectabiliter impressa sitis simul atque satietas. Sed longe ab ista siti necessitas, longe a satietate fastidium, quia et sitientes satiabimur et satiati sitiemus. Videbimus igitur Deum, ipsumque erit premium laboris nostri, ut, post mortalitatis hujus tenebras, accensa ejus luce gaudeamus.

LIBER SECUNDUS.

DE PURITATE CORDIS.

In superiori libro juxta doctrinam sanctorum Patrum de visione Dei futura sermonem quantum po-

timus explevimus. Nunc de puritate cordis, per quam contemplatio Dei assurgit consequenter juxta traditionem majorum, disserendum putamus, quia illis solis visio Dei promissa est qui mundo sunt corde, ac ideo necesse est, ut carnalia in nobis mortificemus desideria et sacris virtutibus operam demus, quatenus per earum, opem divina gratia largiente, ad coelestis regni beatitudinem et lucis æternæ contemplationem pertingere possimus. Quamvis enim ex Adam simus carnaliter nati, non ipsum tamen debemus imitari, sed Christum, in quo renatus sumus et vivimus, quando veterem conversationem salubriter innovati deponimus. Quid est imitari Adam, nisi pro carnalibus concupiscentiis ac desideriis morte multari? Et quid est imitari Christum, nisi carnalibus concupiscentiis ac desideriis crucifigi? sicut allud non est veterem conversationem depolare, quam non secundum carnem, quæ veterascit et moritur, sed secundum Deum vivere, qui solus potest perseverantes in se innovere perenniter et beare. Quapropter sicut quando in Adam fuimus, omnes in ipso cadente cecidimus: ita quia in Christo esse jam cœpimus, qui pro nobis omnibus dignatus est mori, et nos peccatis nostris illi commorari cum illo spiritualiter resurgamus. In illo omnia bona quæ potuimus habere perdidimus: in hoc etiam majora et sine fine habenda recepturi sumus, si perseveranter eius vestigia teneamus. Adam nos obnoxiat malis omnibus per propriam culpam, a quibus nos liberavit adventus Christi per gratiam. Ille in nos culpam suam transmisit et poenam, hicque culpam nostram suscipere utpote conceptus; et, natus sine peccato non potuit, de susceptione poenae nostræ culpam nostram simul abolevit et poenam, et ut totum dicam, Adam nobis eripuit paradisum, Christus donavit et cœlum, et ideo si in illo esse volumus quod esse debemus, sicut sanctus Joannes apostolus dicit: « Quomodo ille ambulavit, et nos spiritualiter ambulemus: » quid est ambulare sicut ille ambulavit, nisi contemnere omnia prospera quæ contempsit, non timere adversa quæ pertulit, libenter facere quæ fecit, fieri docere quæ mandavit, sperare quæ promisit, et sequi quo ipse præcessit, præstare beneficia etiam ingratia, non retribuere secundum merita sua malevolis, et orare pro inimicis, amare bonos, misereri perversos, invitare adversos, suscipere in charitate conversos? Ad hoc pertinet quod ait etiam sanctus Paulus apostolus: « Si resurrectis cum Christo, quæ sursum sunt quæritæ, ubi Christus est in dextera Dei sedens (*Col. iii. 1.*) ». Illi resurgent cum Christo qui moriuntur sicut ille peccato, ea tamen distinctione servata quod ille mortuus est peccato, non suo, sed nostro, unusquisque autem nostrum non omnium moritur peccato, sed suo. Quid est peccato mori, nisi damnandis operibus omnino non vivere, nihil concupiscere carnaliter nihil ambire? Sicut enim mortuus carne nulli jam detrahit, nullum aversatur aut despicit, nullius pudicitiam callida circumventione

A corruptit, nemini violentus existit, neminem calumniatur, aut opprimit, non invidet bonis aut insultat afflictis, non luxui carnis inservit, non vinolentia deditus in se, bibendi situm bibendo magis ac magis accedit, non odiorum facibus inardescit, non compendia injusta sectatur, non potentibus aut divitibus adulatur, non inquieta curiositate raptatur, non domesticæ sollicitudinis cura distenditur, non officiosis occurrentium salutationibus delectatur, nec superbiorum injuriis fatigatur, non eum superbia inflat, non ambitio ventosa præcipitat, non vanæ gloria turpiter jactat, non desiderium gloriose opinionis inflamat, non distinctio alieni actus illaqueat, non a societatem turpium turpitudinis amor invitat, non rabies insanii furoris exagit, non suoptus odiosarum litium mactat, non ardor animosæ contentionis exanimat; non facit impudentem audacia, iniquum injustitia, ferum inclemens, varium inconstantia, pertinacem contumacia, insanum vescindam, delicosum gula, rebellem inobedientia, vanum jactantia, insidelem persidia, levem facilitas, sævum crudelitas, manduconem turpis edacitas, impatientem mobilitas, mobilem instabilitas, vagum spiritualis infirmitas, iracundum animositas, suspiciosum perversitas, verbosum vanitas, irrisorem malignitas, qui remotus est a secularibus prorsus illecebris, remotus ab inimicitiis, remotus ab insidiis alienis, remotus a rapinis vel occultioribus vel apertis, remotus a mendaciis sive perjuriis, postremo remotus ab omni genere flagitosorum atque facinorum quibus carnaliter viventes Deum offendunt et mortui peccato non ei serviunt; sicut, inquam, carne mortuus nec facere potest ista quæ dixi, nec pati, ita hi et talibus vitiis omnino non vivunt, qui ut vivant Deo carnem suam cum vitiis et concupiscentiis cruciferunt, membra sua quæ sunt super terram mortificant quando intra necessarium modum suum temperant appetitum, quando non solum se a delicioribus cibis moderata districione suspendunt, sed etiam in ipsis communibus nihil carni suæ pro desiderio, sed pro sustentandæ vitæ necessitate permittunt, certi quod nec deliciae quælibet, si absque desiderio percipiuntur, officiunt, et viles cibi plerumque abstinentia prosectum, si appetenter accipientur, impediunt. Hinc est quod sanctus David aquæ in se concupiscentiam castigavit, atque eam sibi a suis oblatam, ne desiderio ex ea satisfacere videretur, esfudit, et sancti Elie perceptio carnium non concupita non nocuit. Unde datur intelligi quod veraciter abstinentes escarum non naturas sed concupiscentias damnent, ac voluntates suas desiderati cibi vel potus abusione mortificant. Qui autem non solum a qualitate, sed etiam a quantitate ciborum cupiunt abstinere, nihil aliud student, nisi ut quantum stomacho reficiendo ac fami exigendæ [*Forte deest satis*] esse videtur, indulgeant, nec expletant suos appetitus aviditate percipiendi, sed compriment, atque eis non saturitas edendi finem faciat, sed voluntas, quia tam a cupiditate pretiosorum ciborum quam a nimia perceptione vilium contine-

bunt, qui cibis nec laudioribus volunt carae luxu- A riante dissolvi, nec distentione ventris vilibus onerari, quando abstinentes viri nec deliciosi soleant esse, nec avidi. Jam de vino abstinendo vel percipiendo quid dicam? Unde sanctus Apostolus certam fuit regulam dicens: « Nolite inebriari vino, in quo est luxuria (Eph. v, 18), » quasi diceret, Luxuriam facit, et nutrit vini perceptio nimia, non natura, et propterea non vos uti vino, sed inebriari prohibeo, quandoquidem infirmum stomachum moderatus usus vinal confortat, ebrietas animum corporisque debilitatem; deinde Timotheo suo discipulo, qui se longe abstinentiae distinctione jam frergerat et stomachum suum aqua perceptione corroparet, modico vino uti debere praecepit, dicens: « Noli asthuc aquam bibere sed modico vino utere propter stomachum tuum et frequentes tuas infirmitates (I Tim. v, 23). » Ac per hoc nihil contra abstinentiam faciunt qui vim non nos pro ebrietate, sed tantum pro corporis salute percipiunt. Nec hoc eis offert voluntas, sed permittit infirmitas, quae si defuerit, a vino est abstinentium. Omnis enim vini perceptio, quae infirmum sustentat, sanum corpus incendit, quandoquidem [vel leg. quomodo quidem] vino uti, et usui habere oleum nullus dixerit esse peccatum. Sed haec ideo non debemus carni desideranti prestare, ne cum illi licita coneedere coeperimus, poscat illicita, et sibi obsequentes in minimis in flagitia punienda compellat, ac naturali ordine perturbato non spiritui corpus, sed spiritus corpori dominanti deserviat. Huc accedit quod et ipsam mentem abstinentiae fructus alacrem facit, carnem quoque non usque ad lassitudinem fatigatam, sed spiritui ordinatae subjectam mobilem reddat, sensus etiam quos dicuntur crassos efficere vel gravare congestae deliciae, consuetudo parcitatis exonerat, et velut quadam politura religiosae exercitationis attenuat. Verumtamen sic abstinere vel jejunare debemus, ut non nos jejunandi vel abstinendi necessitatibus subdamus, ne iam non devoti, sed inviti rem voluntariam faciamus. Si enim quolibet advenientes, jejunio intermisso, reficio, non solvo jejunium, sed impleo charitatis officium. Ceterum si propter abstinentiam spiritales fratres quos novi mea remissione delectari contristo, abstinentia mea non est virtus dicenda, sed vitium, quoniam quidem ipsa abstinentiae ac jejuniorum continuatio, nisi fuerit quando res exigit pratermissa, et me inflat, et fratrem meum, cui charitas jubet servire, contristat, vel certe mihi nihil inesse charitatis fraternae demonstrat, quando sine abstinentia quemlibet hominem catholicum charitas sola perficiat; et omnis abstinentia, aut perdat sine adjunctione charitatis, aut pereat. Quia ergo abstinere etiam Manichaei vel quilibet alii haeretici possunt, ut pote qui omnes earnes non pro abstinentia sed pro immunditia de testantes, corpora sua panis et aqua parcite consciunt, non pro magno ducamus quando ab his quae illi quoque rejiciunt abstinemus, sed quando abstinentiam nostram fides commendat, charitas-

A que consummat; quas virtutes illi non habentes occidere se possunt, edificari autem, aut perficere alter abstinendo non possunt: ipsis vero catholicis Christianis, qui sive non valendo abstinere, sive nolendo, omnia usui nostro concessa eum gratiarum actione percipiunt, non nos propter abstinentiam preferamus, ne forte plus humilitatis aliarumque virtutum habeant illi unde jure nobis propter abstinentiam preferantur. Quocirca si volumes nobis abstinentiam nostram jejuniaque proficere, a superbia in primis, quae aut expellit omnes virtutes aut minuit, et a jactantia cunctis inimica virtutibus, atque ab omnibus omnino vitiis discedamus, ut proposit nobis quod a cibis delectabilibus abstinemus; quia tunc nobis proderit, quod corpora nostra, vel certe corporum incentiva, rigore districtoris abstinentiae castigamus, si carnalibus desideriis absoluti, sanitatis virtutibus floreamus. Sed plane dieo a veris virtutibus tantum similitudines distare virtutum, quantum distat a veritate mendacium, quia et similitudo virtutis, quae videtur virtus esse, cum non sit, nihil est aliud, nisi mendaciam, et ideo non est virtus dicenda, sed vitium. Et vera virtus est veritas, cui qui amanter adhaeserit a peccati morte resuscitatus mori ultra non poterit, nisi cum ab ea depravata voluntate recesserit; sicut et contrario virtutis simulatio quae est, ut dixi, mendacium veritatis contrarium, animam separat a Deo vita sua, non interiorum, sed supplicio, quae est illius mors, penaliter sine fine victuram, Scriptura dicente: « Os quod mentitur occidit animam (Sap. i, 11). » Ac per hoc sicut virtus animam sibi veraciter inherenterem, si fuerit vera, justificat, ita simulata condemnat. Et quid justificatio animae, nisi ejus est vita perpetua beata ac beate perpetua, sicut condemnationis animae poena ejus est sentienda, quae mors probatur et ipsa perpetua? Ita duplisper rea est anima: si et bonum non faciat unde spiritualiter vivat, et appetat similitudinem boni, sub qua male vivat et lateat. Superbus vult se credi constantem, prodigus liberalis, avarus diligentem, inhumanus parcum, gulosus humanum, ignavus quietum, timidus cautum, impudentia fiduciae sibi nomen scribit, procacitas appellationem libertatis obtendit, eloquentiam verbositas fingit, et curiositatis malum sub studii spiritualis colore delitescit. Haec et si possunt ingenio humano discerni, tamen sine dono Dei, quantum mihi videtur, nec virtutes possunt appeti vel haberi; nec earum similitudines, quae sunt vicia virtutis imitania, declinari, in tantum ut infidelibus nihil profuisse credamus etiam si sunt aliquas per corpus operati virtutes, quod eas nec a Deo suo se accepisse crediderunt, nec ad eum qui est finis bonorum omnium referre voluerunt: et quid dico? nihil eis profecerunt, imo etiam nocuerunt, dicente sancto Apostolo: « Omne quod non est ex fide, peccatum est (Rom. xiv, 23), non dixit: « Omne quod non est ex fide, nihil est; sed dicens, « Omne quod non est ex fide, peccatum

est, » declaravit quod omnia bona aut ex fide gesta, virtutes sunt, quæ profecto justificant; aut si fuerint sine fide, non sunt aliqua bona credenda, sed vitia, quæ non juvant suos operarios, sed condemnant inflatosque præcipitant, atque a finibus æternæ salutis eliminant. Sed quid ego hæc de infidelibus, unde nullus ambigere videtur, exaggero, cum sanctus Apostolus etiam fideles quosdam, qui credentes in Deum non secundum Deum, sed secundum hominem vivunt, carnales nominet dicens : « Et ego, fratres, cum venissem ad vos, non vobis potui loqui quasi spiritualibus, sed quasi carnalibus (*I Cor. iii, 4*). » Nondum enim poteratis, sed ne adhuc quidem potestis, adhuc enim estis carnales? Et tanquam quereremus quid carnales velit intelligi, secutus adjunxit : « Cum enim sit inter vos zelus et contentio, nonne carnales estis et secundum hominem ambulatis? (*Ibid. v. 3*). » Quid potest duabus his animi postibus inveniri deterius, zelo et contentione, quibus carnales qui secundum hominem vivunt etiam in hac vita torquentur cum et contentio hereticos reddat, et zelus imitatores diaboli paradisum primis hominibus invidentis efficiat? Ac si quando fideles justitia, pietate, misericordia, mansuetudine, humilitate, innocentia, cæterisque virtutibus gaudent, aut secundum Deum vivunt, et non sunt, vera habere credendi sunt, quæ spiritualiter viventes adeptæ sanctificant, et Deo commendant; aut secundum hominem vivunt, et non sunt veræ virtutes, sed virtutum similitudines, quæ nihil carnaliter viventibus prosunt. Quapropter qui religiose, qui continenter, qui sobrie, qui misericorditer vivit, si Deo, cuius munere ut bene vivat, adjuvatur, ascribit, secundum Deum spiritualiter vivit: si vero omnia quæ bene agit, viribus suis ascribat quasi etiam sine adjutorio Dei ad bene agendum sibi sufficiat, secundum hominem carnaliter vivit, et ideo aut bene non vivit, aut nihil ei proderit quidquid boni propter homines facit, quia humanis laudibus delectatus hic jam temporalem mercedem recipit subrum operum quæ temporaliter fecit. Igitur ille secundum hominem vivit qui secundum seipsum, quia et ipse homo est, vivit, et secundum seipsum vivit, qui si potuerit est cum quibus vult, pergit quo vult dormit quando et quandiu vult, loquitur quæ vult et ubi vult, manducat et bibit quando et quod vult et quantum vult, ridet ac jocatur inter quos vult. Postremo quidquid naribus suave est, quidquid tactui blandum, quidquid oculis delectabile, quidquid cæteris sensibus carnis suæ jucundum exercet, ac sequitur, qualiter vult, quia omnia licita et illicita carnaliter vult: qui autem secundum Deum vivit, non quod eum carnaliter delectat, sed quod spiritualiter ædificat, facit, et omnia desideria carnis spiritualis desiderii delectatione compescit, futura præsentibus anteponit, carnem spiritui subdit, et quidquid cupit aut agit, non vult ex sua, sed ex Dei sui voluntate procedere, cui placere totis viribus concupiscit. Itaque si utcunque

A claruit, quod virtutes veras non videantur habere qui simulant, et illi simulant qui non ex fide aut non propter Deum, sed propter homines tantum boni aliquid operantur, eleemosynis, ac jejunis, vel abstinentiæ cæterisque bonis operibus seriendo, non ut boni flant, sed ut bonos se hominibus fingant, nec ad recipiendam sempiternam mercedem, sed ad comparandam gloriam popularem. Videamus nunc quibus præcedentibus causis et subsequentibus incrementis nasci soleant vitia vel angeri, et quibus adjuvante Domino remedii possint velut quibusdam medicamentis imminui vel sanari. Omnis sancta virtus res est divina, incorporea prorsus, atque mundissima, quam mentes inquinatae non inquinant, sed ipsa inquinatas emaculat, cuius participatione formantur informia, suscitantur mortua, sanantur infirma, corrugantur prava, reconciliantur aversa. Hanc non habet, nisi Deus, et is cui dederit Deus, quæ in animo habitat, sed animum corpusque sanctificat; ad quam nullus accedit invitus, quam nullus amittit nisi propria voluntate deceptus. Nemo eam sibi conferre potest cum possit, alteri autem non conferre prævallet nec auferre; itaque cum talis ac tanta virtus cuilibet inter voluptates suas adhuc marcenti refuserit, atque ei ad se concupiscentiam desiderium salubre commoverit, protinus in animo ejus duarum delectationum contrariarum rixa consurgit, et memorem voluntas adversum se anticipi delectatione divisam in diversa dicit, ac reducit, modo reprehendendo quod elegerat, modo quod reprehenderat eligendo, atque ita in alterutrum latus se cogitationum varietate versantem ipsa velut virtutis ac vitii tepidi medietas vexat ac lacerat, quoniam quidem quemlibet hominem donec se in eo quod elegerit, certa definitione confirmet, quandiu modo non vult quod volebat, modo velle incipit quod solebat, volut in quodam liberationis incertæ bivio constitutum discerpit ipsa diversitas voluntatum. Hinc eum virtus admonet sue salutis et vocat; inde consuetudo vitiosa discedere a se volentem moratur et revocat, et paulisper a se averso, nec ad virtutem plene converso, vitiæ voluntatis admonitione blandiens, omnes illecebras quibus olim perdidit fræbatur ostendit, turpia quoque desideria quibus via ciatur immittit, ac jam pene fastidenti, blandum nescio quid mollit, insusurrat, et supplicat ne præponat mollibus dura, lætis tristia, certis dubia, præsentium voluptati futura; cogit quæ poenale sit atque difficile dulcibus carere deliciis, illecebris renuntiare carnalibus, abstinentiæ jugis gravari laboribus, jejuniorum ac vigiliarum continuatione torqueri, certa carnis afflictione præmium dubie remunerationis ambire; contra diabolum, decipiendi peritum, resistendi arma corripere, insidias ejus ac fraudes vigilantis animi cautione vitare; quam deinde miserum sit enormitate tantæ asperitatis evictum ac diabolica fraude deceptum ad repudiata redire, voluptatibus quas abjecerat frui, et omniaibus

quæ incaute laboriosum suscipiendo propositum contemperat, delectari. His et talibus vitiosa consuetudine dubium sanctæ diffinitionis afflit: virtus contra quæ continentia nominatur, morantem confidenter objurgat, ad delectationes puras castaque delicias, quibus fruuntur omnes sui amatores, invitat, offert nudo justitiae vestimentum, illuminatio sui apparatus demonstrat ornatum, diffidenti de se protectionis suæ promittit auxilium. Hortatur et provocat ut, diffinitionis ambiguitate deposita, propositum spiritale suscipiat, perseveraturum se in suscepto labore propositi sui; non sua possibilitate, sed Domini miseratione confidat, nec suis viribus, sed gratiæ omnipotentis fretus auxilio, contra diabolicas impugnationes victoriae arma corripiat, cogitet et quanti et quante potuerunt et possunt, B quod se posse desperat. Unde illi vel illæ potuerunt, inde se posse firmiter credit certa spe, spiritualia carnalibus ac terrenis cœlestia et futura præsentibus anteponat.

Omnis quippe artes ac disciplinæ scopum quemdam, id est destinationem, et telos, hoc est, finem proprium habent, ad quem respiciens uniuscujusque artis industrius appetitor cunctos labores et pericula atque dispendia æquanimiter libenterque sustinet, quemadmodum in quibus usus est bellica tela tractandi, cum ante regem mundi hujus artis sue cupiunt peritiam demonstrare in parvissima quadam scutula, quæ depicta in se continet præmia, jacula, vel sagittas, intorquere contendunt, certi quod non alia, nisi destinationis suæ linea ad finem possint desiderati præmii pervenire, itaque et viæ nostræ finis quidam est regnum Dei. Qui vero sit scopus debet diligenter inquire. Qui si nobis similiiter compertus non fuerit, frustra nitendo fatigabimur, quia sine via tendentibus labor est itineris, non profectus; finis quidem nostræ professionis, ut diximus, regnum Dei seu regnum cœlorum est, destinatio vero, id est scopus, puritas cordis, sine qua ad illum finem impossibile est quempiam pervenire. In hac ergo destinatione desigentes nostræ directionis oblitus ad certam lineam cursum rectissimum dirigitur, ac si paululum quid ab hac cogitatione nostra deflexerit, ad contemplationem ejus illico recurrentes, rursum eam velut quamdam normam rectissime corrigimus quæ semper omnes conatus nostros ad unum hoc revocans signum, arguit statim si a proposita directione mens nostra vel paululum deviaverit: igitur sicut nostri propositi finis quidem secundum Apostolum « vita æterna est », ita eodem pronuntiante, « habentes quidem fructum vestrum in sanctificatione, finem vero vitam æternam (Rom. vi, 22), » scopus cordis nostri puritas esse debet quam sanctificationem non immerito buncupavit, sine qua prædictus finis non poterit apprehendi. Ac si dixisset aliis verbis: « Habentes quidem scopum vestrum in cordis puritate, finem vero vitam æternam, » de qua destinatione docens nos idem beatus Apostolus, ipsum nomen, id est,

PATROL. CXII.

A scopum significanter expressit, ita dicens: « Quæ posteriora sunt oblivious, ad ea vero quæ in ante sunt extendens me, ad destinatum persequor, bravium supernæ vocationis Domini (Phil. iii, 14). » Quod evidenter in Greco ponitur ratio ciro iconati rui [κατὰ σχολὴν διώκω], etc., id est, secundum destinationem persequor, tanquam si dixisset: Hac destinatione qua illa quæ posteriora sunt oblivious, id est, anteriores hominis vitæ, ad finem bravii cœlestis pervenire contendo. Quidquid ergo nos ad hunc scopum, id est puritatem cordis, potest dirigere, tota virtute sectandum est; quidquid autem ab hac retrahat, ut perniciosum ac noxiū devitandum. Pro hac enim universa agimus atque toleramus, pro hac parentes, patria, dignitates, divitiæ, deliciae mundi hujus, et voluptas universa contemnitur, ut scilicet puritas cordis perpetua retentetur. Hac itaque nobis destinatione proposita semper actus nostri et cogitationes ad eam obtinendam rectissime dirigentur, quæ si præ oculis nostris jugiter statuta non fuerit, non solum cunctos labores nostros vacuos pariter atque instabiles reddens, incassum eos ac sine ullo emolumento compellet effundi, veluti qui non habeant apostolicam charitatem et ex omnia infructuosi sterilesque redantur. Quod in Spiritu beatus Apostolus prævidens: « Et si distribuero, inquit, in cibos pauperum omnes facultates meas, et si tradidero corpus meum ut ardeam, charitatem autem non habuero, nihil mihi prodest (I Cor. XIII, 3), » unde liquido comprobatur perfectionem non statim nuditate, nec privatione omnium facultatum seu dignitatum objectione contingi, nisi fuerit charitas illa cuius Apostolus membra describit, quæ in sola cordis puritate consistit. Nam quid est aliud, « non æmulari, non inflari, non irritari, non agere perperam, non querere quæ sua sunt, non super iniuriam gaudere, non cogitare malum » et cætera, nisi cor perfectum atque mundissimum Deo semper offerre, et intactum a cunctis perturbationibus custodire? omnia namque dona pro usu ac necessitate tribuuntur ad tempus consummata, dispensatione mox procul dubio transitura. Charitas vero nullo intercipiet tempore. Non solum enim in præsenti mundo utiliter operatur in nobis, sed etiam in futuro sarcina corporeæ necessitatis abjecta efficacior multo atque excellentior permanebit, nullo unquam corrumpta defectu, sed per incorruptionem perpetuam flagrantius Deo atque intentius adhaesura; charitas ergo est, ut mihi videtur, recta voluntas ab omnibus terrenis ac præsentibus prorsus accersa, juncta Deo inseparabiliter, et unita igne quodam sancti Spiritus, a quo est, et ad quem refertur incensa, inquinamenti omnis extranea, corrupti nescia, nulli vitio mutabilitatis obnoxia, super omnia quæ carnaliter diliguntur excelsa, affectionum omnium potissimum divinæ contemplationis avia, in omnibus semper invicta, summa actionum bonarum, salus morum, finis cœlestium præceptorum, mors criminum, vita virtutum, virtus pugnantium, palma victorum, anima sanctorum mentiu-

causa meritorum bonorum, primum perfectorum, in peccatis suis mortuos suscitat, languentes sanat, perditos instaurat, spem desperatis inspirat, pacificat mentes, inhabitat fructuosa in penitentibus, kota proficitibus, gloria in perseverantibus, victoria in martyribus, operosa in omnibus omnino fidelibus. Quam fides concipit, ad quam spes currit, cui profectus omnium servit, ex qua quidquid est boni operis vivit, sub qua obedientia crescit, per quam patientia vincit, propter quam carnalia blandimenta devotionis religiosa contemnit, sine qua nullus Dco placuit, cum qua nec potuit aliquis peccare nec poterit. Hec est charitas vera, germana, perfecta, quam excellentiorem viam nominat sanctus Apostolus, et vere ipsa est via quae dicit per se ambulantes ad patriam, quia sicut sine via nullus pervenit quo tendit, ita sine charitate, quae dicta est via, non ambulare possunt homines, sed errare: ergo si charitatem Deo exhibeamus et proximo de corde puro et conscientia bona, et fide non facta, facile peccato resistimus, bonis omnibus abundamus, seculi blandimenta contemnimus, et omnia quae difficultia sunt humanæ fragilitati vel aspera, etiam cum delectatione perficimus: si tamen Domini charitate perfecta, quæ nobis ab illo est, ex toto corde, ex tota anima et ex totis viribus diligamus, ex ea enim parte quis peccat, ex qua minus diligit Deum. Quem si ex toto corde diligamus, nihil erit nobis unde peccati desiderii serviamus, et quid est deligere Deum, nisi illi occupare animum, concipere fruendæ visionis ejus affectum, peccati odium, mundi fastidium, diligere etiam proximum, quem ipse censuit diligendum, in ipso amore servare legitimum modum, nec pervertere dilectionis ordinem constitutum? Ordinem dilectionis illi pervertunt, nec modum diligendi custodiunt, qui mundum, qui contemnendus est, diligunt aut corpora sua minus diligenda, plus diligunt, aut proximos sicut seipsos aut Deum plusquam seipsos forte non diligunt. Sed de mundo, quod diligi omnino non debeat, ipsius Domini nostri per sanctum Joannem apostolum vox est dicentis: « Nolite diligere mundum (I Joan. II, 15). » Corpus autem nostrum, quia pars nostri est, ad hoc nobis est diligendum, ut saluti ejus ac fragilitati naturaliter consulamus et agamus quatenus spiritui ordinate subjectam ad æternam salutem, accepta immortalitate et incorruptione perveniat non suis voluntatibus diffluendo animæ rigorem sibi cedentis emolliat, puritatem polluat, et totam dignitatem suæ delectationis morbo corrumpat. Proximos autem tunc diligimus sicut nos, si non propter alias utilitates nostras, non propter sperata beneficia vel accepta, non propter affinitates aut consanguinitates, sed propter hoc tantum quod sunt naturæ nostræ participes diligamus, quia non eos sicut nos ipsos amamus, quando propter illa superiorius dicta diligimus. Neque enim ideo se diligit quisque, quia sibi frater aut soror, pater aut filius, mater aut filia, nepos aut neptis est, carnaliter quippe

Ayat, qui taliter amat, quoniam non illi tantum proximi nostri esse credendi sunt, quos nobis gradus sanguinis jungit, sed proximi nostri esse credendi sunt omnes homines naturæ nostræ, sicut dixi, participes. Jam si propinquos nostros, quamvis incompositos, turpes ac male moratos, plusquam quilibet sanctos, quos a nobis secundum sanguinem vocamus, extraneos diligamus, non solum carnaliter diligimus, sed etiam graviter in tali eorum dilectione peccamus. Proinde secundum nos proximos omnes homines diligimus quando ad mores bonos et ad æternam vitam consequendam, sicut nobis eorum saluti consulimus, quando nos pro eorum peccatis ac periculis cogitamus, et sicut nobis subveniri optaremus, ita eis pro viribus subvenimus, aut B si facultas desuerit, voluntatem subveniendi tememus. Quapropter haec est proximi tota dilectio, ut bonus quod tibi conferri vis, velis et proximo. Illi vero plus quam se diligunt Deum, qui pro ejus amore suæ ad tempus salutis non parcunt, seipsos tribulationibus ac periculis tradunt, nudari facultatibus propriis, patriæ suæ extores fieri, parentibus et uxoris ac filiis suis renuntiare parati sunt, et, ut totum dicam, ipsam corporis mortem non solum non refugiunt, sed etiam libenter excipiunt, ambientes a corporis sui vita magis quam a Deo vita vice secundum discedere. Iste igitur nobis dilectionis ordo servandus est, juxta illud quod dicit Spiritus sanctus, « ordinate in me charitatem, » ut sicut ordinata charitas possit, Deum principaliter diligamus, et propter ipsum in ipso ea quæ diligenda sunt, tantum quantum ipse præcipit, diligamus. Ipse enim præcipit ut corpora nostra propter nos, proximos sicut nos, et ipsum plus quam nos diligere debemus, ita sane, ut eis, quos nobis conjunctiores familiaritas facit, si eos fama non reprobatur et vita commendat, nos amplius impendamus, omnium profectus, nostros esse credamus, et de aliorum peccatis tanquam de nostris misericorditer lugeamus. Sic ergo possunt in hac vita illi esse perfecti, qui perfecte diligunt Deum, et illi Deum perfecte diligunt, qui volendo quod vult Deus, et nolendo quod non vult, nec ullis peccatis quibus offenditur acquiescent, et semper se ad virtutes quas ipse dignatur donare diligendas et habendas extendunt. Hi sunt qui omnia bona, quæ implere potuerint, ab illo se adjutos ut possint veraciter credunt, quidquid mali commiserint, vitio suæ voluntatis ascribunt, quidquid boni non potuerint implere, ab illo ut possint jugiter petunt, cum potuerint illi gratias agunt, bona ejus quæ fuerint consecuti etiam aliis conferri socialiter volunt et usque in suos inimicos dilectionis suæ latitudinem porrigitur, hoc omnes cupiunt esse quod ipsi sunt. Omnia igitur, hujus gratia gerenda appetenda sunt nobis, pro hac jejunia, vigilias, labores corporis, nuditatem, lectionem certerasque virtutes debere nos suscipere noverimus, ut scilicet per illas ab universis passionibus noxiis illæsum parare cor nostrum et conservare possimus,

et ad perfectionem charitatis istis gradibus innitendo descendere, et non propter has observantias, si forte honesta ac necessaria occupatione præventi, solemnitatem distinctionis nostræ non poterimus implere, incidamus in tristitiam, vel iram, sive indignationem, ob quæ expugnanda, illud quod prætermisso est fueramus acturi. Non enim est tantum lucrum jejunii, quantum iræ dispendium; nec tantus lectione capit fructus, quantum contemptu fratris incurritur detrimentum. Ea igitur quæ sequentia sunt, id est, jejunia, vigilæ, anachoresis, meditatio Scripturarum propter principalem scopum, id est, puritatem cordis, quod est charitas, nos convenit exercere, et non propter illa principalem hanc perturbare virtutem, quia nobis integra illæsaque durante nihil oberit, si aliquid eorum quæ sequentia sunt, pro necessitate fuerit prætermisso, siquidem nec proderit universa fecisse, adempta hac quam diximus principali causa, cuius obtenta sunt omnia peragenda. Hic ergo nobis principalis debet esse conatus, hæc immobilitas destinatio cordis jugiter affectanda, ut divinis rebus ac Deo mens semper inhæreat, quidquid ab hac diversum est, quamvis magnum, secundum tamen aut etiam infimum seu certe noxiūm judicandum est. Hujus mentis vel actus figura etiam in Evangelio per Martham vel Mariam pulcherrime designatur (*Luc. x, 41*). Cum enim Martha sancto utique ministerio deserviret ut potuit, quæ ipsi Domino ejusque discipulis ministrabat, Maria spirituali tantummodo intenta doctrinæ, Jesu pendibus inhærebat, quos osculans bonæ confessionis liniebat unguento: præfertur tamen a Domino, quod et meliorem elegerit partem et eam quæ ab ea non posset auferri. Dicens enim ad Martham Dominus: « Sollicita es et turbaris erga multa (*Ibid.*), paucis vero opus est, aut etiam uno, summum bonum non in actuali, quamvis laudabili opere, et multis fructibus abundant, sed in sua [*Forte leg. sui*] contemplatione, quæ vere simplex et una est collocavit, paucis opus esse pronuntians ad perfectam beatitudinem, id est, illa theoria quæ prius est in paucorum contemplatione: descendens autem qui adhuc in proiectu positus est, ad illud quoque quod unum dicitur, id est, Dei solius intuitum ipso adjuvante perveniet, ut scilicet etiam sanctorum actus ac ministeria mirifica supergressus, solius Dei jam pulchritudine scientiaque pascatur. Maria ergo bonam partem elegit, quæ non auferetur ab ea, et hoc diligenterius intuendum est. Nam cum dicit: « Maria bonam partem elegit, » licet taceat de Martha et nequaquam eam vituperare videatur, illam tamen laudans, hanc inferiorem esse pronuntiat. Rursum cum dicitur, « quæ non auferetur ab ea, » ostendit quod ab hac sua portio possit auferri. Nec enim ministerium corporale cum homine poterit jugiter permanere, illius vero studium nullo fine prorsus edocet posse finiri. Unde mihi videtur congruum esse illud considerare quid sit hoc bonum quod Paulus apostolus quasi conquirens se facere non posse in Epi-

A stola sua descripsit dicens: « Non enim quod volo facio bonum; sed quod odi malum, hoc ago (*Rom. vii, 15*); » vel illud: « Si autem quod volo hoc facio, jam non ego operor illud, sed quod habitat in me peccatum (*Ibid. v. 15*); » vel quod sequitur: « Condelector enim legi Dei secundum interiorem hominem, video autem aliam legem in membris meis repugnantem legi mentis meæ, et captivum me ducentem in lege peccati, quæ est in membris meis (*Ibid., v. 22, 23*). » Quæ licet testimonia quidam ex peccatorum persona eum dixisse arbitrentur, perspicuum est peccatorum personæ hæc non posse omnimodis convenire, sed ad solos quæ dicta sunt attinere perfectos, et eorum tantum qui Apostolorum merita subsequuntur congruere sanctitati. Cæterum quo pacto hoc peccatorum personæ poterit convenire quod dicitur, « non enim quod volo facio bonum, sed quod odi malum hoc ago, » sed neque illud quid est, quod ait, « si autem quod nolo hoc facio, jam non ego operor illud, sed quod habitat in me peccatum. » Quis enim delinquentium nolens se adulteriis fornicationibusque contaminet, quis invitus proximo tendat insidias, quis inevitabiliter necessitate cogatur, ut falso testimonio hominem opprimat furtive decipiat, aut alterius spolia concupiscat vel sanguinem fundat? Quinino, ut scriptum est, humanum genus diligenter intentum est ad nequitiam a juventute sua. Quos etiam Jeremias propheta non solum volentes nec cum requie cordis et corporis flagitorum crimina perpetrare, verum etiam intantum eos asserit laboriosis conatibus ut ad effectum eorum perveniant desudare, ut de lethali scelerum appetitu nec obstantibus arduis difficultatibus revocentur, dicens: « Ut inique agerent laboraverunt (*Jer. ix, 5*). » Illud quoque quis dixerit peccatoribus convenire, « itaque ego ipse mente servio legi Dei, carne autem legi peccati, » quos nec mente, nec carne Deo servire manifestum est? aut quemadmodum hi qui peccant corpore, mente serviunt Deo, cum vitiorum somitem caro ex corde concipiatur, et ipse auctor utriusque naturæ fontem atque originem peccatorum ex eo pronuntiat emanare: « De corde, inquiens, procedunt cogitationes mala, adulteria, fornicationes, furtæ, etc. (*Matth. xv, 19*)? » Quamobrem evidenter ostenditur nullo modo hoc de peccatorum intelligi posse personis, qui non solum non oderunt, sed etiam diligunt mala, et intantum Deo non mente nec carne deserviunt, ut ante delinquent mente quam carne, et priusquam corporis expleant voluntatem præveniantur mentis suæ cogitationumque peccato; superest igitur ut virtutem sensus ex intimo dicentis metiamur affectu, et quid beatus Apostolus dixerit bonum, quidve comparatione pronuntiaverit malum, non nuda significatione verborum, sed eadem qua ille discutiamus intentione. Intuitum quoque ejus secundum dignitatem pronuntiantis ac meritum perscrutemur; denique necesse est ut quid sit hoc quod principaliter bonum Apostolus non potuerit persicere cum vellet,

diligentius indagamus. Multa enim novissimis bona quæ beatum Apostolum omnesque illius meriti viros et habuisse per naturam et acquisisse per gratiam negare non possumus. Est enim bona castitas, laudabilis continentia, miranda prudentia, larga humanitas, circumspecta sobrietas, modesta temperantia, pia misericordia, sancta justitia, quæ omnia in apostolo Paulo ejusque consortibus ita plena atque perfecta fuisse non dubium est ut virtutum magisterio potius quam verborum ab eis religio doceretur. Quod jugi Ecclesiarum cura ac per vigili sollicitudine semper exusti sunt, quantum hoc misericordiae bonum! quanta perfectio est, pro scandalizantibus ura, cum infirmantibus infirmari! Cum ergo tantis Apostolus abundaverit bonis, quid illud sit boni, cuius perfectione caruerit non poterimus agnoscere, nisi in illum quo ipse locutus est proficerimus affectum, omnes itaque quas diximus eum habuisse virtutes, quamvis velut gemmæ splendidissimæ atque speciosæ sint, tamen si præclaro illi atque præcipuo margarito, quod ille Evangelicus negotiator inquirens universis quæ possidet venditis comparare desiderat, conferantur, ita earum meritum revilescit atque contemnitur, ut eis sine cunctatione distractis, unius tantum boni possessio locupletet bonorum innumerabilium venditorem. Quid est ergo unum quod illis tantis sine cunctatione distinctis tamque innumeris bonis tam incomparabili præponatur, ut spretis abjectisque omnibus, solum debeat possideri? nimur illa pars optima cuius magnificentiam ac perpetuitatem, cum, relicto suspicionis atque humanitatis officio, Maria præelegit; i a enim prædicatorum a Domino: « Martha, Martha, sellicta es et turbaris circa multa; paucis vero opus est aut etiam uno, Maria autem bonam partem elegit, quæ non auferetur ab ea (Luc. xx, 41). Una ergo et sola est, ut diximus, theoria, id est, contemplatio Dei cui merito omnia justificationum genera universaque virtutum studia postponuntur, et illa quidem omnia, quæ in apostolo Paulo fuisse prædictimus, non solum bona et utilia, verum etiam magna et præclara sunt, sed sicut, verbi gratia, stani metallum, quod alicujus utilitatis et gratiae putabatur, fit argenti contemplatione vilissimum, et rursum auri comparatione argenti meritum evanescit, aurum quoque ipsum gemmarum contemplatione contemnitur, et ipsarum nibilominus quamvis insignium multitudo gemmarum unius margarite vincitur claritate, ita illa omnia merita sanctitatis, quamvis non solum ad præsens bona et utilia sint, verum etiam donum æternitatis acquirant, tamen si divinæ contemplationis meritis conferantur, vilia atque, ut ita dixerim, vendibilia censebuntur. Quis enim unquam, quamvis præcipius omnium justorum atque sanctorum hujus corporis vinculis colligatus, summum hoc bonum ita possidere potuisse credendus est, ut nunquam a divina contemplatione descendens, ne parvo quidem tempore ab eo qui solus bonus est, terrenis cogitationibus putetur abstractus, qui nunquam ullam

A cibi, ullam indumenti aliarum carnarium rerum gesserit curam, aut nunquam de fratum susceptione, de loci commutatione, de celle exstinctione sollicitus, aut opem aliquam humani concupierit adumenti, aut inopiae sterilitate vexatus illum sententiam Dominicae increpatiōnis incurret: « Ne solliciti animæ vestræ sitis quid manducetis, neque corpori vestro, quid induamini; » denique ipsum illum apostolum Paulum, qui omnium sanctorum laborem passionum numerositate transcenderat, nequaquam hoc implere potuisse confidenter astruimus, ipso in Actibus apostolorum discipulis attestante ac dicente: « Ipsi scitis quoniam ad ea quæ mihi opus erant, et his qui mecum sunt, ministraverunt manus istæ (Act. xx, 34); » vel cum Thessalonicensibus scribens in labore et fatigatione, nocte et die operatum se fuisse testatur. Quibus licet magna eidem meritorum stipendia pararentur, tamen mens ejus, quamvis sancta atque sublimis, non poterat non ab illa coelesti theoria intentione terreni operis aliquando divelli. Denique cum se tantis ac talibus ditari fructibus cerneret, et econtrario theoriaz bonum corde pensaret, ac velut in una lance tantorum laborum proiectum, in altera delectationem divinæ contemplationis appendereret, diu examine pectoris sui quodammodo castigato dum illum hinc laborum stipendia immensa delectant, illinc desiderium unitatis et inseparabilis Christi societas, etiam ad resolutionem carnis invitat, anxius tandem proclamat et dicit: « Quid eligam ignoro, coarctor autem ex duobus, desiderium habens dissolvi et cum Christo esse. Multo enim melius, permanere autem in carne necessarium propter vos (Philipp. i, 22). » Cum igitur multis modis boni hujus excellentiam, cunctis etiam prædicationis suæ fructibus prætulisset, tamen charitatis, sine qua nemo Dominum promeretur, contemplatione submittitur, ac propter illos quibus adhuc lac velut nutricula uberibus [evangelicis] innulgebat, divulsionem a Christo sibi quidem noxiā, sed cæteris necessariā, nou recusat. Impossibile enim est etiam menti quæ tam crebris distenditur curis, tam variis, tam violentis angoribus præpeditur, divino frui semper intuītu. Quod enim tam pertinax sanctorum studium, quod tam arduum potest esse propositum, cui non aliquid ille versutus insidiator illudat? Quis ita soliditiose sectatus est secreta universorumque mortalium consortia declinavit, ut nunquam cogitationibus superfluis laberetur, et intuitu rerum vel occupatione actuum terrenorum ab illa, quæ vere sola et bona est, Dei contemplatione decederet? Quis tantum spiritus unquam potuerit retinere fervorem, ut non interdum lubricis cogitationibus ab ipsa quoque orationis intentione translatus repente de coelestibus ad terrena corrueret? Quis nostrum, et cætera pervagationum tempora prætermittam, non illo etiam momento quo Deo supplicans ad sublimia erigit mentem, quodam stupore collapsus, etiam per id vel invitus offendat per quod sperabat veniam delictorum? Quis unquam tam expertus et vigilans

est, ut, dum psalmum Deo canit, nunquam a Scripturæ sensu ejus animus abducatur? Quis tam familiaris Deo, tamque conjunctus, qui apostolicum illud imperium, quo sine intermissione orare nos præcipitur, vel uno die se gaudeat executum? Quæ licet omnia nonnullis, qui sunt crassioribus vitiis involuti, levia atque a peccato pene aliena videantur, scientibus tamen perfectionis bonum etiam minimarum rerum multitudo gravissima est: fastidunt ergo sancti universa ex quibus mundus iste subsistit, sed impossibile est ut non ad ea vel brevi cogitationum rapiantur excessu, nullusque hominum in hac vita, excepto Domino Salvatore nostro, naturalem pervagationem mentis ita defixam semper in Dei contemplatione continuat, ut nunquam ab ea raptus mundanæ cujusque rei delectatione peccaret, dicente Scriptura: « Sidera ipsa non sunt munda in conspectu ejus; » et iterum: « Si in sanctis suis non confudit, et in angelis suis reperit pravitatem, » sive ut emendatio translatio habet, « ecce inter sanctos ejus nemo immutabilis, et cœli non sunt mundi in conspectu ejus. Recte igitur sanctos, qui memoriam Dei stabiliter retinentes quasi per extensas in sublime meas suspenso feruntur incessu, schoenobatis, quos vulgo funambulos vocant, dixerim comparandos, qui summam suæ salutis ac vitæ in angustissimo funiculi illius tramite collocantes, atrocissimam se mortem protinus incurso esse non ambigunt, si vel exigua pes eorum titubatione deviaverit, aut modum illius salutaris directionis excesserit, qui dum arte mirifica arios gressus per inane moliuntur, si illam angustiorem vestigio semitam non cauta atque sollicita moderatione servaverint, terra quæ omnibus velut naturalis est basis et solidissimum cunctis ac tutissimum firmamentum, sit illis præsens ac manifesta pernicies, non quia illius mutetur natura, sed quia illi ad eam præcipiti carnis pondere dilabuntur. Ita etiam indefessa illa Dei bonitas immutabilisque substantia ipsa quidem neminem lèdit, sed nos declinando a summo atque ad ima tendendo nobis ipsis consciscimus mortem, imo ipsa declinatio mors efficitur declinanti. « Væ enim, inquit, eis, quoniam recesserunt a me: vastabuntur, quoniam prævaricati sunt in me (*Ose. vii, 13.*) » Et iterum: « Væ eis cum recessero ab eis: arguet namque te malitia tua et aversio tua increpabit te. Scito et vide, quia malum et amarum est reliquise te Dominum Deum tuum (*Ose. ix, 12.*) » Cum ergo semelipsos quotidie sentiant sancti terrenæ cogitationis pondere prægravatos, ab illa mentis sublimitate decedere et invitatos, imo vero etiam nescientes in legem peccati mortisque transduci, atque, ut cetera prætermittam, illis saltē quæ superius comprehendendi, bonis quidem ac justis, sed tamen terrenis a conspectu Dei operibus revocari, habent profecto pro quibus ad Dominum jugiter ingemiscant, habent pro quibus in veritate humiliati atque compuncti non verbis tantummodo sed affectu semelipsos pronuntient peccatores, et veniam pro omnibus quæ quotidie, su-

A perati fragilitate carnis, incurunt, ac gratiam Domini jugiter postulantes, veras pœnitentiæ lacrymas indesinenter effundant, quippe qui videant iisdem ipsis se pro quibus continuo dolore vexati sunt, etiam usque ad ultimum vitæ finem æstibus involutos, etiam ipsas supplicationes suas offerre se sine cogitationum anxietate non posse: experti igitur se humanis viribus desideratum finem, obstante carnis sarcina, attingere non valere, neque illi præcipuo summoque bono secundum cordis sui desiderium posse conjungi, sed ab ejus intuitu captivos ad mundana transduci, ad gratiam Dei, quæ impios justificat, convolantes cum Apostolo protestantur, qui ait: « Infelix ego homo, quis me liberabit de corpore mortis hujus? Gratia Dei per Dominum nostrum Jesum Christum (*Rom. vii, 24.*) » Sentiunt enim se bonum istud quod volunt non posse perfecte perficere, sed in illud quod nolunt, quodque oderunt malum, id est, cogitationum motus et curam corporalium rerum semper incidere. Et condelectantur quidem legi Dei, secundum interiorem hominem qui visibilia cuncta transcendens conatur Deo soli semper uniri, sed vident « aliam legem in membris suis, » id est, in natura humanæ conditionis insertam, quæ « repugnat legi mentis » eorum, et captivum pertrahit sensum violentâ lege peccati, compellens scilicet eum, relieto illo principali bono, terrena cogitatione submitti, quæ quamvis necessaria atque utilis videatur cum dispensione cuiuspiam religiosæ necessitatis impenditur, comparatione tamen illius boni quod sanctorum omnium oblectat intuitum, mala utique ab eis ac fugienda decernitur, qui per eam quoquo modo vel ad modicum tempus ab illius perfectæ beatitudinis gaudio retrahuntur.

(*Moyses in Collat. Cassiod., coll. i, cap. 15.*) Contemplatio vero Dei multifarie concipitur. Nam Deus non sola incomprehensibilis illius substantiæ suæ admiratione cognoscitur, quod tamen adhuc in specie promissionis absconditum est; sed etiam creaturarum suarum magnitudine, vel æquitatis suæ consideratione, vel quotidiane dispensationis auxilio pervidetur; quando scilicet quæ cum sanctis suis per singulas generationes egerit, mente purissima perlustramus, cum potentiam ipsius, qua universa gubernat, moderatur ac regit, cum immensitatem scientiæ ejus, et oculum, quem secreta cordium latere non possunt, tremente corde miramur; cum arenam maris undarumque numerum dimensum ei et cognitum pavidi cogitamus; cum pluviarum guttas, cum sæculorum dies et horas, cum præterita futurave universa obstupescentes, scientiæ ejus assistere contemplamur: cum ineffabilem clementiam ejus consideramus qua innumeræ flagitia, quæ singularis quibusque momentis sub illius committuntur aspectu, indefessa longanimitate sustentat; cum intuemur vocationem qua nos, nullis oræcedentibus meritis, gratia suæ miserationis ascivit; cum denique quot occasiones salutis tribuit adoptandis cum quodam admirationis intuemur excessu: quod ita

nos nasci præcepit, ut ab ipsis cunabulis gratia nobis legisque suæ notitia traderetur, quod ipse adversarium vincens in nobis pro solo bonæ voluntatis assensu æterna beatitudine ac perpetuis nos præmiis muneratur; cum postremo dispensationem incarnationis suæ pro nostra salute suscepit, ac mirabilia mysteriorum suorum in cunctis gentibus dilatavit. Sunt autem aliæ quoque hujusmodi innumeræ contemplationes, quæ pro qualitate vitæ ac puritate cordis in nostris sensibus oriuntur, quibus Deus vel videtur mundis obtutibus, vel tenetur. Quas profecto nullus perpetuo retentabit in quo adhuc aliquid carnalium vivit affectuum, quia « non poteris, ait Dominus, videre faciem meam: non enim videbit me homo et vivet (*Exod. xxxiii, 20*), » scilicet mundo huic affectibusque terrenis.

Habet ergo cibum suum et amictum anima, quæ illo summo bono adhæret, quod est divinum, quod apostolus Petrus suadet querendum, ut per ejus cognitionis acquisitionem, divinæ simus consortes naturæ. Hujus cognitionem aperit sanctis suis Deus bonus, et donat de thesæuro suo bono, sicut testificatur lex sacra dicens, « quia juravit Dominus patribus ejus dare tibi et aperire thesaurem suum bonum, de quo thesauro coelesti dat pluviam terræ suæ, benedicere omnia opera manuuni suarum (*Deut. xviii*). » Hæc est pluvia eloquium legis quod irrorat animam illam secundam et fertilem honorum operum, ut habeat humorem gratiæ: hujus boni cognitionem querebat David, sicut ipse significat dicens: « Unam petivi a Domino, hanc requiram, ut inhabitem in domo Domini omnibus diebus vitæ meæ et videam delectationes Domini et considerem templum ejus (*Psal. xxvi, 4*). » Denique hoc esse summum bonum subtexuit statim in eodem psalmo: « Credo videre bona Domini in terra viventium (*Ibid.*). » Hic enim queritur, illic facie ad faciem plene videtur, hoc bonum in domo Dei est, in illo utique secreto ejus ac recessu; unde iterum ait: « Replebitur in bonis domus tuæ (*Psal. lxiv, 6*), » alibi quoque hanc summam esse benedictionis expressit dicens: « Benedicat te Dominus ex Sion, et video quæ bona sunt Jerusalem (*Psal. cxxvii, 5*): » ideo Beatus qui illic habitat in gressu fidei hospitioque mentis, devotionis habitaculo, conversatione virtutis. In illo igitur simul atque in eo maneamus de quo et Isaías dicit: « Quam speciosi pedes evangelizantium pacem, evangelizantium bona! (*Isa. lii, 7; Rom. x, 15*). » qui sunt qui evangelizant nisi Petrus? nisi Paulus? nisi omnes Apostoli? Quid evangelizant bonis, nisi Dominum Jesum? hic est pax nostra, hic est bonum illud summum, quia ipse bonus ex bono, ex arbore euini bona bonus fructus legitur. Denique et Spiritus ejus bonus, qui ex ipso accipit et deducit Dei servulos in viam rectam; quis autem habens Spiritum Dei in se neget bonum, cum ipse dicat: « An oculus tuus nequam est, quia ego bonus sum (*Matt. vi, 23*)? » Hoc bonum veniat in animam nostram, in nostræ mentis viscera, quod

A propitiis Deus dat petentibus se, hic est thesaurus noster, hic est via nostra, hic est sapientia nostra, justitia nostra, pastor noster, et pastor bonus, hic est vita nostra, vides quanta bona, in uno bono, hæc bona nobis prædicant evangelistæ, hæc bona requirens David ait: « Quis ostendit nobis bona (*Psal. iv, 6*)? » et ostendit ipsum esse bona subjiciens: « Signatum est in nobis lumen vultus tui, » quis autem lumen vultus Patris, nisi splendor gloriae, et imago invisibilis Dei? in quo et videtur et clarificatur Pater, sicut ipse clarificat Filium suum. Ipse est ergo Dominus Jesus bonum summum quod nobis annuntiatum a prophetis, prædicatum ab angelis, promissum a Patre, evangelizatum est ab apostolis; qui nobis tanquam maturitas advenit, nec B solum tanquam maturitas advenit, sed tanquam maturitas in mentibus adest, ut nihil acerbum, nihil immaturum in nostris consiliis sit, nihil immite, nihil asperum in operibus ac moribus, qui primus evangelizans bona adsuit; unde et ait: « Ipse qui loquebar, adsum (*Isa. lii, 6*), » id est, qui loquebar in prophetis, adsum in corpore quod suscepit ex Virgine: adsum interior imago Dei, character substantiae, et adsum ut homo, sed quis cognoscit me, hominem enim viderunt: sed operibus supra hominem crediderunt. An non ut homo, cum Lazarum ficeret, et rursus supra hominem, cum eum resuscitaret? an non ut homo cum vapularet: rursus supra hominem, cum totius mundi peccatum tolleret? Ad illum igitur properemus in quo summum est bonum, quoniam ipse est bonitas, ipse patientia Israel, qui ad poenitentiam te vocat ne venias in judicium, sed accipias peccatorum remissionem. « Agite, inquit, poenitentiam (*Matt. iii, 2*). » Ipse est de quo clamat Amos propheta: « Exquirite bonum, » ipse est summum bonum, qui nullius indiget, et abundat omnibus. Facile abundat in quo plenitudo divinitatis habitat corporaliter, facile abundat de cuius plenitudine omnes accepimus et in illo repleti sumus, dicit Evangelista. Hoc igitur verum et summum bonum, sicut illo concupiscibili suo et delectabili anima gustaverit, et duabus his hauserit affectionibus, excludens dolorem et formidinem, incredibiliter exæstuat, osculata enim verbum Dei modum non capit, nec expletur, dicens: « Suavis es, Domine, et in jucunditate tua doce me justificationes tuas (*Psal. xcix, 5*); » osculata Dei verbum concupiscit super omnem decorem, diligit super omnem lætitiam, delectatur super omnia aromata, cupid frequentor videre, sæpe intendere, cupid attrahi ut sequi possit: « Unguentum, inquit, exinanitum est, nomen tuum, propterea te diligimus adolescentiæ, propterea certainus, sed comprehendere te non possumus, altrahit nos ut possimus currere, ut unguentorum tuorum odore accipiamus virtutem sequendi. » Festinat etiam inter mysteria videre ipsam quietem verbi, ipsam boni illius summi habitationem et lucem ejus et claritatem, in illo sinu ac recessu patrio festinat audire sermones ejus, et cum au-

dierit, super omnem suavitatem accipit. Doceat te propheta, qui gustavit et ait : « Quam dulcia faucibus meis verba tua super mel et favum ori meo (*Psal. cxviii.*, 103). » Quid enim aliud desideret anima, quæ semel suavitatem verbi gustaverit, quæ semel claritatem ejus viderit ? Moyses in monte positus quadraginta diebus, legem accipiens cibum corporis non requirebat, Elias ad illam festinans requiem rogabat ut acciperetur a se anima sua, Petrus aspiciens et ipse in monte Dominicæ resurrectionis gloriam, nolebat descendere, dicens : « Domine, bonum est nos hic esse (*Marc. ix.*, 5). » Quanta igitur illa divinæ substantiæ gloria ! quanta verbi bona in quæ concupiscunt et angeli prospicere ! Anima igitur quæ illud videt, corpus hoc non requirit, minimamque sibi familiaritatem cum eo debere esse intelligit, renuntiat se Deo, abducit se a vinculis carnis, exiit omnibus voluptatum istarum nexibus. Denique Stephanus Jesum videbat, et lapidari non formidabat, imo cum lapidaretur non pro se, sed pro illis a quibus perimebatur, rogabat; Paulus quoque raptus usque ad tertium cœlum utrum cum corpore esset an sine corpore nesciebat, raptus, inquam, in paradiso, usum proprium jam non sentiebat corporis, et audiens verba Dei, quomodo ad corporis infirmitates descenderet erubesceret; itaque sciens quid vidisset in paradyso vel quid audisset, clamabat dicens : « Quid adhuc velut viventes de hoc mundo decernitis, ne tetigeritis, ne attaminaveritis, ne gustaveritis quæ sunt omnia ad corruptelam ipso usu (*Col. ii.*, 21), » volebat enim nos in figura esse istius mundi, non in possessione atque usu, ut ita utamur hoc mundo tanquam non utamur, tanquam prætereuntes, non tanquam residentes, ambulantes tanquam in imagine sæculi non in cupiditate, ut velocissima disputatione ipsam imaginem hujus mundi transeamus : denique ipse fide ambulans, non specie peregrinabatur a corpore, aderat Deo, et cum esset in terris, non in terrenis sed in cœlestibus conversabatur : ergo anima nostra, quæ Deo vult appropinquare, elevet se a corpore, semper illi summo adhæreat bono, quod est divinum, quod est semper, et quod erat ab initio, et quod erat apud Deum, hoc est, Dei Verbum. Ipsum est illud divinum in quo vivimus et sumus et movemur, ipsum est, quod erat in principio, ipsum est, quod est, « Dei enim Filius Jesus Christus, in vobis, inquit, est, in quo non fuit Est et non, sed Est in illo fuit. » Ipse dixit Moysi ut diceret, « qui est misit me. » Cum hoc igitur anima nostra sit, et sit, si fieri potest, semper, ut et nostrum possit quis dicere, « anima mea in manibus tuis semper erit, aut si non in carne sit, sed in spiritu erit, si se terrenis non misceat, cum enim ad carnalia reflectitur, tunc ei illecebra obrepit corporis, tunc ira et indignatione exæstuat, tunc mœstitia afficitur, tunc supinatur per arrogatiā, tunc dolore affligitur; haec sunt mœritudines animæ graves, quibus plerumque ad mortem cogitur, dum oculi ejus cæcantur, ut non videant vere lumen gloriæ et divitias æternæ hereditatis, quod si eos ad

A Deum semper intendat, accipiet a Christo fulgorem sapientiæ, ut illuminatum in agnitione habeat obtutum, ut videat illam spem nostræ vocacionis, aspirat illud quod est bonum et perfectum et piacitum, quod enim bonum complacitum Patri, quod complacitum perfectum, sicut habes in Evangelio ubi dicit Dominus : « Diligite inimicos vestros, ut imitemini Patrem qui pluit super justos et injustos (*Math. v.*, 44), » quod est utique bonitatis, et postea concludit dicens : « Estote perfecti sicut Pater vester cœlestis perfectus est (*Ibid.*, v. 48), » charitas enim perfecta est, denique plenitudo legis est : quid autem tam bonum quam charitas, quæ malum non cogitat, et ideo terras fugito, in quibus invidia est, ubi ambitione, ubi contentio ; boni ergo illius capacem se B anima tua præbeat, ut supra nubes volet, sicut aquila, renovetur sicut aquila, pennas emittat, ut renovatis alarum remigiis, alta petere non reformidet, hanc habitationem relinquat, terrenum enim habitaculum gravat animam, exuat vetera, abhiciat erroris desideria, abluat oculos suos, ut videat illum fontem veræ sapientiæ, illum fontem vitæ æternæ : afflit atque exundat omnibus, nullius indigens, quis enim dedit illi cum ex ipso et per ipsum, et in ipso omnia sint ? Vitæ igitur sons est summum illud bonum, ex quo vivendi substantia ministratur omnibus, ipsum autem in se habet vitam manentem, a nullo quasi inops accipit, largitur bona aliis, non aliunde adsunt sibi. Neque enim indiget nostri, unde et ait ex persona hominis : « Quoniam bonorum meorum non indiges (*Ps. xv.*, 2); quid ergo pulchrius quam ei appropinquare, ei adhærere ? quæ major voluptas est ? quod is qui viderit et de fonte aquæ vivæ gratis gustaverit, quid potest aliud desiderare ? quæ regna, quæ potestates, quam pecuniam, cum advertat, quam miseræ etiam hic regum conditiones sint, quam mutabilis imperii status, quam exigua vita hujus spatia, quanta in ipso imperio servitia, cum ad aliorum non ad suum vivant arbitrium ? quis autem peculiatus ad vitam æternam transit, nisi virtutum fultus peculio, quod receptum omnibus solis divitiis impossibile pronuntiatur ? Non igitur his uti beatum est, sed illud videre, quo ista despicias, et vana vero refellas atque inania et cassa judices ; illam nudæ veritatis pulchritudinem diligas, quæ has D seculi fugosissimas vanitates redarguat : erige igitur oculos, anima, tuos, illos oculos, de quibus tibi verbum Dei dicit : « Corde nos cœpisti, soror mea sponsa (*Cant. iv.*, 9), » corde nos cœpisti uno ab oculis tuis. Ascende in palmam, vince sæculum, ut teneas verbi altitudinem ; imaguem istam mundi foris relinque, foris malitiam, introduc autem mentis bonitatem, quæ habet gratiam in ligno vita, si laverit stolam suam et ingrediatur in civitatem, quæ vera est patria sanctorum, in qua est Domini tabernaculum, circa quod scribæ Domini prætendunt, ubi non dies aut sol aut luna lumen ministrant, sed ipse Dominus lumen est, totum illam civitatem illuminans, est enī lux mundi, non utique lux visibilis, sed animarum,

quæ in hoc mundo sunt intelligibilis claritudo, qui-
bus se splendenti lumine rationabilis infundit pruden-
tia, quæ prædicatur in Evangelio & in corpore vir-
tutis, inflammans vapore suo secreta mentium, animo-
rumque penetralia. » Si quis igitur incola esse coep-
erit illius civitatis supernæ, incola videlicet conver-
satione ac moribus, non discedat, non abeat, non
exeat, non reflectat vestigium non corporis dico, sed
mentis dico vestigium, non revertatur retro : retro
luxuria, retro impuritas est ; denique ascendens ad
montem Loth, retro reliquit Sodomitaria flagitia,
quæ autem respexit retro, non potuit ad superiora
evadere ; non ergo pedes tui retro, sed mores non
revertantur, non fiant manus tuæ remissæ, et devo-
tionis tuæ ac fidei genua dissoluta, non fiat voluntati
tuæ recidiva insirmitas, non ullus intercursus cri-
minum, sed ingressus es, mane, pervenisti, consiste,
salvans salva animam tuam, ascendens directum,
attolle gradum, nullus inde tute sedit [Forte leg. dis-
cedit], hinc via, inde ruina est, hinc ascensus, inde
præcipitum, ascendendi quidem labor, sed descendendi
periculum, sed potens est Dominus, qui te
fundatum illic custodiat, septum Propheticis muris
et apostolicis turribus, ideo tibi dicit Dominus : « In-
trate, calcate, quia assistit vindemia, intus non fo-
ris simus, » et in Evangelio Dei Filius dicit : « Qui
e t in teclo, non descendat vasa sua tollere (Math.
xxiv, 17) » ; non utique de hoc teclo dicitur, sed de
ilio : Extendit cœlum sicut cameram ; intus ergo esto,
intra Jerusalem, intra animam tuam pacificam, mi-
tem atque tranquillam ; non ex eas de ea, neque de-
scendas, vas tuum istud, aut honoribus, aut divitiis,
aut arrogantia attollere, intus esto ut per te alieni-
genæ non transeant, peccata animam tuam non trans-
eant, vanæ operationes et cogitationes inanæ non
transeant, si autem sanctiscaberis [Forte leg. san-
ctiscaveris] hellum pro devotionis et fidei certa-
mine, pro veritatis studio, adversus passionum il-
lecebras, et sumperis arma Dei adversum spiritales
nequitias et astutiam diaboli, qui pertentat sensus
nostros fraude ac dolo, quem mansuetus bellator fa-
cile poterit, qui non serat jurgia, sed sicut decet,
servum Domini cum modestia fidem doceat, et eos
qui adversantur redarguat, de hoc dicit Scriptura :
Qui mansuetus est bellator exsurgat, et infirmus di-
cat : « Omnia possum in eo qui me confortat (Phil.
iv, 13). » Hac fide fretus etiam qui infirmus est præ-
valebit, et erit sancta anima ejus, et stillabunt ei
montes propheticæ vel apostolici dulcedinem, et col-
les fluent lac (Amos ix, 13), qualis ille collis qui ha-
ctis potum Corinthiis dabat, et fluent ei aquæ de
suis vasis, et puto eorum suorum fontibus, vel de ven-
tre ejus aquæ vivæ, spiritales videlicet quas fide-
libus suis Spiritus sanctus ministrat, qui etiam ani-
magam tuam dignetur rigare, et abundet in te fons
aquæ salientis in vitam æternam (Joan. iv, 14). »

LIBER TERTIUS.

DE MODO POENITENTIAE.

Cap. I. — *De vera poenitentia.*

Cum maximum bonum sit ut homo semetipsum
humilians conditori suo se per omnia subdat, et præ-
ceptis eis obediens non in semetipso fiduciam ha-
beat, sed firmiter in Dei bonitate confidat, et quid-
quid se meminerit nequiter egisse, per confessionem
sacerdoti patescat, et pro hoc ipso poenitentiam
condignam gerat, sperans in misericordia opificis
sui quod ipse, qui eum ex nihilo condidit, potens
est post lapsum rursum recuperare, et de peccatore
justum facere, atque æterni regni simul cum sanctis
angelis suis participem efficere, proh dolor ! multi
B sunt qui peccare non metunt, et usque ad terminum
pene vitæ suæ, in peccatis vivere non cessant,
sibimet periculo se blandientes atque dicentes : Mi-
sericordia Dei magna est, et licet omnes dies vite
meæ in peccatis ducam et juxta obitum meum tan-
dem confessus fuero peccata mea, et poenitentiam
accipiam, continuo salvus ero, quia nesciunt utrum
eis unius diei spatium super terram vivere conceda-
tur. Alii autem post commissum multorum sceferum
semetipsos desperantes, et de bonitate Dei diffiden-
tes, aiunt se, si post baptismi perceptionem sordibus
vitiorum polluerint, nequaquam in pristinum statum
recuperari posse, et integrum veniam promerer. Sed
quia iste error late se sparsit, et in multis locis ma-
gis magisque inolevit, dignum esse videtur mihi, ut
ad hunc abolendum, canonicas sententias et ortho-
doxorum Patrum dicta in unum volumen congeram,
et quid sancti Patres inde censurint credendum, et
quid ego inde sentiam patescam. Nam sanctorum
prophetarum dicta, licet in aliquibus sententias pec-
cantibus poenas minentur, tamen manifeste conver-
sis a peccatis, et vere poenitentiam agentibus spe-
veniant, et remissionem peccatorum illis prædi-
cant, unde et ipse Dominus in mundum veniens et
sine peccato per virginem natum peccatores ad se
convocare dignatus est, statim in initio prædicatio-
nis suæ, sicut Mattheus evangelista testatur, eadem
verba quæ præcursor suus Joannes videlicet Bapti-
sta in deserto Judææ docendo ante protulerat, ipse
prædicabat, de quo scriptum est : « Cum audisset
Jesus quod Joannes traditus est, cœpit prædicare et
dicere : « Poenitentiam agite, appropinquabit enim
regnum cœlorum (Math. iii, 2) ; si enim illi peccato-
ribus digne pro peccatis suis poenitentiam agentibus
ignoscere nollet, nequaquam eos agere poenitentiam
jubaret, bene ergo per Salvatorem poenitentibus
appropinquare regnum cœlorum dicitur, quia
per ipsum de imis ad alta sublevamur, appropinquabit
enim vere tunc poenitentibus regnum cœlorum,
cum Salvator noster in suo adventu omnibus quicunque
per poenitentiam priscis erroribus abrenuntiantes ad
eius fidem et baptismum confugerunt, vitam promis-
sit æternam, et quotquot autem receperunt eum, de-
dit eis potestalem filios Dei fieri (Joan. i, 12), et ap-

propinquat etiam et nunc, quia ipse discipulis suis post resurrectionem suam jussit prædicare in nomine ejus pœnitentiam et remissionem peccatorum in omnes gentes, « Et ecce, ait, ego vobiscum sum omnibus diebus usque ad consummationem sæculi (*Mauth. xxviii, 20*). » Necessæ est enim unicuique qui se peccatorem et reuin esse cognoscit, ut cum pœnitentia sibimet remedio subveniat, nec differat de die in diem converti in melius, sed dum vacat et in hac vita subsistit, studeat magis operibus bonis curam impendere, quam negligentia desidia torpere, docente hoc Scriptura atque dicente : « Ne adjicias peccatum super peccatum et dicas : « Misericordia Dei multa est; quoniam misericordia et ira ab illo est (*Ecli. v, 6, 7*). »

CAP. II.—*De recte virentibus.*

Certus sum enim quia homo baptizatus, si vitam, non audeo dicere absque peccato, quis enim sine peccato? sed vitam sine crimine duxerit, et alia peccata habuerit, quæ quotidie ei dimittuntur in oratione dicenti : « Dimitte nobis debita nostra, sicut et nos dimittimus debitoribus nostris, » si faciat quod sibi a Deo cupit fieri, quando dum finierit, vitam non finit, sed transit de vita ad vitam, de laboriosa ad quietam, de misera ad beatam, de temporali ad æternam, sive iste voluntate sua currat ad baptismum, et sive in periculo constitutus baptizetur ut transeat, ad Dominum vadit, ad requiem vadit; qui autem baptizatus postea desertor violatorque sacramenti fuerit et peccans Dominum repellit a se, si agat pœnitentiam ex toto corde, et si agat veram pœnitentiam, ubi videt quod vidit cor David, quando increpatus a propheta graviter, et post communiones terribiles, Dei exclamavit dicens : « Peccavi, » et mox exaudivit : « Dominus abstulit peccatum tuum, non peribis. » Enim [*Forte, enimvero*] quantum valet haec vox, tres syllabæ sunt, « peccavi, » sed in his tribus syllabis flamma sacrificii cordis ejus ad cœlum ascendit; ergo qui egerit veraciter pœnitentiam, et solitus fuerit a ligamento, quo erat construnctus et bene post pœnitentiam vixerit, post reconciliationem cum defunctus fuerit ad Dominum vadit, ad requiem vadit, regno Dei non privabitur, a populo diaboli serabitur [*Forte leg. separabitur*].

CAP. III.—*De sero conversis.*

Quisquis autem positus in ultima necessitate ægritudinis suæ, acceperit pœnitentiam et mox reconciliatus fuerit, et transierit de corpore, fateor, non illi nego quod petit, sed nec præsumo dicere quia bene hinc exiit, non præsumo, non polliceor, non dico, neminem fallo, neminem decipio, non penitus promittitur. Fidelis bene vivens, securus de hoc sæculo migrat, si agit pœnitentiam, dum sanus est, et reconciliatus postea bene vixerit; sed dicit aliquis, Quid est bene vixerit? vel hoc nos instrue, sacerdos bone, ut sciamus illud, nescire te dicis quia is qui accepta pœnitentia ad horam transit, si remittat illi facinora sua, si relaxet illi Deus peccata ipsius in

A die judicii, hinc nullam servitutem nobis das, vel quomodo bene vivere post pœnitentiam debeamus, docere nos debes. Dico ergo, abstinere ab ebrietate, a concupiscentia, a furto, a maliloquio, ab ipso immoderato risu, a verbo otioso, unde reddituri sunt homines rationem in die judicii, ecce quam levia dixi, et omnia illa gravia et pestifera, et aliud dico: non solum post pœnitentiam, ab ipsis vitiis se homo servare debet, sed et ante pœnitentiam, dum sanus est, quia nescit si ipsam pœnitentiam possit accipere et confiteri Deo et sacerdoti peccata sua, ecce quare dixi: Et ante pœnitentiam bene vivendum est, et post pœnitentiam melius, agens vero pœnitentiam ad ultimum et reconciliatus exierit de corpore, si securus hinc exit ego nescio, pœnitentiam dare possum, securitatem autem dare non possum: quod dicturus sum, attendite, habeo planius exponere ne aliquis me male intelligat.

B Nunquid dico damnabitur? sed nec dico, quia liberabitur, et quid mihi dicis, sancte episcope? quid tibi dicam nescio, jam dixi, non præsumo, non promitto, prorsus nescio de Dei voluntate. Vis autem, frater, te a dubio liberari, vis quod incertum est evadere, pœnitentiam age dum sanus es; si enim agis veram pœnitentiam dum sanus es, et invenerit te novissimus dies, currit ut reconcilieris, si sic agis, securus es: quare securus es? vis dico tibi? quia egisti pœnitentiam eo tempore quo peccare potuisti, ecce dixi tibi quare securus es; si autem tunc vis agere ipsam pœnitentiam quando jam peccare non potes, peccata te dimiserunt, non tu peccata, sed respondet aliquis, Unde scis, si forte Deus misereatur et dimittat mihi peccata mea? Verum dicas, frater, verum dicas, unde scio, et ideo tibi do pœnitentiam quia nescio, ut tu inquis, ergo dimitte causam meam Domino, quid me tum verbis affligis, et judici me Deo dimittis? illius judicio te committo, cuius judicio me commendabo: nam si scirem nihil tibi prodesse pœnitentiam, non tibi eam darem. Iterum si scirem tibi prodesse, non te terrerem. Duæ res sunt, aut ignoscitur tibi, aut non tibi ignoscitur, quid horum tibi futurum sit ego ignoro, sed consilium do, dimitte incertum, et tene certum, et dum vivis, dum sanus es, age pœnitentiam veram, ut cum veneris in judicium Dei, non ab eo confundaris, sed in regnum cœleste inducaris. Hæc de iis qui pœnitentiam, dum tempus opportunum habent, agere dissimulant, ut non usque ad vitæ terminum eam protelent, admonitionis verba prolatæ sufficiant; nunc de his qui nolunt agere pœnitentiam, sed de salute penitus desperant, restat ut orthodoxorum Patrum documenta ad eorum correctionem replicemus.

CAP. IV.—*Quod non sit desperandum de Dei bonitate.*
Non debes ergo, o homo, disfidere Deo, et de misericordia ejus desperare; nolo dubites, neque despares mutari te posse in melius: si enim tantum potuit diabolus, ut a celsis virtutum vestigiis in profundum te duceret malorum, quanto magis poterit Deus ad summum te bonorum verticem revocare, et

non solum in id restituere quod fuisti, sed et beatitudinem multo quam prius videbaris efficere? Neque enim tantum concedas animo, nec bonorum quæsum spem tibi abscondas, ne accidat tibi quod impiis solet, non enim multitudo peccatorum in desperationem inducit animam, sed impietas, et propterea Salomon dixit quia « omnis qui venerit in profundum malorum, contemnit (*Prov. xviii, 3.*) ». Impiorum ergo est desperare salutem et contemnere, cum in profundum malorum venerint peccatorum. Impietas enim non sinit eos ad Dominum respicere, et illuc redire unde delapsi sunt. Ista ergo cogitatio, quæ spem conversionis abscidit, ab impietate descendit, et sicut lapis gravissimus cervicibus animæ incumbens, semper eam cogit deorsum in terram aspicere, ad Dominum vero suum non sinit oculos allevare; sed virilis animi est et præclaræ mentis dejicere a cervicibus animæ suæ pondus inimicissimum, imo deprimentem se abjicere diabolum, et imperare animæ suæ, ut canens verba prophætica dicat ad Dominum: « Sicut oculi servorum in manibus dominorum suorum, sicut oculi ancillæ in manibus dominæ suæ, ita oculi nostri ad Dominum Deum nostrum, donec misereatur nobis. Miserere nobis, Domine, miserere nobis, quia multum repleti sumus despectione (*Psal. cxxii, 2.*) ». Præclara vere in his verbis et coelestis philosophiae doctrina est: « Repleti, inquit, sumus despectione, » hoc est quod docere nos voluit, quia etsi pro peccatorum nostrorum multitudine repleti sumus despectione atque opprobriis operati sumus, oculi nostri tamen ad Dominum Deum nostrum donec misereatur nobis, nec prius ab obsecratione cesseimus, quam impetrare peccatorum nostrorum veniam mereamur. Hoc enim vere est constantis animæ et pertinacis, ut nequam repellatur a perseverantia descendendi desperatione impetrandi, sed perseveret ac persistat in precibus donec ei misereatur Deus, et ne forte arbitris te offensam magis contrahere apud Dominum, si cum non merearis audiri importunus persistas in precibus, recordare Evangelii parabolam, et ibi invenies quod perseverantes et importunos precatores Dominus non sibi ostendit ingratos, ait enim: « Et si non dabit propter amicitiam, tamen propter importunitatem ejus surget, et dabit ei quantum opus habet. » Intellige ergo, charissime, quia propterea diabolus desperationem subjicit impetrandi, ut spem nobis Dei bonitatis abscindat, quæ est salutis nostræ anchora, et vitæ nostræ fundamentum, dux itineris, quo itur ad cœlum, denique Apostolus ait: « Spe autem salvi facti sumus (*Rom. viii, 24.*) », spes ergo est, in qua salus nostra consistit, et quæ de terribus animas velut quibusdam catenis dependentibus inuenias sibi evehit ad superna, et revocat ad sedes coelestes eos qui sibi vehementius inhærent, celsioresque eos vitæ hujus ac terrenorum malorum turbinibus reddet; si quis ergo inter haec positus resolvatur animus, et salutaris spei anchoram dimittat e manibus, decidat necesse est in abyssum,

A atque in profundum malorum enecetur, quod cum senserit inimicus, et viderit nos peccatorum nostrorum multitudinem perhorrescentes, increpationibus etiam ipsius conscientiæ deterri, accedit et ipse, et cogitationes nobis subjicit desperandi plumbo omni et omni arena graviores, quas si receperimus, necesse est nos statim pondere ipso abruptis salutis nostræ retinaculis in profundum demergi malorum, scimus enim plures et ex nostris temporibus, et memoria majorum prolapsos ab itinere recto, et precipitatos ab ingressu viæ angustæ, ita rursus esse reparatos, ut posterioribus priora transierint, atque ad palmam pervenerint, et coronam, numeroque rursus ac choro scripti creduntur esse sanctorum, sed donec quis permanet in ipsa adhuc flamma æ B fornace libidinis, haec ei impossibilia videntur, etiam si mille provocetur exemplis; si vero coepit fieri vel parva conversio, et initium dederit repetendi, passatim procedens, et ad superiora referens pedem, illa quidem quæ vehementior erat flamma post tertium remanebit, ante pedes vero quanto acrius coepit incedere, tanto omnia inveniet divini cuiusdam rois sopita refrigerio, tantum est ut unum quod præcipue inimicum est saluti huic caveamus.

CAP. V.—Quam periculosa sit desperatione

Inimica est autem conversioni et poenitentiae desperatione, quæ si insederit menti, quantumcumque sit salutis desiderium, quamvis grande sit salvandæ rosum, desperatione occurrente, omnis salutis C aditus obstructur; interjecta enim poenitentiae via, clauditur pariter et agonis ingressus, et quomodo jam poterit qui extra viam est et cui ostium clauditur boni aliquid operis implere, cum ad nosorem non veniat ingressum, desperatione prohibente? Propter hoc et diabolus omnibus modis molitur hujusmodi cogitationes plantare in cordibus nostris; si enim nos desperationis metus procul a via virtutis efficerit, nullum ei adversum nos certamen ultra remanebit, quem enim impugnet cum nullus obstat? si quis autem istud resolvere poterit vinculum, continuo vires suæ redeunt ad eum, incalcescit vigor animi, delectabatur in suis certamina rursus instaurare: videbit enim refugare eum se quem fugiebat, et persequi consequentem; quod et si forte, ut se conditio habet agonis, rursum labitur ut cadat, non continuo lapsus sui pudore desperare iterum debeat, sed meminerit hanc esse agonis et certaminum legem, non ut nunquam quis cadat, sed ut nunquam quis cedat: quia non ille qui saepe cecidit victus dicitur, sed ille qui ad ultimum cessit, nam qui desperationis cogitationibus victus est, quomodo vel vires reparare certandi, vel resistere et pugnare potest cum fugiat, nec omnino redeat ad certamen? Et ego nolo quia tu putes quia de his mihi sermo sit tantum qui in paucis et levibus peccaverunt, sed de illo loquor qui omnibus succumbit malis, qui immanitate scelerum viam sibi excluserit regni cœlorum, et non de infidelibus sed de fidelibus fuerit, et

ex his qui prius placuerit Deo, post hæc autem de-
ciderit vel in adulteria, vel in omnes impudicitias, quæ,
ut Apostolus ait, turpe est etiam dicere, nec hunc ergo
dico salutem desperare debere, etiamsi ad ultimam hu-
jus modi malis obseusus usque pervenerit senectutem,
sed quæ sit ratio dicti hujus ausculta: Si ira Dei
passibilis esset affectu, recte diceremus non posse
jam restinguī flammam, quæ tot ac tantis peccato-
rum succensa sit malis. Cum vero impassibilem esse
naturam divinam definitio veritatis ostendat, intel-
ligere debemus quia etiamsi punit Deus, etiamsi
poenas infert, non hoc cum ira passibili, sed cum
ineffabili clementia facit medentis non perimentis
affectu, et ideo valde libenter poenitere debemus,
poenitentiæ enim medicamentum si præveniens cu-
ret animam, non facit eam ad medicamenta iracun-
diae pervenire, pro his quæ commisit in Deum. Non
enim, ut diximus, propter semetipsum vindicat Deus
in peccatorem quasi ulciscens injuriam suam, nihil
enim tale recipit in se natura divina, sed ad utili-
tatem nostram, facit omnia pro utilitate nostra, et
correptiones inducit et poenas, non ut se vindicet,
sed ut nos emendet; quod si persistat quis in duri-
tia, sicut ille qui avertit oculos suos a luce, damnum
quidem luci nullum intulit, semetipsum vero tene-
bris condemnavit: ita et qui per cor impoenitens
contemnere se putat virtutem Dei, semetipsum alienum
efficit a salute. Quod si medicus ab his qui vel
phrenesim patiuntur, vel cerebro moti sunt, patitur
injurias, neque dolet pro hoc, neque irascitur, sed
facit omnia quæ medendi ratio depositit, quibus cru-
ciari quidem videatur ille qui patitur. Porro cru-
ciatus ipse non est injuriarum vindicta, sed cura
languentis, denique si parvum quid æger proficeret
cooperit ad salutem, statim vides gaudere medicum,
lætari usque et alacrius exequi reliquam curam, nec
usquam prorsus injuriarum meminit, sed salutis in
omnibus gerere prospectum; quanto magis Deus
etiam cum ad ultimam insaniam deciderimus, non ulti-
onis affectu, pro his quæ commisimus movetur in
nos, sed cupiens visceribus nostris inveteratos vitio-
rum curare languores, pro hoc et docet omnia, et
agit, cupidus sanitatis nostræ, non poenæ; sed quod
quamvis ratio ipsa pietatis sufficienter ostendat, ta-
men ne tibi de hujusmodi sententia dubitatio ulla vi-
deatur, possumus hæc etiam ex divinis Scripturis,
quod ita se habeant edocere.

CAP. VI.—*Testimonia Scripturæ sacræ et exempla
poenitentium inde prolata.*

Dic enim mihi quid sceleratus fuit rege Babylo-
niæ, qui cum in multos expertus esset potentiam Do-
mini, ita ut prophetam ejus adoraret, et juberet ei
thus et myrrham immolari, rursus tamen ad prior-
rem adversus Deum superbiam devolutus est, et eos
qui imaginem ejus adorare noluerunt, præferentes
venerationem Dei, vincitos in fornacem dejecit ignis
ardentis: et tamen hunc tam immanem, tam im-
pium provocat Deus ad poenitentiam et dat ei con-

A vertendi materias. Primo quidem ex hoc ipso quod
ei in fornace ignis tribus pueris socius apparuit,
tum deinde, quod visionem videt illam quam inter-
pretatus est Daniel; quæ vel sola sufficeret etiam
lapidea corda mollire, sed postquam rebus admoni-
tus est, accessit etiam sermonum per prophetam
cohortatio, accepit enim et prophetæ consilium di-
centis: « Propterea, o rex, consilium meum placeat
tibi, et peccata tua eleemosynis redime, et iniquita-
tes tuas misericordia pauperum: fortasse erit pa-
tientia inde votis tuis (*Dan. iv, 24.*) ». Quid dicis
ad hæc, vir sapiens et beate, et post tantos lapsus
adhuc redditus est, mihi crede, quia et post gravissi-
mam ægritudinem, atque ab ipso pene mortis confi-
nio redit sanitas et post desperatam insaniam multi-
B resipiscunt. Ecce enim, ut supra memoravimus, rex
iste Babylonius omnes jam sibi aditus salutis exclu-
serat, per id quod exacerbavit Deum, qui se fecit,
et ad fastigia regni celsa perduxit, qui futurorum quoque scien-
tiam dedit et regni totius arcana reseravit, qui ma-
gicas, astronomicas, Gazarenas, Chaldaicasque præ-
stigias prophetæ sui divina interpretatione confudit,
et ineffabile sacramentum captivi pueri sapientis-
sima discretione patefecit, ita ut non solum credere
summo Deo videretur, sed in omni orbe Deum Da-
nielis Deum verum esse prædicaret, et non solum
hunc ipsum negavit posthæc, sed et in tantam rursus
insaniam devolutus est, ut servos Dei qui non ad-
orarent imaginem suam in fornacem præcipitaret

C ignis ardentis, et tamen ne ibi quidem curæ et re-
medii ejus oblivia scit divina miseratione, sed in ipso,
ut diximus, ignis medio, ubi flammis tradiderat pue-
ros Deum colentes, etiam ibi eum non terroribus,
sed mirabilibus mitigat, potuerat enim et ignem re-
stinguere, et imberes coelitus inundare, sed hoc non
facit ne plus accendat insaniam, sed permittit in-
stantum exaggerari flammam, quantum furentis de-
siderabat immanitas, et non solum inferri poenas non
prohibet, sed illatis potestatem perimit cruciandi, et
ne quis videns non uripueros, putaret phantasma esse
flamas, permisit exuri poenarum ministros, eos
scilicet qui circa fornacem stabant, ut ostenderet
quia vere ignis erat, qui videbatur; sed erat præ-
ceptum Domini ignis virtute validius, omne enim quod
est, necessario simulatur ei a quo ut esset accepit
originem, suscipit ignis ergo ille corpora sanctorum,
et præcepto ac voluntate Dei naturæ qua urit obli-
tus, solani ejus partem qua illuminat operatus est,
ita ut sanctos ac fidèles depositos non corruptos
redderet, sed illustratos; processerunt enim de for-
nace ignis tanquam de aula regali mirandi omnibus
et omnibus venerandi; tunc nullus oculus suos ad re-
gem convertit, purpura et diademate resurgentem,
sed relictus est a cunctis tanquam si non esset, quia
omnium in se mirabiles pueri rapuere conspectus:
quis enim non ista stuperet ad corpora juvenum pa-
visse flamas et non solum viscera refugisse sancto-
rum, verum etiam ne capitum quidem comam, quod

est omnium fragilius, aut summam saltem vestimenti simbriam præstrinxisse? quis non miretur in eis membra montibus, vestimenta metallis, capillos adamante fortiores? sed in eo admirationis cumulus crescit, quod in medio flammarum positi, hymnum Deo canebant, cum utique notum sit eos qui flammis traduntur, statim ut os aperuerint consumi, et illi quidem beati pueri manent apud Deum gloriosi et apud homines mirabiles, rex vero impius, nec mirabilibus movetur, nec visionis et confusionis suæ sacramenta miratur, sed permanet incredulus, nec tamen punitur, neque enim vincitur in eo patientia Dei, sed tempore plurimo sustentatum, vix aliquando corripuit, non præterita puniens, sed emendationem prospiciens in futuris, denique non in perpetuum damnatur, sed parvo tempore corruptus, annis paucissimis emendatus ad priorem rursus reducitur statum, ita ut damni nihil pateretur ex poena, lucri autem plurimum ex emendatione conquerireret. Talis, mihi crede, et talis est erga homines pietas Dei, nunquam spernit pœnitentiam, si ei sincere et fideliter offertur, etiamsi ad summum quis perveniat malorum, et inde tamen vellet reverti ad virtutis viam, suscipit libenter et amplectitur, facit omnia quatenus eum ad priorem revocet statum; quodque est adhuc præstantius et eminentius, etiamsi non potuerit quis explere omnem satisfaciendi ordinem, quantumcunque tamen et quamlibet brevis temporis gestam non respuit pœnitentiam, suscipit etiam ipsam, nec patiatur quamvis exiguae conversionis perire mercedem.

CAP. VII. — *De Isaia.*

Hoc enim mihi indicare videtur Isaia, ubi de populo Iudeorum talia quedam dicit: « Propter peccatum modicum contristavi eum, et percussi eum, et averti faciem meam ab eo, et contristatus est, et ambulavit tristis coram me, ego vidi et sanavi eum, et consolatus sum eum (*Isa. LVII, 18.*) ». Evidentius nobis testimonium dabit etiam rex ille impius, qui cupiditatis quidem suæ prædam uxoris nequitia quæsivit, sed et perturbatus ipsius sceleris immanitate pœnituit, et cilio circumdatuſ facinus suum flevit, atque ita erga se Dei misericordiam provocavit, ut cunctis eum absolveret malis, sic enim ait: « Et dixit ad Eliam: Vidisti quomodo compunctus est Achab a facie mea, et quia flevit in conspectu meo, non inducam mala in diebus ejus (*III Reg. XXI, 29.*) ». Sed et post hunc iterum Manasses qui omnes tyrannos immanitate scelerum superaverat, qui cultum divine religionis et observantium legis everterat, qui templum Dei idolis repleverat colesti cultu evacuatum, hic ergo impietate scelerum supergrediens omnem malitiam, tamen, quia pœnituit, inter amicos Dei postmodum numeratus est. Quod si vel hi vel illi, quos supra memoravimus, considerantes immensitatem scelerum suorum, conversionis et pœnitentiae redditum desperassent, ab omnibus utique bonis, quæ eos ex emendatione prosecuta sunt, procul dubio decidissent, quinquo respicieentes ad ineffabilem miseratio-

A nes Dei, et immensæ bonitatis ejus profundum quidem diabolica a cervicibus suis desperationis vincula solverunt, suscitantes vero semetipsos conversi sunt ad virtutis viam, et revocantes a præcipitu pedem suorum cursum rursum consummaverunt bonum.

CAP. VIII. — *De sententiis propheticis et exemplis evangelicis de conversione peccatorum.*

Hæc quidem de exemplis sunt nobis dicta sanctorum, audi nunc quomodo etiam sermonibus prophetas ad conversionem invitamus a Domino: « Hodie, inquit, si audieritis vocem ejus, nolite obdurare corda vestra (*Psal. XCIV, 8.*) », quod autem dicit hodie, omne tempus, quo vivimus indicat, etiam usque ad ultimam, si res ita accidit, senectutem. Non enim temporis longitudine, sed affectus sinceritate pœnitudo pensatur. Aut non legimus levitas peccatum illud gravissimum in deserto non temporis longitudine, sed unius diei hora exigua diluisse? sed et latro ille qui pendebat in cruce, non eguit prolixitate temporis ut ingressum paradisi mereretur, sed tantum ei spatii sufficit quantum expendi potuit, donec unum possit proferre sermonem, ita ut intra momentum temporis totius vita sceleribus absolutus, procedere ad paradisum etiam Apostolos mereretur. Quid autem et martyres? nonne frequenter una die, interdum vero et sub unius horæ spatio coronas sumpsere ingentium præmiorum? Et ideo audendum est tantummodo, et promptis atque incitatis animis aggrediendum, et

C quadam velut indignatione permoti irascamur adversum deceptatricem nostram libidinem, et affectum atque amorem nostrum convertamus ad virtutem Dei, hoc est enim quod et poscit a nobis Deus, non querit temporum longitudinem, nec afflictionem crucis, ad hoc præcipue respicit, si vera sit et sincera conversio, ideo denique vidimus aliquoties nonnullos cœpisse postremos et factos esse meritos priores, non ergo cecidisse ita malum est, ut post lapsum jacere et nolle consurgere, et cum quadam voluntate ac resolutione peccare, desperationisque sermonibus mali propositi vitium tegere, contra hos enim propheta cum quadam indignatione proclamabat dicens: « Nunquid qui cadit non resurget, aut qui aversus est, non convertetur (*Jer. VIII, 4.*)? », quod si dicas, quererit si aliquis fidelium cecidit et potuit reparari, audi, et hoc de ipso quod dicimus « cecidit, » stetisse eum, antequam caderet, profitemur. Nemo enim cecidisse dicit eum qui semper jacuit, et nunquam stetit, proferamus tamen etiam ex Scripturis divinis, si qua super hoc vel in parabolis vel per apertas sententias sunt, si quæ etiam in majorum continentur exemplis. Quid ubi videtur aliud continere ovis illa, quæ cum a nonaginta novem ovibus aberrasset, requisita postmodum ac pastoris humeris reportata, nonne aperte et lapsum et reparationem fidelis ostendit, ovis enim est et ipsa, sicut et illæ nonaginta novem, et non alterius, sed unius, ejusdemque gregis, et unius

eiusdemque pastoris, ejusdem namque pascuis prius, quibus et illæ cæteræ, eisdem poulis, eisdemque cubilibus utebatur, sed erravit, et errore non minimo, per montes enim et colles evagata est, longe scilicet et difficilibus circumacta erroris anfractibus, nec tamen reliquit illam pastor bonus consumi in erroribus suis, sed requirit et revocat, revocat autem non violenter perurgens nec verberibus cogens, sed humeris propriis subvectans; sicut enim optimi quique medicorum erga eos quos viderint tabe longæ ægritudinis afflictos in nonnullis rigorem temperant medicinæ et delicatius ac tenerius agunt cum eis, ita et Deus eos, quos videt vehementius peccatis esse corruptos, non districta satis et ardua observantia intentione revocat ad viam virtutis, sed sensim et paulatim, ita ut in quamplurimis sustentet, in plurimis sublevet, ne dura eis et ardua videatur repentina conversio, et non tam peccandi amore retracti residere videantur in erroribus, quam conversionis asperitate deterriti, sed non hæc sola pars pari moderatione nobis conversionis modum ostendit, verum et illa, quæ de luxuriosi filii reditu scribitur, et ille enim filius erat, non erat extraneus, germanus erat ejus qui nunquam a patre discesserat, filius ergo est, qui ad ultimos malorum fines dicitur pervenisse, abierat enim in regionem longinquam, et longe satis a Deo effectus, qui fuerat dives et nobilis, deterior servo et mercenario factus est, sed tamen regressus et poenitens in antiquum recipitur statum, et in priorem gloriam reparatur; quod si desperasset, et erubuissest pro his, quæ acciderant ei, reverti ad patrem, sed mansisset in regione longinqua et aliena, non utique adeptus esset ea quæ adeptus est, sed fame periturus infelissimam mortem subiisset. Vides ergo quanta est utilitas poenitentiae, quanta sit conversionis spes per poenitentiam, filius prodigus recipit prioris gloriae statum, quem senior frater habebat per patientiam, etsi audere in talibus fas est, videtur mihi quod ex conversione hic etiam amplius aliquid meruit; vide enim quomodo senior frater dicit: « Ecce tot annis servio tibi, et nunquam dedisti mihi hædum, ut cum amicis meis epularer, cum autem venit filius tuus hic qui comedit substantiam tuam cum merostricibus, jugulasti et vitulum saginatum (*Luc. xv.*, 29); » quomodo ergo non amplius consecutus videatur, qui per poenitentiam rediit, cum ille hædum nunquam accepert, vitulus huic occisus sit saginatus. Hæc igitur, charissimi, habentes exempla poenitentiae, non perseveremus in malis, nec desperemus reconciliationem, sed dicamus: nos etiam redeamus ad patrem, et approximemus nos Deo, nunquam, mihi crede, aversabitur conversos ad se, nos sumus, qui nosmetipsos longe effecimus a Deo; ipse enim dicit: « Deus approximans ego sum, et non Deus de longe, et iterum per eundem prophetam, « peccata, inquit, separant me et vos, si ergo peccata sunt quæ nos separant a Deo, auferamus medium istud obstaculum, et nihil est

A quod nos prohibeat corjungi Deo. Vis tibi ostendam hæc non solum in parabolis dicta sed et rebus impletæ? Apud Corinthios erat quidam vir, ut videtur, non ignobilis, hic commiserat tale peccatum, quale nec inter gentes quidem admitti solet, et erat hic ex numero filiorum et familiarum Dei, quidam enim eum ex sacerdotali ordine fuisse tradunt. Quid ergo? nunquid excidit eum Paulus de numero eorum qui spem gerunt salutis? quinimo posteaquam sufficienter Corinthios arguit pro eo, volens rursus ostendere quia nullum vulnus est, nulla ægritudo quæ non cedat, et sanetur medicamento poenitentiae, jubet eum tradi Satane in interitum carnis ut spiritus salvus sit in die Domini nostri Jesu Christi, sed hæc jubet antequam de poenitentia ejus aguoscet; B ubi ergo poenituit: « Sufficit, inquit, ei increpatio hæc quæ sit a pluribus; » et addit: « Obsecro vos, confirmate in eum charitatem, ne possideatur a Satana; non enim ignoramus astutias ejus (*II Cor. ii.*, 8). » Quid ergo aliud per hæc omnia docetur, nisi quia possibile sit ut etiam si in ultimam peccatorum perniciem corruerit, rursus possit in eo Christus per poenitentiam reformari: « Non enim vult mortem peccatoris, sed ut convertatur et vivat (*Ezech. xxxiii.*, 11); » nec ullo modo audiendi sunt illi, qui dicunt quod fidèles post lapsum peccati, et maxime ipsi qui in gradu ecclesiastico sunt promoti, non possint in pristinum statum ex integro restituī, de quo quid sanctus papa Gregorius senserit atque amico interroganti responderit, ad confirmationem sensus nostri, hoc in loco interponendum censeo, qui in epistola quam ad Secundinum servum Dei inclusum conscripsit inter alia sic ait: Nam tua sanctitas inde a nobis requisivit, ut tibi rescriberem, de sacerdotali officio, post lapsum resurgendi, dum dicis de hoc canones diversos te legisse, diversasque sententias, alias resurgendi, alias nequam posse. Nam nos generaliter a Nicæna incipientes, hanc cum reliquis quatuor veneramur, quia ipsam sequentes cæteræ in cunctis sententiis unanimes concordant, nos ergo et præcedentes Patres sequimur, quia auctore Deo a sacra doctrina illorum non discordamus. A capite itaque incipientes usque in quartum altaris ministerium hanc formam servandam cognoscimus, ut quia minorem major præcedit, sicut honore est major, ita sit in criminis, et quem major sequitur culpa, major ei implicetur vindicta, et sic postea poenitentia credatur esse fructuosa: quid enim prodest triticum seminare, et fructum illius non colligere, aut domum construere, et non illic habitare? post dignam enim satisfactionem credimus posse redire a honorem, propheta dicente: « Nunquid qui cadit non adjiciet ut resurget: et qui aversus est, non revertetur? » (*Isa. xxiv.*, 20.) Idem et peccatori ait: « In quacunque die conversus ingemueris, tunc salvus eris (*Ezech. xxxiii.*, 12); » unde et Psalmista ait: « Cor mundum crea in me, Deus, et spiritum rectum innova in visceribus meis: ne projicias me a facie tua, et

Spiritum sanctum tuum ne auferas a me (*Psal. L*, 12). » Dum enim petit ne a Deo projiceretur, pro lapsi culpa, alienam rex et propheta simul rapiisse uxorem tremefactus expavit, propheta indicante flagitium suum, poenitentiam agens addidit : « Redde mihi letitiam salutaris tui, et spiritu principaliter confirmata me (*Psal. L*, 14), » si enim ipse dignam Deo poenitentiam non fecisset, nequaquam aliis praedicaret ; ait enim : « Doceam iniquos vias tuas et impii ad te convertentur (*Psal. L*, 15) ; » dum enim peccata sua prospexit propheta mundata per poenitentiam, non dubitavit praedicando castigare aliena, et sic sacrificium de semetipso offerre studuit, cum dicebat : « Sacrificium Deo spiritus contribulatus (*Ibid.*, v. 19). » Ad hæc ista suffecerant, sed omnis sententia quo plus sacris Scripturarum testimonii confirmatur, facilius creditur ; de hoc enim propheta dicit : « Nolo mortem peccatoris, sed ut convertatur et vivat ; » de hoc peccantibus dicitur : « Peccator in quacunque die conversus ingemuerit, omnes iniquitates ejus in oblivionem tradentur ; » si enim Redemptor noster, qui peccatores non perdere sed justificare venit in obliuione peccantium delicta derelinquit, quis hominum condemnanda reservet ? cum Apostolus dicat : « Si Deus justificat, quis est qui condemnet ? » Ad fontem misericordiae recurrentes evangelicam proferamus sententiam : « Gaudebo, inquit, super uno peccatore poenitentiam agente quam super nonaginta novem justis qui non indigent poenitentia (*Matth. xviii*, 13) ; » et ovem perditam, nonaginta novem non errantibus relictis, in humero ad ovile reportavit : si ovis errans post inventionem ad ovile humero reportatur, cur post poenam ad Ecclesiæ ministerium minister non revocetur ? Quid est ergo gravius carnale delictum admittere, sine quo non multi, sed pauci inveniuntur, aut Dei Filium timendo negare ? In quo peccato ipsum beatum principem apostolorum Petrum, ad cuius nunc corpus indigni sedemus, lapsum esse cognoscimus, sed post negationem poenitentia secuta est, et post poenitentiam misericordia data, quia illum ab apostolatu non dejecit, qui ante seipsum negare prædictit. Convertamur ergo, o amicissimi mihi, et redeamus ad voluntatem Dei implendam, propterea enim creavit nos Deus et esse fecit, qui non eramus, ut æterna nobis conferat bona, et præstet regna cœlorum, non nos ad hoc fecit, ut gehennæ nos tradat, ignique perpetuo, regnum cœlorum propter nos, gehenna propter diabolum facta est, et hoc ita esse ex Evangelii doctrina, ipse enim Dominus dicit his qui a dextris ejus sunt : « Venite, benedicti Patris mei, percipite regnum quod vobis paratum est ab origine mundi (*Matth. xxv*, 34) ; illis autem qui a sinistris ejus sunt, dicit : « Discedite a me, maledicti, in ignem æternum, qui præparatus est diabolo et angelis ejus (*Ibid.*, 41), » non dixit, vobis, sed diabolo ; si eam propter diabolum gehenna ignis, propter hominem regnum cœlorum a constitutione mundi præ-

D paratum est, tantum ne nosmetipsos a ingressu bonorum persistendo in malis pertinaciter exclusimus, donec enim sumus in hac vita, quantacunque nobis acciderint peccata, possibile est ablui omnia per poenitentiam, cum autem abducti fuerimus de sæculo hoc, jam etiamsi poenitebit nos, valde eam poenitebit, sed nulla erit utilitas poenitentiae, et licet stridor dentium sit, licet ululatus et fletus, licet fundamus preces, et innumeris obsecrationibus proclamemus, nemo audiet, nemo subveniet, sed ne extremo quidem digito aquam quis infundet linguæ nostræ posite in flammis, sed audiemus illud quod dives ille audivit ab Abraham, quia chaos magnum confirmatum est inter nos et vos, et neque hinc illuc transire [*Forte, transiri*] potest, neque inde luc.

CAP. IX. — *De tempore penitentiae fructuosa.*

Proinde oportet nos intentius considerare ac sollicitius tractare quod tempus acquirendi vitam æternam in ista tantum vita Deus hominibus dedit, ubi voluit etiam esse poenitentiam fructuosam, id est autem hic poenitentia fructuosa est, quia potest hic homo, deposita malitia, bene vivere et mutata voluntate merita simul operaque mutare, et in timore Dei ea gerere quæ placeant Deo ; quod qui in hac vita non fecerit, habebit quidem poenitentiam in latro sæculo de malis suis, sed indulgentiam in conspectu Dei non inveniet, quia etsi erit ibi summa poenitutinis, nulla ibi erit correctio voluntatis, at libilis enim ita culpabit iniquitas sua, ut nullatenus ab eis possit vel diligi vel desiderari justitia, voluntas enim eorum talis erit, ut habeat in se semper malignitatis suæ supplicium, nunquam lamen recipere possit bonitatis affectum, quia sicut illi, qui cum Christo regnabunt, nullas in se male voluntatis reliquias habebunt, ita illi qui erunt suppicio ignis æterni cum diabolo et angelis ejus deputati, sicut nullam ulterius habebunt requiem, sic horam nullatenus habere potuerunt voluntatem, et sicut cohæredibus Christi dabatur perfectio gratiae ad æternam gloriam, sic consortibus diaboli, communabit ipsa malignitas poenam, quando exterioribus deputati tenebris, nullo illustrabuntur interiori lumine veritatis. Proinde omni homini in hac vita esse potest utilis poenitentia, quam quocunque tempore homo egerit, quamlibet iniquus, quamlibet accessus, si toto corde renuntiaverit peccatis præteritis, et pro iis in conspectu Dei, non solum corporis, sed etiam cordis lacrymas fuderit, et malorum operum maculas bonis operibus diluere curaverit, omnium peccatorum indulgentiam mox habebit, hoc enim nobis Dominus prophetico promittit eloquio dicens : « Si conversus fueris et ingemueris, salves eris (*Ezech. xxxiii*, 12) ; » et alio loco dicitur : « Filii, peccasti, ne adjicias iterum (*Eccli. xi*, 4), » sed et de præteritis deprecare, ut tibi dimittantur, nonquam peccanti esset indicta pro peccatis deprecatio, si deprecanti non esset remissio concedenda, sed etiam

pœnitentia peccatori tunc prodest, si cam in Ecclesia catholica gerat, cui Deus in persona beati Petri ligandi solvendique tribuit potestatem, dicens : « Quæ alligaveris super terram, erunt ligata et in cœlis : et quæ solveris super terram, erunt soluta et in cœlis (*Math. xviii, 18*). » In quacunque igitur homo ætate veram peccatorum suorum pœnitentiam egerit, et vitam suam Deo illuminante correxerit, non privabitur indulgentiæ munere, quia Deus, sicut per Prophetam dicit, non vult mortem morientis, quantum ut revertatur a via sua mala, et vivat anima ejus (*Ezech. xxxiiii, 11*). Verumtamen nullus hominum debet sub misericordia Dei in suis diutius remanere peccatis, cum etiam in ipso corpore nemo velit sub spe futuræ salutis diutius ægrotare, tales enim qui ab iniquitatibus suis recedere negligunt, et sibi de Deo indulgentiam repromittunt, nonnunquam ita præveniuntur repente Dei furore, ut nec conversionis tempus, nec beneficium remissionis inveniant. Ideo unumquemque vestrum sancta Scriptura benigne præmonet dicens : « Ne tardaveris converti ad Dominum, et ne differas de die in diem. Subito enim veniet ira ejus, et in tempore vindictæ disperdet te (*Ecli. v, 8*). » Dicit etiani beatus David : « Hodie si vocem ejus audieritis, nolite obdurare corda vestra (*Psal. xcvi, 8*), » cui beatus quoque Paulus concordat his verbis : « Videte, fratres, ne forte sit in aliquo vestrum cor malum incredulitatis discedendi a Deo vivo, sed adhortamini vosmetipos per singulos dies, donec hodie cognominatur, ut non obduretur quis ex vobis fallacia peccati. » Obdurato igitur corde vivit, sive qui convertitur desperans de indulgentia peccatorum, sive qui sic misericordiam Dei sperat, ut usque in finem vitæ præsentis in suorum criminum perversitate remaneat. Proinde diligentes misericordiam Dei metuentesque justitiam, nec de remissione peccatorum desperemus, nec remaneamus in peccatis, scientes quia illa omnium hominum debita sit exactura æquitas justissimi judicis, quæ non dimiserit misericordia clementissimi Redemptoris; sicut enim misericordia suscipit, absolvitque conversos, ita justitia repellit et puniet obduratos, hi sunt qui peccantes in Spiritum sanctum, neque in hoc sæculo neque in futuro remissionem accipient peccatum.

CAP. X. — Comparatio gehennæ ad luxum præsentis vitæ

Hæc recordare, mi amice, et illum gehennæ ignem his quæ te nunc exagitant flammis libidinis et cupiditatis oppone, est enim hoc mirabile quoddam medicamenti genus, ut ignes ignibus extinguantur ; si enim restinctæ non fuerint libidines istæ quæ te nunc exagitant, illos tibi æternos ignes aciores et inextinguibiles reddent. Quanto putas tempore permanere tibi posse præsentis vitæ delicias ? ut ego quidem reor, nec quinquaginta jam tibi anni superesse usque ad extremum possunt, quamvis sis lon-

gissima senectute, sed hoc tempore isto, vide quanta intervenire possunt. Primo quod nemo, etiamsi usque ad vesperum perveniat, certus est, deinde quod mobilis semper humanarum rerum status est, frequenter enim vita quidem longum tempus producitur, nec tamen facultates ac divitiæ ei fideliter permanent, sed saepe accidit ut prius quis opibus quam vita deficiat ; verumtamen concedamus tibi vivere te posse annos multos, et nullam permutationem temporum pati, et quantum, quæso, illud spatiæ ad æterna supplicia ? quantum hoc voluntatis [*Forte leg. voluntatis*] est, ad illas execrables et intolerabiles pœnas ? nam et in hac quidem vita, sive bona, sive mala, terminum suum norunt, eumque velociter sortiuntur, in futuro autem sæculo utraque immortalibus spatiis protenduntur. Adde et illud quod etiam pœnae ipsius longe alia et diversa conditio est, ignis enim hic qui in præsenti vita est, absunt cuncta quæ recipit, ille vero quos receperat semper cruciatur, et pœnae suæ semper integros servat, propterea enim et inextinguibilis dicitur, non solum quia ipse non extinguitur, sed quia nec eos quos suscepit extinguit aut perimit, non ergo putemus quia suppliciorum nimetas ipsa donabit finem dolorum, sed, ut diximus, peccata quidem pœnas accidunt, incorruptio vero animæ et corporis numerum suppliciis terminum dabit. Dic ergo nunc quanta tempora luxuriæ, quæ deliciarum spatia comparare vis talibus pœnis ? centum placet annos deliciis dare, adde et alios centum, si libet decies centum adde, et quæ erit ex his ad æternitatem comparatio ? nonne omne tempus vitæ hujus, quo deliciis perfrui videtur et indulgere libidini, quasi unius noctis somnum, ad æternitatis comparationem videtur esse ? Si est ergo aliquis, qui ut una nocte delectabile videat somnum, æternas subire eligat pœnas, et illa pro his recipere vel pro illis ista mutare : nondum descendit ad vituperationem deliciarum, neque amaritudinem quæ in eis est nunc aperio, quia nec hujusmodi orationi hoc tempus est, sed tunc cum forte ab his effugere potueris, nunc enim cum in iis passibiliter tenearis, delirare nos credis, si dona libidinis, quæ grata omnibus videntur et jucunda, aspera asseramus et amara ; si vero per misericordiam Dei evadere ex hujuscemodi ægritudine quiveris, tunc quid amaritudinis, imo vero quid veneni habuerit libido deprehendes

CAP. XI. — De non tardando converti ad Deum.

Quid differimus ? quid moramur ? et divina largitione non utimur ? Dei enim ineffabilis et immensa bonitas etiam hoc providit, ut laborum quidem tempus et agonis non extenderet, ne longum ficeret, aut æternum, sed breve, et ut ita dicam momentum quoddam horæ unius, hoc enim est præsens hæc vita, si ad illam conseratur æternam ; providit ergo bonitas Dei, ut in hac brevi et exigua vita agonies essent et labores, in illa vero quæ æterna est, corona et præmia meritorum, ut labores quidem

cito finirentur, meritorum vero præmia sine fine durarent; sed hoc sicut laetificat eos qui per laborum patientiam coronantur, ita affligit illos et cruciat in futuro, qui vident se pro parvo et exiguo deliciarum tempore perdidisse quidem bona æterna, mala vero quæsisse perpetua. Ne ergo etiam nos in istum veniamus animæ cruciatum, expurgiscamus aliquando dum tempus habemus, et ecce nunc tempus acceptum, nunc dies salutis, nunc est pœnitendi facultas et tempus, quo et fructus consequitur pœnitentiae; verum non hæc sola quæ diximus manent nos mala, quæ in gehenna perferimus, si negligamus vitam nostram, sed est multo malum his gravius, excludi enim a bonis æternis et alienum effici ab his quæ præparata sunt sanctis, tantum generat cruciatum, tantum dolorem, ut etiamsi nulla extrinsecus poena torqueret, hæc sola sufficeret, illa poena omnes gehennæ superat eruciatus, carere bonis quibus in potestate perfriui habueris.

CAP. XII. — *De statu futurae vita.*

Considera enim, quæso, statum vitæ illius, in quantum tibi considerare possibile est, ut enim vere est, comprehendere nullus sermo sufficiet, sed quantum possumus ex his quæ legimus et per ænigmata accipimus tenuem quamdam opinionem de ea capiamus et dicitur de ea quodam loco, quod auspiciet ibi dolor et tristitia et gemitus, quid hac vita beatius? ubi non est paupertatis metus, non ægritudo, nemo ledit injuste aut laeditur, nemo irascitur, nemo invidet, nulla cupiditas exardescit, nullum cibi desiderium, nulla honoris pulsat et potestatis ambitio, sed omnis vitiorum labes deposita et pœnitus extincta est, pax cuncta continet et laetitia, tranquilla sunt omnia et quieta, jugis splendor non iste qui nunc est, sed tanto splendidior, tanto clarior quanto splendidior est sol lucerna; nulla nox ibi, nullæ tenebræ, nullus nubium turbo, nulla frigoris, nulla ardoris asperitas, sed talis quedam erit rerum temperies, quam scient illi soli qui ea digni fuerint perfriui: non est senectus ibi, nec senectutis miseria, sed omne quidquid corruptionis est exsolvat [Forte, exsulat], et gloria incorruptionis cuncta circumdat, verum super hæc omnia est sociari consortiis angelorum et archangelorum, omniumque cœlestium supernarumque virtutum contuberniis perfriui, ultra omnem vero hanc hujusmodi est, gloriam ipsius Domini nostri Jesu Christi ineffabiliter adipisci conspectu et majestatis ejus inenarrabili splendore radiari.

CAP. XIII. — *De splendore gloriae Christi.*

Conferamus oculos ad monte illum in quo transformatus est Christus et intueamur splendorem illum quo tunc in transformatione resplenduit, nec sic quidem inveniemus cunctam nobis futuri sæculi gloria patefactam, illa enim transformatio patefacta est, non, in quantum honorum futurorum veritas habet, sed quantum ferre oculi poterant intuentium, sic enim et Evangelium dicit, quia resplen-

dit sicut sol (*Matth. xvii, 2*), incorruptorum autem gloria corporum non hoc tantum splendoris emitet, quantum ex ista corruptibili luce procedit, nec tam lucem qualem nunc mortales oculi capere possunt, sed tantus erit futuræ lucis splendor, quantum corporeus ferre non potest aspectus, cum tamen illum tulerit qui in montis formatione [Forte, transformatione] resplenduit; unde ostenditur quia tantum revelatum sit, quantum ferre oculi mortalium poterant, nec tamen toleraverunt ex integro, sed ceciderunt, inquit, in faciem super terram. Quid ergo, dic mihi, omnium bonorum horum expertes nosmetipsos faciemus, et alios, uti ne parvum aliquem suscipiamus laborem, et exiguo tempore libidinis illecebras refutemus? Si enim quotidie opereret nos tormenta perfirre, si ipsam gehennam parvo tempore tolerare, ut Christum videre possumus in gloria venientem et sanctorum ejus numeri sociari, nonne esset [erat] dignum pati omnem quod triste est, modo ut tanti boni tantæque gloriæ participes haberemur? Audi quid dicit beatus Petrus: Bonum est nos hic esse (*Matth. xvii, 4*), quod si ille tenuem quamdam futuræ gloriæ imaginem videns omnia subito projectit ex animo, dulcedine visionis quam perspexit innexus, quid dicet aliquis, si ipsam rerum faciem ut se habet veritas contempletur? tunc scilicet, cum cœlestis aula pandet et regem coeli non jam per speculum et in ænigmate, sed facie ad faciem revelaverit, non tam per ades sed per speciem contuendum. Nonnulli imperitos putant sibi satis esse et optabile videri, si gehenna tantummodo careant, ego autem multo graviores quam gehennæ dico esse cruciatus removeri et abjici ab illa gloria, nec puto tam acerba esse gehennæ supplicia, ut sunt illa quibus torquetur is qui arcetur a conspectibus Christi, hoc, crede mihi, per nis omnibus gravius est.

CAP. XIV. — *De adventu futuri Iudicis testimonio prophetica, et terrore Iudicij.*

Hunc autem regem quem diximus non putes quadriges mularum aut curribus aureis vectum, vel ornatum purpura, aut per terribilem potestatem diadematis adfuturum cum ad judicandum veneri orbem terrarum. Sed audi quomodo nunc prophetis nuntiantibus annuntiari omnibus fas fecit ut praedictetur ejus adventus: ait ergo quidam ex eis: Deus manifeste veniet, Deus noster et non silebit, ipsis in conspectu ejus ardebit, et in circuitu ejus processa validæ, et vocabit cœlum de sursum et terram, discernere populum suum (*Psal. xl ix, 3*). Alius vero, qui et pœnarum nobis species indicat Isaia, audi quomodo dicit: Ecce dies Domini veniet issibilis, dies furoris et iræ, ut ponat orbem terræ desertum et peccatores perdat ex eo, stellæ cœli, et Orion et omnis ornatus cœli lumen suum non dabit, et obscurabitur sol in ortu suo, et luna non dabit lumen suum, et mandabo universo orbis mala, et impiis peccata eorum, et perdam contumaciam

liam insiquorum, et injuriam superborum humiliabo, et erunt qui relicti fuerint pretiosiores magis quam aurum sine igne, et homo pretiosior erit magis quam lapis ex saphiro, cœlum enim quatietur, et terra movebitur a fundamentis suis propter furorem iræ Domini Sabaoth, in die qua supervenerit furor ejus (*Isa. xiii. 9.*) . Et iterum dicit : « Fenestræ cœli aperientur et movebuntur fundamenta terre, perturbatione perturbabitur terra, stupore stupebit terra, inclinatione inclinabitur terra et inclinata est, commotione commovebitur, sicut ebrius et crapulatus, excutietur sicut pomorum custodia, terra cadet, et non poterit insurgere, invaluit enim super eam iniqitas, et inducit Deus super ornatum cœli in excelso manum suam in die illa, et super regna terræ et congregationem ejus ponet in vinculis, et concludet eam in locum muuium (*Isa. xxiv. 18.*) . Cum ergo hæc agi cœperint, pendentur sine dubio cœli portæ, imo potius ipsum cœlum auferetur e medio tanquam si tabernaculi alicujus velamen colligitur, scilicet ut reparetur et transformetur in melius; tunc ergo omnia metus habebit, timor ac tremor amplebit universa; tunc etiam ipsos angelos formidine quassabit, et non solum angelos, sed et thronos et dominationes et principatus et potestates cœli, hoc enim indicatur in eo quod dicit : « Et virtutes cœli commovebuntur, conservi enim sunt eorum qui iudicandi sunt, et vitæ hujus posituri rationem. » Tu vero adde ad hæc omnia etiam suppliciorum dolores et non solum confusionem, neque solius dedecoris notam, sed et illam pone ante oculos viam, qua trahunt homines ad ignem, et qua trahuntur ad penas; cogita sævos illos et horrendos poenarum ministros, qui peccatores præcipitant ad supplicium, et hoc eo tempore quo alii qui bene egerunt a clarissimis angelis et placidissimis supportati ante regis æterni solium sublime coronis gloriae et immortalibus premiis inueniuntur, et hæc quidem propria erunt diei illius et judicii temporis.

CAP. XV. — De futuræ ritæ lætitia, et quod non sit ei comparanda presens tribulatio.

Quæ vero posthæc subsequentur quis sermo poterit explicare? quæ erit voluptas, quæ lætitia, esse cum Christo, ubi anima ad propriam generositatem regressa cum fiducia jam cœperit videre Dominum suum? Explicari non potest illius lætitiae magnitudo, non enim solum pro his exsultat quibus perfruit in præsenti, sed multo magis pro eo gaudet, quod bonorum suorum scit nullum finem futurum. Quæso ergo te, ne contemnamus tantam beatitudinem, neque negligamus pretiosum hunc thesaurum, qui intra nos est, maxime cum facilis nobis redditus esse possit et parvo labore reparari animæ decus; ubi enim spem futurorum conceperis, statim reddit anima ad pulchritudinem suam; ait enim Paulus apostolus: « Nam quod in præsenti est, momentaneum et leve tribulatiouis nostræ, supra modum immensum æternæ pondus gloriæ operatur in nobis

PATROL. CXII.

A non aspicientibus quæ videntur, sed quæ non videntur: quæ enim videntur, temporalia sunt; quæ autem non videntur, æterna sunt (*Il Cor. iv. 17.*) . Quod si tribulationes leves appellat Paulus et faciles, pro eo quod non ad hæc quæ videntur, sed ad illa quæ non videntur aspiciamus, quanto magis leve tibi erit et facile desinere ab impudicitiæ ponderibus fœdis? Neque enim nunc te ad illos labores invitamus aut pericula, aut ad illas tribulationes, aut ad quotidianas mortes, quas apostoli perferebant, vel ad persecutions illas, aut verbera, aut vincula, aut carcerae, aut ad totius mundi theatrum, aut famem, aut nuditatem, aut vigilias multas, aut pericula itinerum, naufragia maris, pericula latronum, pericula ex genere, pericula ex falsis fratribus, atque illa omnia quæ apostoli agones desudant; nihil horum nunc a te poscimus, sed illud tantum rogamus, ut, turpissima hac servitute derelicta, ad priorem redreas libertatem, considerans pœnam quæ subsequitur luxuriam, et gloriam quæ virtutibus reposita est. Nam si quidem qui resurrectionem futuram non credunt, si vitam suam negligunt, et nullum futuri judicii concipiunt metum, nullam compunctionem cordis sui habent, nihil mirum est; nos vero, qui multo certius intuemur futura quam præsentia, et tam infeliciter agere et tam misere et nullam recordationem capere judicii, sed in ultimum decidere contemptum, extrema dementia est, nec potest aliiquid huic malo conferri, si credentes non creditibus similes simus: quinimo in illis non pauci reperti sunt, qui in hac vita animæ virtutibus floruerunt. Et quæ nobis erit excusatio, quid solatii, si in die judicii isti nobis producantur ad exemplum, cum præterea videmus nounulos negotiorum incidisse naufragia, et universam perdidisse substantiam, nec tamen pro hoc dejectos esse, et resedisse, sed rursus aggressos eamdem viam atque eadem exercitia reparasse, et illi quidem damna hæc non desidia anini, sed ventorum violentia pertulerunt. Nos qui certi sumus de fine rerum et manifeste novimus quia, si volumus, neque naufragia animæ, neque damna poterimus incurrire, quomodo non arripimus deuuo priora exercitia, et negotia quæ negligenter amisimus reparamus? sed jacobimus resupini et desides et manus otiosas applicabimus ad pectus, et utinam otiosas et non operantes in perniciem nostram, quod est utique evidentius insanæ, velut si quis verbi gratia istorum adversario [*Forte adversarii*] in suum caput manus convertat, et suam cervicem cœdens, repulit nos diabolus et elisit; oportet itaque resurgere, et rursus stare contra eum, nam si senel dejectus non solum non vis a terra resurgere, sed et teipsum præcipitio dare, hoc est juvisse adversario et partibus ejus favisse.

CAP. XVI. — De lapsu David et pœnitentia ejus.

Nam et beatus David, de quo aliqua iam supra commemoravimus, cecidit forte eodem casu quo et tu nunc, et non solum hoc, sed et aliud addidit

gruvius, nomicidium enim adjonxit adulterio. Et A quide in post hæc nunquid permansit jacens? nonne resurrexit, et iterum stetit contra inimicum, et ita eum subegit, ut etiam post mortem merita ejus prouferint posteris suis? Nam Salomon cum immane illud admisisset scelus et dignus mille mortibus habereatur, propter David tamen concessurum se Dominus regnum ejus integrum dicit; ait enim: « Scindens scindam regnum de manibus tuis, et dabo illud servo tuo Hieroboam, verumtamen in diebus tuis non faciam propter David patrem tuum, sed de manibus filii tui accipiam illud (III Reg. xi, 11). » Sed Ezechias cum in pericula extrema venisset, quamvis et ipse esset justus, et tamen pro beato David dicit se Dominus ei auxilium delaturum; ait enim: « Protegam enim civitatem hanc et salvam faciam illam propter me, et propter David servum meum (IV Reg. xix, 34). » Vides quanta est virtus pœnitentiae, vides quantum meriti conversio reparavit. Quod si voluisset et ille hæc cogitare que tu nunc animo geris, et dicere quia impossibile est jam mibi propitium fieri Deum, « Honoravit enim me honore ingenti, et propheticam mili gloriam contulit, regnum etiam dedit, » de periculis quoque innumeris me eripuit, et quomodo potero, cuin post hæc tanta ejus beneficia deciderim et offendierim, atque in ultima flagitia devolutus sim, propitium rursus promereri Deum? si hæc cogitasset David, cum prioribus pariter et novissima perdidisset; non enim sola corporis vulnera, si negligantur, inferunt mortem, sed et animæ similiter, et jam nos tam stulti erimus, ut corpori quidem, si vulnus eveniat, adhibeamus continuo medicinam, in nullo vero animæ vulneribus medicemur: et quidem in vulneribus corporum sunt multa quæ omnino sanari non possunt, et tamen continuo non desperamus, sed in quantum fieri potest adhibemus diligentiam, etiamsi audiamus a medicis quia hujusmodi vulnus sanari [debet non] potest, insistimus tamen et obsecramus ut aliqua saltem solatia nobis medici et aliquid sustentationis exquirant; in animæ vero vulneribus, ubi nihil est insanabile, non enim anima necessitatē patitur naturæ, quasi aliena a nobis ejus passio sit, sic negligimus, sic desperamus, nihil ad animæ sollicitudinem revocamus, et ubi languoris natura dispensationem necessario generat, nos tamen, quasi spei aliquid conferat diligentia, non omittimus curram hic, ubi nulla est desperandi necessitas, quasi nulla sit sanitas, sic omissa cura pœnitus discedimus; millies enim si te ipsum desperes, nos te nunquam desperabimus, neque enim hoc ipsi agimus in quo alias reprehendimus, quamvis non sit idem, cum ipse de se quis desperet et cum alio desperatur. Qui enim alium desperat habet veniam, qui vero sicut ipsum desperavit nullam habet veniam, quia ille non est dominus mentis alterius, is vero propositi sui potestatem tenet: nos ergo non desperamus quod sit tibi redditus ad prioris vitæ statum et ad illas quas in te novimus animi virtutes.

CAP. XVII. — *De Ninivitarum pœnitentia*

Sed addimus adhuc etiam hoc quod Ninivæ audiebant prophetam ex definito dicentem, et comminatorem: « Adhuc tres dies, et Niniven destruetur (Jon. iii, 4). » Sed ne sic quidem animo considerunt, et hoc cum nec satis considerent posse exorare Deum ut contra responsa sua veniret, quæ videbant, non sub aliqua venia conditione suspensa, sed abrupta, sententia terminata, tamen ad pœnitentiam consugiunt, dicentes: « Quis scit si miserebitur Deus et deprecabitur Deus super malitia, quam locutus est ut ficeret (Amos v, 15)? » Quod si homines barbari et imperiti tantum habere potuerunt intellectum divinæ bonitatis, nonne mulio magis nos oportet qui in divinis litteris erudití sumus, et qui hæc ipsa exempla præcessisse non ignoramus multa, et alia ex divinis Scripturis similia vel in praesentiis vel in rebus gestis didicimus contineri? « Non enim, inquit Deus, consilia mea sicut consilia vestra, nec viæ meæ sicut viæ vestre; sed quantum distat cœlum a terra, tantum distant cogitationes meæ a cogitationibus vestris et consilia mea a consiliis vestris. » Tum præterea si nos famulos nostros qui nos fortasse offendernunt, cum proutant se esse meliores, recipimus, et ad priorem recovcamus locum, interdum vero etiam majorem eis post offensam ex reconciliatione fiduciam damus, nonne multo magis hoc nobis faciat Deus? nam si propterea nos fecisset ut puniret, bene desperasses et dubitares de salute tua, si vero propter bonitatem suam tantummodo nos fecit, ut æternis bonis ejus et muneribus fruamur, atque omnia quæ agit ab initio saeculi usque ad præsens tempus, propter ea agit et propter ea moveat, quæ ultra nobis desperandi, quæ ambigendi causa supererit? Sed ita vehementer, aīs, offendimus eam, ut nullus unquam hominum, propterea ergo maxime velocius et vehementius satisfacere oportet et perdititudinem gerere commissi, et cito recedere ab his actibus quibus offenditur Deus; neque enim rectas et ingenuas mentes ita offendit, quamvis gravissimæ injuria delicti, ut contemptus satisfaciendi; peccare namque humanum est, permanere autem in peccatis diabolicum est. Denique vide quomodo prophetam hoc arguat magis Deus quam illud: « et dixi, inquit: Posteaquam meretricata es, post hæc omnia convertere ad me, et non es conversa. » Et iterum alibi: « Et in his omnibus non est conversus inordinatus Judas, et adhuc manus excessa. » In aliis quoque postquam arguit delicta populi per prophetam, et emendationem suam promiserunt, ostendens quam amabiliter conversionem suscipit Deus peccatorum, dicit: « Quis dabit ita esse cor eorum ut timeant me, et custodiant mandata mea omniis diebus vitaे sua, ut bene eis fiat et filii eorum in saeculum (III Reg. viii, 40)? » Sed et Moyses docere populum volens quid Deus requirat ab hominibus, ita dicit: « Et nunc audi, Israel, quid Dominus poscit abs te, nisi ut timeas Dominum Deum tuum, et incedas in omnibus viis ejus, et diligas eum ex tota

corde tuo, et ex tota anima tua et omni mente tua (*Deut. xix, 9.*) . » Deus ergo quia cupit diligere a nobis et omnia facit pro hoc, et nec Unigenito suo parcit pro salute nostra et charitate, et qui optat, ut ita dicam, ut quocunque pacto et quandocunque reconciliemur ei, quomodo poenitentes nos et conversos ad se non libenter suscipiat, et amabit ut filios ? Nam quo prospectu putas illud quod dixit per prophetam, dic tu prius iniquitates tuas ut justificeris.

CAP. XVIII. — *De spe et fiducia in Dei bonitate ponenda.*

Age ergo jam aggrediamur iter vitæ, revertamur ad civitatem coelestem in qua conscripti sumus et cives decreti ; hujus nobis urbis januas desperatio quidem claudit, aperiet autem spes, et fiducia latum præbebit ingressum ; hæc si contemnimus non solum jam desidiæ culpam, sed et superbie incurrimus. Nam et diabolus non aliunde talis factus est, nisi quia primo post peccatum desperatione usus est, postea vero ex desperatione incidit in superbiam et elationem : sic ergo et anima si semel salutem suam cœperit desperare, jam nec intelligit quomodo vel in quæ mala præcipitetur, nihil enim aut agere aut dicere metuit quod contrarium saluti sit ; et sicut saepe videmus in his qui insaniunt, cum semel perdidissent sanitatis statum, nihil jam ultra metuant, nihil erubescunt, sed libenter omnia et dicere audent et facere. Si in ignem proruant, non declinant; etiamsi in præcipitum aut in profundum non revocant pedem. Ita et qui desperatione capti sunt irrevocabiles flunt, per omnes enim malitiæ vias discurrent : pudor nihil prohibet, metus nihil impedit, præsentia non metuant, futura non reformidant, sola mors est, quam evadere non possunt : propter quod deprecor priusquam vehementius inebrieris mali hujus veneno, exsurge, quæso, te expurgis aliquando, et diabolicam hanc depone molestiam. Quod si ad subitum non potes, paulatim et sensim recollege animos, quamvis, ut mihi videatur, facilior via sit omnia simul abrumpere et mali hujus retinacula pariter cuncta, atque ex integro ad exercitia converti poenitentiæ. Si autem tibi hoc difficile videtur, saltem sume initium aliquid, melioris vita et æternæ desiderium cape, et sic Domino opitulante ad majora et perfectiora condescendes. Primum ergo per humilitatem confessionis profer delicta tua coram Deo sacerdoti et sic poenitentiæ modicum ab eo indictum diligenter exsequere, nec revertaris ad priora vitia, sed semper per justitiae callem studeas pervenire ad virtutum arcem.

CAP. XIX. — *De confessione humili.*

Humilitatis testimonia sunt, et iniquitatem suam quemque cognoscere et cognitam voce confessionis aperire. Usitatum humani generis vitium est, et labendo peccatum committere, et commissum non confitendo prodere, sed negando defendere atque convictum defendendo multiplicare ; ex illo quippe lapsu primi hominis hæc augmenta nequitia duci-

A mus ex quo ipsam radicem traximus culpæ ; ad hoc primus homo requisitus fuerat, ut quæ transgre- diendo commiserat, confitendo deleret, et interro- gatus ubi esset, ut perpetratam culpam respiceret, et confitendo cognosceret quam longe a conditoris sui facie abasset. Indicia veræ confessionis sunt, si unusquisque cum se peccatorem dicit, id de se di- centi etiam alteri non contradicat; scriptum est : « Justus in principio accusator est sui (*Prov. xviii, 19.*) . » Non magis peccator sed justus videri appetit, cum peccatorem se quisquis nullo argenteo con- fitetur, confessionis veritate probatur, quod alter malum quod fecimus increpat, quod superbi defen- dimus, licet [liqueat] quia peccatores nos esse sicut dicebamus. Curandum summoperc est ut mala quæ fecimus et sponte fateamur, et haec aliis arguentibus non negemus, superbie quippe vitium est ut quod fateri quisque quasi sua sponte dignatur, hoc sibi dici ab aliis dedignetur pignus debitoris est ; confessio peccatoris, a debitore enim pignus accipitur, cum a peccatore jam peccati confessio tenetur.

CAP. XX. — *Quod nihil prosit se peccatorem dicere et nolle se emendare.*

Corrumputur autem poenitentia, si iisdem quis pro quibus confiteatur rursus involvatur malis : « Unus enim, inquit, ædificans, et unus destruens, quid con- sequitor nisi laborem ? Et qui baptizatur a mortuo et iterum contingit mortuum, quid proficit in lavaero priori ? sic et homo qui jejunat pro peccatis suis, et iterum vadit, et eadem agit, orationem ejus quis audiet (*Ecclesiasticus. xxxiv, 29.*) . » Et iterum dicit : Qui redit a Dei justitia ad peccatum, Dominus præcipitat eum in gla- dium, et sicut canis, cum revertitur ad vomitum suum, odibilis efficitur, ita et stultus cum revertitur ad pec- catum suum. Non ergo hoc solum sufficit si incusans temetipsum peccata tua videaris exponere, sed eo affectu hæc age, ut speres tibi in eo justificationis aliquid conserri per poenitentiam. Sic enim poteris animæ tuæ confitenti incutere verecundiam, ne ultra in hæc pro quibus confiteatur incurrit. Nam con- deuinare semetipsum et peccatorem dicere, commu- ne hoc est omnium, et hæc poenitentia est inside- lium ; denique multi de scena quoque viri et præ- cipue mulieres impudicæ peccatores semetipcos et sceleratos appellant, non eo prospectu hæc dicunt quo cupiant emendari, ideo non est dicenda ista confessio, non enim ex corde compuncto nec in amaritudine lacrymarum talia proferuntur, nec eo affectu quasi qui oderint ea quæ accusant, nec ultra non dicam agere hæc, sed ne audire quidem velint, sed tantum res in sermone est, et sermone summis et labiis non ex intimo dolore cordis producto, ita ut interdum etiam pro hoc ipso laudari exspectent, quasi qui nihil fal- lant ; sed licet contra semetipcos, tamen vera pro- nuntient, quasi ita grave apud homines appareat peccatum, cum ab eo perfertur qui admisit, ut cum ab alio arguitur ; sed istud faciunt hi, qui multa de- speratione etiam sensu doloris carent, nec hominum

jam verentur notam, sed cum fiducia quadam quasi aliena ita propria pronuntiant mala. Te autem nihil horum facere volo, neque desperatione ad confitendum venire, sed cum spe bona et presumptione indulgentiae, desperationis radice penitus excisa : radix est enim desperationis ignavia, non solum radix sed nutrix ejus et mater. Nam sicut vestis generat tineas et nutrit, ita et ignavia non solum gignit desperationem, sed et alit et foget, ex semet ipsis igitur animantur haec pariter et augescunt, et si alteram quis harum abscidat, altera sine dubio interitu perimetur alterius, etc.

CAP. XXI. — Qualiter sit poenitentia agenda.

Omnis peccator in poenitentia duplum habere gemitum debet, nimirum quia et bouum quod oportuit non fecit, et malum quod non oportuit fecit; cum ad bona opera non adjungimus, necesse est ut nosmetipsos dupliciter desleamus, qui et recta non fecimus et prava operati sumus. Per beatum Moysem unus turtur pro peccato, alter vero offerri in holocaustum jubetur, holocaustum namque totum incensum dicitur. Unum ergo torturem pro peccato offerimus, cum pro culpa gemitum damus; de altero holocaustum facimus, cum pro eo, quod bona negligimus, nosmetipsos funditus accidentes igne doloris ardemos. Beatus Job post flagella proficiens et a senetipso in magna redargutione dissentiens, dicit: « Idcirco ipse me reprehendo et ago poenitentiam in favilla et cinere (*Job. xlII, 6.*) ». In favilla enim et cinere poenitentiam agere est contemplata summa C essentia, nihil aliud quam favillam se cineremque cognoscere. In cilicio asperitas, et compunctione peccatorum, in cinere autem pulvis ostenditur mortuorum, et idcirco utrumque adhiberi ad poenitentiam solet, ut in compunctione ciliciori cognoscamus quid per culpam fecimus, et in flagello cineris perpendiculariter quid per judicium facti sumus; consideretur ergo in cinere per mortis sententiam subsequens juxta poenam vitiorum quae post peccatum carnis contumeliae surrexerunt; videat homo in asperitate ciliciori superbiendo quid fecit, videat in cinere usquequo peccando pervenit, quasi quodam cilicio peccator pungitur, dum in mente sua asperis redargutionum stimulis constringitur; in cinere autem agit poenitentiam, qui ex primo peccato quid per justum judicium factus sit solenter attendit; in tenebras diem vertimus cum nosmetipsos districte punientes ipsa delectationis pravae blandimenta per districta poenitentiae lamenta crucianus et flendo insequimur quidquid in corde taciti ex delectatione peccamus. Fidelis quisque dum cogitationes in judicio exquirit subtiliter, non ignorat semet introrsus discussiens, se ante judicium vehementer examinat, ut districtus Judex eo jam tranquillus veniat ad corpus quem discutere appetit, quo eum pro culpa puniunt cernit. Omnipotens Deus subtiliter acta nostra considerat, et tamen haec poenitentibus misericorditer relaxat, qui et duritiam peccantibus

A conspicit, sed tamen hanc præveniente gratia ad poenitentiam emolit. Culpas nostras Deus enumera, cum nos ipsos ad singula quae fecimus defenda convertit, quas misericorditer relaxat, quia ea dum nos punimus ipse nequaquam in extremo examine judicat, Paulo attestante, qui ait: « Si nos nosmetipsos dijudicaremus, non utique dijudicaremur. » Quod exterius agimus nisi poenitentia interveniente diluamus, in secreto judiciorum Dei sub quadam occultatione servatur, ut quandoque etiam de sigillo secreti exeat ad publicum judicium; cum vero pro malis quae fecimus disciplinae flagello attimerimur, et haec per poenitentiam deslemus, iniquitatem nostram signat et curat, quia nec inulta hic deserit, nec in judicio punienda servat, signat Deus delicta nostra quia hic ea subtiliter attendit, ut feriat; curat vero quia haec per flagellum funditus relaxat. Beatus Job humani generis assumens personam dicit: « Signasti quasi in sacculo delicta mea (*J. Cor. xi, 21.*) ». Peccata nostra quasi in sacculo signantur, cum mala quae fecimus, sollicito semper corde pensamus: quid namque est cor hominis, nisi sacculus Dei? ubi dan studiose conspicimus per quanta delinquimus, peccata nostra quasi in Dei sacculo signata portamus, quia culpas quas nos intuendo et poenitendo cognoscimus, plus nobis conditor relaxat: recte post signata in sacculo delicta dicuntur. Sed curas iniquitatem meam, ac si aperte dicat quod modo signas ut poenitendo videam, agis proculdubio ne in retributione videatur

CAP. XXII. — De differentia bonorum et malorum.

Sæpe ergo accedit ut per poenitentiam quis mala et magna corrigat, inter haec tamen bona, quae per poenitentiam correxit, etiam peccata commiserit; et hoc est quod maxime desperationi animo inducit, quia videtur sibi destruxisse quod aedificaverat et omnes illos labores inaniter effusisse; et haec est cogitatio qua preincipie animæ pondus desperationis imponit. Sed illud rursus oportet cogitare, per quod pessima et inimica vita nostræ cogitatio ista repellatur, quia illa bona quae egimus, et emendatio illa quae per poenitentiam quiescita est, nisi suiscaet, et velut contrarium pondus ponderi huic, quod exspectatio nobis introductum est, obstat, nihil fuerat quod in profundum nos malorum decidere prohiberet, nunc autem sicut fortis quedam lorica jaculum grave et amarum non permisit usque ad vitalia viscerum penetrare, sed vim lethalis teli maxima fregit ex parte: certum est enim quod qui fert secum illuc plura bona et plura mala, in ipsis poenis habebit aliiquid refrigerii; qui autem bonorum operum nihil, malorum secum multam copiam desert, quid eum maneat nec opus est dicere; erit enim ibi sine dubio compensatio bonorum operum malorumque, et velut in statera posita, ultraque pars quae emerserit, illa sibi eorum quo momentum vergitar operum vindicabit; si ergo malorum operum multitudine quantitatem bonorum operum superaverit, per-

trahit ad gehennam; si enim major fuerit operum honorum summa vi absistent et repugnabunt malis, atque operatorem suum ad regionem vivorum ex ipso etiam gehennæ confinio revocabunt. Verum haec non tam ex nostro sensu quam ex divinis Scripturarum sermonibus affirmantur, sic enim Scriptura pronuntiat dicens: « Ipse reddet unicuique secundum opera sua (*Matth. xvi, 27*). » Non solum enim in gehenna suppliciorum, sed in regno cœlesti multæ erunt differentiæ. « Mansiones enim, inquit, multæ sunt apud Patrem meum (*Joan. xiv, 2*); » et iterum: « Alia gloria solis et alia lunæ (*I Cor. xv, 41*); » et quod vere amplius admirandum sit, ut ostenderet quod etiam in minimis ratio et mensura pensabitur meritorum, « et stella, inquit, ab stella differt in claritate (*Ibid.*), » ut per hoc ostenderet, quia et inter singulos eorum qui in regno erunt futura sit differentia. Hæc igitur omnia scientes non nos subtrahamus ab operibus bonis, neque desperationis obtentus nos desidiæ atque ignaviae concedamus; neque si ad splendorem solis ac lunæ pervenire non possumus, etiam stellæ nobis, quamvis inferior, claritas contemnenda est. Tantum est ut aliquantulum lucis virtutum merito queramus, tantum est ut quamvis minimum coeli tamen ornatum mereamur explore, si aurum, si lapis pretiosus esse non possumus, argenti saltem expleamus locum; tantum ne in illam materiam convertamur quam facile ignis absumit, ne lignum, ne fenum inveniamur, aut stipula simus; in honorum parte vel ultimi tantum, ne in malis primi.

CAP. XXIII. — *Dicta abbatis Pinophi.*

Præterea vero notandum est quod post illam generalem baptismi gratiam et illud potissimum martyrii donum, quod sanguinis ablutione conquiritur, similes alia in Scripturis sacris ægritudinis nostræ remedia adnotata inveniuntur. Multi sunt enim poenitentiae fructus, per quos ad expiationem criminum pervenitur. Non enim tantum simplici illo poenitentiae nomine salus æterna repromittitur de qua apostolus Petrus: « Poenitemini, inquit, et convertimini ut deleantur peccata vestra (*Act. iii, 19*); » et Joannes Baptista vel ipse Dominus: « Poenitentiam agite, appropinquabit enim regnum cœlorum (*Matth. ix, 2*); » sed etiam per charitatis affectum multitudine peccatorum obruitur, « Charitas enim operit multitudinem peccatorum (*I Petr. iv, 8*). » Similiter ergo per fructum [Forte add., eleemosynarum] vulneribus nostris medela monstratur, quia sicut aqua extinguit ignem, sic eleemosyna extinguit peccatum. Item per lacrymarum profusionem conquiritur Abolitio delictorum, « Lavabo enim per singulas noctes lectum meum, lacrymis stratum meum irrigabo (*Psal. vi, 7*); » denique subiungit, ostendens non inaniter eas suis profusas: « Discedite a me, omnes qui operamini iniquitatem, quoniam exaudivit Dominus vocem fletus mei (*Ibid., v. 9*); » necnon per confessionem criminum abolitio condonatur: « Dixi

A enim, inquit, Pronuntiabo adversus me iniustitiam meam Domino, et tu remisisti impietatem peccati mei (*Psal. xxxi, 5*); » et iterum: « Narra tu iniuitates tuas prius, ut justificeris (*Isa. xliii, 26*). » Per afflictionem quoque cordis et corporis admissorum scelerum remissio similiter obtinetur. Nam « vide, inquit, humilitatem meam et laborem meum et remitte omnia peccata mea (*Psal. xxiv, 18*); » præcipueque per emendationem morum: « Auferte, inquit, malum cogitationum vestrarum ab oculis meis, quiescite agere perverse, discite benefacere, quærите judicium, subvenite oppresso, judicate pupilos, defendite viduam, et venite et arguite me, dicit Dominus: et si fuerint peccata vestra ut coccinum, velut nix dealbabuntur; si fuerint rubra quasi vermiculus, velut lana munda erunt (*Isa. i, 16*). » Interdum etiam per intercessionem sanctorum impetratur venia delictorum, « Qui enim scit fratrem suum peccare peccatum non ad mortem, petat et dabitur ei vita peccanti non ad mortem (*I Joan. v, 16*); » et iterum: « Infirmatur quis ex vobis, inducat presbyteros Ecclesiæ; et orent super eum, ungentes eum oleo in nomine Domini, et oratio fidei salvabit infirmum, et allevabit eum Dominus, et si in peccatis sit, dimittentur ei (*Jac. v, 14*). » Nonnunquam misericordiæ ac fidei merito labor excoquitur vitiorum, secundum illud: « Per misericordiam et fidem purgantur peccata, per conversionem plerumque ac salutem eorum qui nostris monitis ac prædicatione salvantur, quoniam qui converti fecerit peccatorem B de errore viæ sue, salvabit animam suam de morte et cooperit multitudinem peccatorum (*Ibid. v. 19*). » Per indulgentiam nihilominus ac remissionem nostram ad indulgentiam nostrorum facinorum pervenit; « Si enim, inquit, dimiseritis hominibus peccata eorum, dimittet et vobis Rater vester cœlestis delicia vestra (*Matth. vi, 14*). » Videtis ergo quantos misericordiæ aditus patefecerit clementia Salvatoris, ut nemo salutem cupiens desperatione frangatur, cum videat se tantis ad vitam remedii invitari: si enim pro infirmitate carnis, afflictione jejuniorum aboleri peccata non posse causaris, nec potes dicere: « Genua mea infirmata sunt a jejunio, et caro mea immutata est propter oleum, qui cinarem tanquam panem manducabam, et potum meum cum fletu miscebam (*Psal. ci, 9*), » eleemosynarum ea redime largitate. Indigenti si non habes quod impertas, licet nullum ab hoc opere necessitatis inopie ac paupertatis excludat, quandoquidem et illius viduae duo tantum æra ingentibus divitum donariis præferrunt et pro calice aquæ frigidæ mercedem se redditum Dominus repromittat, certe morum poteris emendatione purgari; quod si perfectionem virtutum extinctione vitiorum omnium non potes adipisci, sollicitudinem piam erga utilitatem alienæ salutis impende: si autem idoneum te huic ministerio non esse conquereris, operire peccata poteris charitatis affectu; in hoc quoque si te fragilem fecerit quælibet mentis ignavia, oratione saltem atque interces-

D

sione sanctorum remedia vulneribus tuis humilitati affectu submissus implora. Postremo quis est qui non possit simpliciter dicere : « Peccatum meum cognitum tibi feci, et injustitiam meam non operui (*Psal. xxxi*, 5) ? » ut per hanc confessionem etiam illud confidenter subjungere mereatur : « et tu remisisti impietatem cordis mei (*Ibid.*) ». Quid si verecundia pertrahente revelare coram hominibus erubescis, illi quem latere non possunt confiteri ea iugis supplicatione non desinas, ac dicere ei : « Iniquitatem meam ego cognosco et peccatum meum contra me est semper : tibi soli peccavi et malum coram te feci (*Psal. l*, 5) ». Qui et absque ullius verecundiae publicatione curare et sine improposito peccata donare consuevit, post illud quoque tam promptum certumque subsidium aliud quoque adhuc facilius largita nobis est divina dignatio, ipsamque remedii opem nostro commisit arbitrio, ut indulgentiam nostrorum scelerum pro nostro presumamus affectu, dicentes ei : « Dimitte nobis debita nostra, sicut et nos dimittimus debitoribus nostris ». Quisquis igitur ad indulgentiam suorum criminum desiderat pervenire, istis semetipsum aptare studeat instrumentis, nec obdurati cordis pervicacia a remedio salutari fontem tantæ pietatis avertat. Quæ etiamsi hæc omnia fecerimus, non erunt idonea ad expiationem scelerum nostrorum, nisi ea bonitas Domini elementaque deleverit, qui cum religiosi conatus obsequia supplici mente a nobis oblata perspexerit, exiguo parvisque conatus immensa libefalitate prosequitur dicens : « Ego sum, ego sum qui deleo iniquitates tuas propter me, et peccatorum tuorum jam non recordabor (*Isa. xliii*, 25) ». Tu autem, o homo, hæc considerans stude temetipsum per poenitentiam recuperare et longe a vitiis te separare, sieque bonis operibus insistens poteris Deo te proximum facere, quidquid boni possis dum tempus habes instanter operare. Etenim sicut divitiae hujus saeculi tunc maxime augentur si nulla prorsus lucra nec minima condemnentur [*Forte*, contemnuntur], ita et spiritualibus divitiis nec minimum quid est boni operis contemendum est; alioquin valde absurdum videtur, cum judex noster ne calicis quidem aquæ frigidæ mercedem se promiserit negaturum, nos quidem dicere quia nisi magna quæ gerimus [*Forte*

A quæque egerimus] et ingentia nihil proderunt minima; imo vero ego etiam illud addo : et quia si quis parva contemnat et minima, certum est quod paulatim etiam ad magna perveniat : « Qui vero spernit minima, » sicut Scriptura dicit, « paulatim decidit (*Ecli. xix*, 1), » et ideo arbitror Deum et Salvatorem nostrum in rebus minimis magnas statuisse mercedes : quid enim tam leve, tam facile, quam visitare infirmum, et tamen huic tam exiguo operi remunerationem magnificam posuit? et iterum, quid tam facile, quid tam gratum, quam esurienti præbere cibum, sitienti potum, nudo indumentum, conclusum in carcere requirere? et hæc quæ tam parva sunt et tam minima ita magna ducit et summa, ut ea non homini, sed sibi ipsi Deus depositet ministrata, et pro his regnum coeleste promiserit. Aggregere igitur, amice charissime, aggregere iter æternæ vitæ, et rursus suscipe jugum Christi suave et onus ejus leve, recuperare in temetipso animi virtutes et finem redire initis similem, nec patiaris tantum tibi et tanto labore quæsitum spiritualium gratiarum diripere consum; peribis enim si persistas in peccatis, et exacerbas Deum in actibus tuis; si vero priusquam cœsus tui fiat multa jactura, et priusquam terra tua novis inundationibus repleatur, exclusas irruptionum fauces et ingressum perhibeas inundantium villorum, poteris rursum pristinam reparare culturam, et ad fructus solitos ruris optimi quandam tibi exercere novalia. Exsurge ergo, exsurge, sicut Propheta dicit, et « excute pulverem tuum (*Matt. x*, 14); » exsurge de terra, et statim, mihi crede, terribitur adversarius tuus : ille enim ita te quidem dejicit, quasi ultra non resurrecturum, si aetem videat te surrexisse de terra, et brachia rursum certamini protendentem, ipsa tui audacia deterrebatur, et quanto tu promptior tanto ille formidolosior fiet, et quanto majora presumis tanto ille infirmior fragiliorque redditur. Sed et illud cogita quod ubi audient aderit Deus, illi vero scelerum conscientia et audacia labefactabit et vires, sieque divisa gratia largiente in omnibus hosti tuo superior existens, jam victor fortis ope virtutum valde datus, ad coelestis regni gloriam percipiendam migrabis, ubi cum Christo et sanctis angelis in æternum D gaudebis.